



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

02.6

-31

Utiptip

641

N 8
XVI



Արտիք
641

աբ

ՆՇՄԱՐՔ ՀԱՅԿԱԿԱՆՔ

Հ. ՂԵՒՈՆԴԻ Վ. Մ. ԱՄԻՇԱՆԵԱՆ



ՀԱՅԿԱԿԱՆՔ
ՊՐԻՆՏԵՐ ԵՎ ԳՐԱԿԱՆՔԻ ԿՈՄԻՏԵ

ՀԱՅԱՍՏԱՆԻ ԿՐԹԱԳՐԱԿԱՆ ՍՈՑԻԱԼԻՍՏԻԿԱՆ ԿՐԹԱԳՐԱԿԱՆ ԿԵՆՏՐՈՆ

ՄԱՐԿԱԿԱՆ ԿՐԹԱԳՐԱԿԱՆ ԿԵՆՏՐՈՆ



644-2009

5022-502

ՎԵՆԵՏԻԿ

Ի ՏՊԱՐԱՆԻ ՍՐԲՈՅՆ ՂԱԶԱՐՈՒ

ԼՐ637



ARMÉNIE



PINGHIAN. PONT SUR L'EUPHRATE

ԿՊՄՈՒՐՁ ԲԵՆԿԵԱՆԱՅ.

ՀԱՅԿԱԿԱՆ ՆՇՄԱՐՔ

— ՊԱՏԿԵՐ Ա. Բ. Գ. —


ԿԱՄՈՒՐՁ ԲԻՆԿԵԱՆԱՅ. — ԾԱԿԲԱՐ. — ԱՆՑՔ ԵՓՐԱՏԱՅ.

Հին աշխարհի թէ սրբազան և թէ քաղաքական կամ պետական սլատմութեան և անցից մէջ՝ ամենէն գլխաւոր յիշատակուած և յիշատակելի գետն Նիւրատ, մեր աշխարհին Բարձր Հայոց կամ Կարնոյ նահանգին և գաւառին արևելեան հիւսիսային ծայրէն բղխելով՝ դէպ յարեւմուտս հարաւախառն կ'իջնայ, և մեր աղգին բնակած ընդարձակ տեղուանքը երկու բաժնելով՝ Մեծ և Փոքր Հայք անուամբ կը կտրէ իրարմէ: Եւ յիրաւի կը կտրէ. վասն զի Տօրոս


լերանց մեծ բազուկ մը՝ Անտիտօրոս ըսուած՝ այս սահմաններուս վրայ կը տարածուի, գետոյն հակառակ ընթացքով (յարեւմտեան հարաւոյ յարևելեան հիւսիս): Նիւրատ գետ մեր աշխարհին բարձրագոյն դաշտագաւառէն թափ ու թափ սահելով, քանի որ կ'իջնայ՝ թէ ջրերուն շատութեամբը և թէ երկրին ցածնալովն՝ ուժովնալով, այս երկու Հայոց սահմանաց մէջ՝ ամենէն աւելի ոյժ կը բանեցընէ, այդ անտիտաւրեան բնակառոյց պարսպաց հանդիպելով:

ժայռք և ջուրք դիմադէմ կամ մէջ ընդ մէջ կը զար-
 նուին կը կռուրտին, և այն կակուղ ջուրերն պնդա-
 պինդ ապառաժ քարերու յաղթող կ'երևան. կը փո-
 րեն կը խորեն զանոնք, իրենց ճամբայ կը բանան,
 ի հարկէ ի սկզբան նեղ և դժուարին, զոր մեծամեծ
 ժայռք և կոշկոռք կարծես հակառակելով արգելու
 կը ջանան. Եփրատայ ալիքն ժամերով կը կռուին,
 ու փրփրալով քարէ քար զարնուելով փշրելով ու
 մրմուռալով առաջ կ'անցնին: Եփրատ աջ կողմէն (ի
 փոքր Հայոց) Գարապունար գետակն օժանդակ ընդ-
 ունելով ձախակողմը Մեծ Հայոց մէջ Պաշդաշ գիւ-
 ղին դիմաց, խորածոր յատակի մը վրայէն թա-
 ւալելով կը հասնի ի Բիկկեան քաղաքաւան Հայոց.
 անկէ անդին քիչ մը լայն հովիտ մը գտնելով կը
 սկսի զինքը ցուցընել. վասն զի ինչուան հիմայ ապա-
 ռաժներն հարիւրաւոր ոտք բարձրութեամբ Եփրա-
 տայ երկու կողմէն պարսսի պէս բարձրացած են, ջու-
 րըն հաղիւ կ'երևի մեծ խորութենէ իբրև վհի մը մէջ,
 սեւ սեւ շարժելով. անոր համար ալ Եփրատ մինչև
 հոս Սև ջուր կ'անուանի: Այս խորերուն վրայ կը նա-
 յի Բիկկեան՝ քարաժայռերու վրայ հաստատուած,

դժուարակոխ տեղ մը, որուն կը յաղթէ բարձրա-
 կախ փայտաչէն կամուրջով մը, զոր կը տեսնենք
 այս պատկերիս մէջ (պատ. Ա.). և ի կարնոյ սկսեալ
 այս երրորդ կամ չորրորդ կամուրջն է երիտասարդ
 Եփրատին վրայ ձգուած. որոց նման մէկ մ'այլ
 կայ Ա.կն քաղքէն քիչ մը վար, բայց ամենէն աւելի
 տեսօքն է այս Բիկկեանայ կամուրջս, իր դժուար և
 խոժոռ դրից համար, և գետոյն սաստիկ հոսանացը:
 Վասն զի Ա.կնայ մօտ գետն կը սկսի քիչ մը հանդար-
 տիլ. բայց դեռ չաղատիր լերանց և քարանց բռնու-
 թենէն, մինչև ի կապան քաղաք (Քէպան-մատէ-
 նի), կամ մինչև ի Մելիտինէ (Մալադիա), ի Տլուք
 (Դիլէք) և կարկառ. ուր ձանձրանալով իմն քա-
 րերու հետ կռուելէ՝ կը թողու իր բռնած ընթացքը.
 և որ առաջ կարծէր թէ Սիհունի և Ճիհունի նման
 Միջերկրական ծովը թափիլ կ'ուզէր, անկէ ոչ շատ
 հեռու՝ յարևելս դառնալով լայն և ընդարձակ դաշ-
 տերու և աշխարհներու մէջ կը մտնէ, յԱսորիս,
 յԱսորեստան և ի Բաբելոն, ուր և Տիգրիսի հետ
 գործելով զՄիջագետս, յուռթի և յաղթական ա-
 լիքներովն՝ վերջապէս կը միանայ իր դաշնակցին (Տի-



ARMÉNIE



PASSAGE D'EUPHRATE

У.С.Б.Ф. В.Ф.Р.У.С.У.Б.



գրիսի) հետ, և ինչուան հին Պարսից և Արաբիոյ սահմանները մօտենալով Պարսկային ծովածոցին մէջ կ'անհետանայ:

Տեղւոյն վայրենախառն կամ ահեղագեղ դիրքն, շինուածոց ընդարձակութիւն և բնակչաց բազմութիւնն՝ ինքնին կու վկայեն որ Բինկեան կամ Բենկեան կամ Բետկեան և Բիկեան (վասն զի այս ամեն կերպով ալ գրուած կայ) նշանաւոր սկիզբ մը կամ հիմնադիր մ'ունեցած պիտի ըլլայ, և Հայոց իսկատիպ և սեփական բնակութեանց մէկն. թէպէտև պատմութեանց մէջ չի գտնուիր այս անունս, և տեղւոյն դժուարութիւնն ալ շատ հիւրընկալ չէ եղած օտարաց և ուղևորաց. յԵրոսպացւոց մեզի ծանօթ է Հէլ Պաղղիացին, որ 1847ին գիշեր մ'անցուց հոս, և անցաւ գնաց յԱ.ին, թողլով մեզի այս երեք պատկերները, Բինկեանայ կամուրջը, Ափրատ գետոյն վրայ տկալաստով անցքը կապանոյ մօտ, (պատ. Բ.) և Մակրար ըսուած քարակտուր լեռնանցքը:

Այսպիսի քարածորոց մէջ դարձի դարձի վազող գետոյ մը վրայ ի հարկէ դժուար նաև անկարելի է նաւարկել. բայց կողմէ կողմ անցնիլն հարկաւոր է

միշտ. իսկ Բինկեանայ պէս կամուրջ ձգելն՝ ոչ դիւրին. հարկն հնարած է կարելի միջոց մը անցուդարձի, որ է Տկալաստ, յայլազգեաց ֆեյէք ըսուած, որ հազարաւոր տարիներէ վեր Ափրատայ և Տիգրիսի վրայ կը բանի, և գուցէ մեր հին Հայկազն նախահարց հնարքն է, կամ նահապետաց մարդկութեան: 50 կամ 40ի չափ (և ալ աւելի) ոչխարի մորթ տիկ հանած՝ իրարու կը կապեն, վրան ծառոց ճիւղեր կը ծածկեն, ալ վրան այլ թեթև տախտակներ կը տարածեն և կ'ամրացընեն, կը ձևանայ տկալաստ, մարդիկ և բեռինք, և երբեմն գրաստք ալ վրան կը կենան և անդընդախոր գետոյն կողմէն կողմը կ'անցնին: Արրնայ երևակայուիլ՝ որ որչափ ալ ապահով ըլլայ այսպիսի գետանցք մը՝ դեռ բաւական ճարտարութիւն և զգուշութիւն պէտք է անանկ խորտուբորտ խարակաց և ցցուած ժայռից միջէն, և այնքան ջրոց հոսանաց բռնութեան դէմ անցնելու համար, ոչ անոնց զարնուելով և ոչ ասոնցմէ քշուելով նպատակէն դուրս և շատ հեռու: Նոյնպէս կըրնայ գուշակուիլ թէ որքան զարմանալի և ախորժախառն վախով զուարճալի պիտի ըլլայ անցքն՝ բնութեան և շինու-

Թեան դիտող աչաց, այսպիսի ճամբու մը վրայ,
կամ վհի մը մէջ, ուր տեղ տեղ՝ գետոյն դարձուածք-
ներուն սլատճառաւ՝ միայն լճաձև կամ ձագառա-
ձև միջոց մը կ'երևի, ամեն կողմէն ահեղ ժայռերով
և քարերով սլատած, որք վար թափիլ կը սպառ-
նան: և բազմ մը կը կարծուի՝ նեղ անցք մը գտնելն,
բայց տեղ տեղ ալ տափակ տեղուանք կ'երևան,
որոց վրայ երբեմն մշակութեան նշանք ալ, ծառք և
սլարտէզք և ցրուած տուներ և նաև գեղեր. աւելի
հիանալի կ'երևան երբեմն լերանց ճեղքածքէ՝ իբրև
վերցուած վարագուրի կամ երկփեղկ դրան մը բա-
ցուածքէն՝ ընդարձակ դաշտի կերպարանքն, ագա-
րակներ և շէնքեր: Թողունք գետոյն մշտաձայն խո-
խոջանքը, զոր կ'աւելցընեն երկու կողմերէն՝ երկու
Հայաստաններէն եկած գետակներու և լեռներէն
իջած աղբիւրներու վիժանք, որք մօտէն և հեռուէն
վազվրզելով կու գան իբրև իրենց մօրը գիրկն ինկ-
նալու: Աւելի դարմանալի կ'երևան վարէն՝ այն լե-
րանց կամ ափափայ քարեղէն սարսպաց ափունք-
ներուն վերևը շարժող կենդանիք և մարդիկ. վասն

զի հարկ է որ այնպիսի տեղուանքէ անցնին դէպ ի
կապան երթալու գալու համար. և երբեմն ալ աւե-
լի խոր թափանցելով լերանց կիրճերու և խոռոչնե-
րու մէջ:

Այսպիսի անցքերու մէջ նշանաւոր է Բինկեանայ
և Ակնայ միջոց՝ Շուղի գեղին մօտերը՝ Ծակքարը-
սուած լեռնանցքը, Տեղիք կամ Տեղիքլի-դաշ ըստ
Թուրքաց (սլատ Գ.), որ է կրաքարուտ լերան սլատա-
ռուած մը՝ իբրև հինգ մեդրաչափ լայնութեամբ, ո-
րուն ստորոտը կը թափին լերան վերի սարերէն իջած
ջրերն մեծ շառաչմամբ: Քսան վայրկենի չափ հարկ
է լերան ոլոր մոլոր կրճին դարձուածքներուն մէջ պը-
տըտիլ, ելնելով կամ իջնելով, և մեծ ղգուշութեամբ
ու վախով. վասն զի թէ տեղւոյն բարձրութիւնն,
թէ նեղ ու սահուն գետինն, և թէ չորս կողմի ան-
դունդներն և սահանաց ձայնքն՝ գլխու սլտոյտ և
սրտի սարսափ կըրնան բերել. այնպէս որ անցնող-
ներէն ոմանք՝ իբրև մեծ վտանգէ ազատած՝ ուրա-
խութեան ձայներ և հրացաններ կ'արձրկեն՝ երբ
կըրճէն դուրս ելնեն:

ARMÉNIÉ



GORGE DES MONTAGNES SUR L'EUPHRATE

ՄԱԿՐՈՒՄ.

3.





ARMÉNIE



ERZÉROUM

ԷՐԵՐՈՅ ՔՐԴՍԻ.

ԿԱՐՆՈՅ ՔԱՂԱՔ. — ԶԻՖՏԷ-ՄԻՆԱՐԷ. — ՄՈՂՐՈՎ Ա.ՊԱՐԱՆՔ.

Մեծ Հայք կամ բուն Հայաստան աշխարհ մեր՝ իր բնիկ տերանց իշխողութեան ատեն 15 փոքր Աշխարհ կամ Նահանգ կը բաժնուէր, իւրաքանչիւր առանձին Նախարարի մը կառավարութեան տակ, և զանազան գաւառներ բաժնուած, որք իրենց յատուկ գաւառապետը կամ իշխանը և դատաւորն ունէին: Այս 15 աշխարհաց առաջինն էր Բարձր Հայք, Հայաստանի արեւմտեան հիւսիսային ծայրը. իր առաջին և գլխաւոր գաւառն ալ էր Աարին, որոյ անուամբ շատ հեղ աշխարհն ալ կը կոչուի. իսկ իր քաղաքն ալ՝ Աարնոյ-քաղաք կը կոչուէր, կամ Թէոդոսուպօլիս. հիմայ դիւրութեան համար սովոր

ենք քաղաքն ալ գաւառին անուամբ Աարին կոչել հայերէն. բայց սովորաբար այլազգի անուամբ կը լսուի Էրզրում, և Օսմանեան Հայաստանի մայրաքաղաքն է, ինչպէս երբեմն ալ Յունական Հայոց:


Աարնոյ դաշտն՝ թէ իր երկրին վերիվայրութեամբը, թէ ընդարձակութեան մէջ ցրուած շէնքերուն տեսուածքով, բարձր տեղէ մը նայողին՝ ծովու կերպարանք մը կ'ընծայէ, որուն ալեաց վրայ շարուած են մակուկաձև գեղերն. և իբրև անփոյթ խորշի մը մէջ հարաւային արեւելեան լերանց անկիւնը քաշուած է մեծազանգուած նաւն, Աարնոյ նաւաքաղաքն, որուն բարձրածայր կայմն կամ կանթեղակիր

աշտարակն է թեփախի-միւնարեն. որ և շատ ժամերով
 հեռուէն կ'երևի. վասն զի արդէն քաղքին դիրքն
 բարձր է, բերդն և միջնաբերդն աստիճանաբար ա-
 ւելի բարձր են. այս ետքինիս մէկ կողմէն ալ վեր կը
 բարձրանայ այն աշտարակն՝ իր յատուկ 100 ոտք բար-
 ձրութեամբն. ձեն բոլորակ, երկու չափ (մեդր) տը-
 րամագծաւ. ներսէն քարուկիր, դրսէն կանաչ ա-
 դիւսներով պատած, բռած ու փայլուն. գլուխն
 տախտակամած ափսէածե, անոր համար թեփախ կո-
 չուած. շրթունքն կարմիր ադիւսներու շարքով բար-
 ձրաքանդակ կամ դուրս ցըցած արձանագրութիւն
 մը ձևացուցած է արաբացի լեզուաւ, քիւֆի տա-
 ուերով, Ապտիւլ Գասիմ տոհմէ Մուզաֆֆէր պէկ
 անուամբ կուսակալի մը, Քի դարու մէջ. գագաթը՝
 երեք ու կէս դար է՝ կը ծածանի օսմանեան լուսանիշ
 դրօշն : Այս օգակտուր բարձրացեալ կայմաշտարա-
 կը տեսնողն՝ ՚ի հարկէ կարնոյ ծովադաշտէն կը դի-
 մէ անոր նաւարաղաքը, որ արդէն գրեթէ 6000 ոտք
 բարձր է Պոնտոսի երեսէն, 100 մեդրի չափ սակաս
 քան զանուանի լեռնանցքն Մոն-Սընի, և 40 քան
 զՍեմբըլոնին, և նոյն չափ բարձր քան Սբլիւկէն՝ որ

Զուիցերիի և Իտալիոյ միջի անցքն է : Այսպիսի
 բարձր դրիցն համար՝ ՚ի հարկէ Բետրապուրկի պէս
 ալ ցուրտ կը զգայ էրդիւռում¹. մինչ իր աշխարհա-
 գրական դրիցն նկատմամբ՝ պէտք էր ոչ միայն քան
 զԿ. Պօլիս և զՏրապիզոն տաք ըլլալ, այլ և աւելի
 քան զՀռոմ և զՆաբոլի. վասն զի ասոնցմէ ալ ա-
 ւելի հարաւագոյն, կամ երկրիս հասարակածին մօտ
 է. ուրեմն երկար և սաստիկ ձմեռ մ'ունի, բայց չոր
 և պայծառ օդով. սքանչելի բարեխառնութեամբ
 դարուն և ամառ մը, որ կանաչով, ծաղիկներով,
 արմտեօք և բանջարեղինօք կը զարդարեն կը վայել-
 ցընեն, և սիպերիական ամայութիւնը վայելուչ դը-
 րախտ կը դարձընեն : — Մօտենանք անվախ. և ա-
 հա մէկ բարձր կայմաշտարակին տեղ՝ կը սկսին հա-
 րիւրաւորք յերևան գալ, և ծովադոզի մը ծոց խըռ-
 նուած նաւերու կերպարանք կ'առնու տեղին. — ե-
 թէ մօտիկ ջաղացքներուն բազմութիւնը, անխնե-
 րուն այլանդակ դղորդմունքը և դարձուածքը, և
 ՚ի պաշտպանութիւն քաղքին՝ հողաբլրոց վրայ կանգ-

1. 1855-6 ձմեռը ինչուան — 28° Բէօմ. հասաւ ցուրան :

ARMÉNIE



DOUBLE-MINARET (ERZÉROUM)

213881 1140017.

5.



նած տասնեակ և աւելի մարտկոցներ ու բաղխոց-
ներ (Թրասխա) ալ նկատես, հանդերձ բերդերուն կըր-
կին պարիսպներովը, քաղքին կրկին խրամներովը,
12 դռնաձև կամուրջներու ձգուածովը (Ճէպիս գա-
փուլար), արդարև մեծադիր, հիացուցիչ, տարօրի-
նակ, նշանակերպ տեսարան մը կ'ելլէ հոն, զոր դիւ-
րին չէ զանց ընել, Թողուլ դառնալ :

Արդեօք որչափ հին դարերէ ընտրուած էր այս
տեղս՝ Կարնոյ քաղաք, գաւառին, աշխարհին և բոլոր
արևմտեան Հայոց զլուխ ըլլալու, չեմ գիտեր. բայց
ասկէ 1440 տարի մ'առաջ կայսրն Յունաց ընտրեց
այն տեղը իրեն բաժին ընկած Հայաստանի մայր և
ամուր քաղաքն ընելու. անշուշտ Անատոլեայ շինած
Թեոդոսուպօլիսն հիմակուան բերդաքաղաքն է, բոլոր
չէնքին արևմտեան հարաւային կողմը, երկայն քառ-
անկիւնի ձևով, և երկու կարգ պարսպով; որոց
միջոցն Հիսար-պիչէն կ'ըսուի: Այս պարիսպներս որ
72 աշտարակներով կը կանգնին, ինչպէս Բիւզան-
դացւոց շինած բերդաքաղաքներէն շատն, իրաւ-
չատ անգամ ձեծուեր, քակուեր, նորոգուեր են,
բայց դեռ նախնական շինուածին մասն և ձևն ու-

նին. որուն գլխաւոր նշանն էր՝ դրսուանց նաւա-
ցուկի նման ժայռերով կամ քարերով ցցուած ըլ-
լալն, որպէս զի Թշնամեաց դիւրաւ մօտենալի և բռ-
նելի չըլլայ. ինչպէս որ քաղքին հիմերն ալ ներսէն
դէպ 'ի դուրս փորած և մը բարձրացուցին, որ չկարե-
նան նաղմափորք դիւրաւ հիմը գտնել և քանդել-
արևելեան և արևմտեան երեսներուն աշտարակ-
ներն բոլորած և շինուեցան, հիւսիսային և հարաւա-
յին կողմանցն՝ գոգած և ժայռած. և ահա թէ
ասոնց և թէ պարսպաց ցցուած ցուկներուն հա-
մար՝ այն ատենն ալ Նաշաքաղաքի նմանութեամբ և
կոչմամբ ճանչցուած էր Քաղաքն Կարնոյ: Բերդա-
քաղաքին արևելեան հարաւային անկիւնն է միջնա-
բերդն (Իչ-գալէ) բարձր դըրից վրայ, աւելի բար-
ձրագոյն պարիսպներով. որոց հարաւակողմը կան-
գնած էր բարձրագոյն աշտարակն Թեոդոս անուամբ
յանուն կայսերն, որ տեղ է հիմայ վերոյիշեալ Թէփ-
սի մինարէն, և որոյ խարխիսն կը ցուցընէ հին
շինութիւնը: Բերդաքաղաքին չորս դին կը պատէ
խոր խրամ. անկէ դուրս կը տարածուին արուար-
ձաններն, որ դրսուանց քաղքին հնգակողմն երև-

ւոյթ կու տան, և երկու երեք ժամ կը տեէ շրջապատիլն . բայց ասոնց չորս դին ալ խրամներ կան, որոնք վերոյիշեալ ճեպիոք գաիոք կամուրջներով ներս կը տանին . անկէց ալ ներս անցնելու համար ուրիշ կամուրջներ և չորս դռներ կը գտնես . ուր կը հրաւիրեմ հետևողս ներս մտնելու և պտըտելու ու դիտելու, ինչ որ ինձմէ առաջ շատերն նկատեր ու նըկարագրեր են, իբրև մնացեալ նշանաւոր շէնք՝ այս հիմայ նուազեալ, բայց միշտ մեծ քաղաքին :

Ի հարկէ դիտելի բաներէն պիտի ըլլան Չիֆոտեմիևարէն, Թէփսիին մօտ, իր ջուխտակ գեղեցիկ սիւնանման շերտաձև կիսկատար աշտարակներովն, կարմիր, կանաչ, կապոյտ, սև աղիւսներով, քիւֆի գրով և պարսիկ լեզուով հին արձանագրութեամբ մը գրուած յամին Քրիստոսի 962. — աշտարակաց միջոց բարձրակամար և բաղմաքանդակ դուռն իբր 50 ոտք բարձր . — կարգացողաց երկկարգ 40 սենեակներն, և անոնց ծայրն եղած տաճարաձև խմարեղ սենեակն կամ շիրիմն, որուն սքանչելի մանր քանդակները քակեր տարեր են Ռուսք՝ քաղաքն առած ատեննին, յամին 1829 : — Ոչոռձաւի մեծ մզկիթն,

և մեծ շինուածն՝ 50 չափ երկայնութեամբ և 40 լայնութեամբ, եօթն կարգ սիւներով 28 կամարասեանց վրայ, որոնց վրայ կ'ամբառնար մեծ գմբէթ մը, իսկ հիմայ տախտակով պատած է . ի սկզբան ինչ բանի համար շինուած էր այս տեղս, ես շիմացայ : — Չիկի-միևարէ՝ Երզնկայի դրան մօտ . և անոր քով քարաշէն Մոռորո-սերայ կամ Մոռորով տեղն, բաղմաքանդակ դուռով մը, որուն համար ոմանք ըսին թէ Մուռորո անուամբ Եղիտի մը պալատ էր, որ իսլամը յանձն առած ըլլալով սպանուեցաւ իրեննեւրէն : — Թօփիսանէ, մեծ քառակուսի շէնք մը, որ անշուշտ հին եկեղեցի մ'էր, ինչպէս նաև մզկիթներէն շատն, որ բերդաքաղաքին մէջ 50 հատ կան, իսկ բոլոր քաղաքին մէջ ատենօք 200 հատ կը համարուէին : Եէն եկեղեցիք հիմայ քիչ և նորաշէն են, մէկ մէկ հատ Հայոց, մատուռ մը Յունաց, եկեղեցի մը լատինացի կնկրդաւոր կրօնաւորաց : Ասոնցմէ վերջը դիտելիք են վաճառանոցքն, կտաւանոցք, կարաւանատունք և իջևվանք 40ի չափ, բաղնիքներ, բաղմաթիւ աղբիւրներ, գմբէթաւոր շիրիմներ, գործարանք զինուց, մորթեղինաց, ձիու կաղմածոց, պղըն-

ARMÉNIE



MOGHROV, PALAIS (ERZÉROUM)

ՄՈԳՐՈՎ ԱՊԱՐԱՆՔ.



ձէ ամաններու , և այլն : — Պարսպաց վրայ կ'երևին տեղ տեղ մնացորդք յոյն և հայ արձանագրու թեանց , քանդակք և խաչվէմք , բայց քիչ :

Պէտք չէ մոռնալ քանի մ' ուխտատեղիներ ալ , որոց զխաւորն է Սահակայ և Յովսէփայ հանգստարանն Ուլուճամիի մօտ , և անոնց Նահատակի աղբիւրն , զոր Ապռ-սախ կ'անուանեն մահմետականք , իրենց մէկ տանը մէջ ըլլալով , Գավրիժու դրան մօտ : — Ս . Թորոս , Ս . Մինաս և Քառասուն Մակկոռք , և այլն : Հայոց եկեղեցւոյն հին Ս . Աստուածածիկ մատրան քով ալ կայ Գէորգ նահատակին գերեզմանն : Այս մատրան քով էր կ'ըսեն հին եկեղեցին՝ ուր Եզր կաթուղիկոս Աարնոյ ժողովքն ըրաւ յամին 632 , Հերակլ կայսեր հրամանաւ : Մահմետականաց պատուած գերեզմաններէ 50 հատ մը կան բերդին մէջ կոնաձև գմբէթներով . քաղքէն դուրս ալ արևելեան դրան դիմաց՝ Կիւսիւշի Գիւսիք ըսուածներն , որոց մէջ շատ գեղեցիկ էք մէկ մը 15 ոտք բարձր , ութանկիւնի , փայլուն քարէրով , չորս կամարաւոր դռներով , բայց մէջը դատարկ ու անխնամ թողուած : — (Հոս անցողաբար պէտք է զգուշացընեմ

պտըտողը՝ քաղքին մեծամեծ շանց բաղմութենէն , որք մանաւանդ զիչերը շատ ահարկու են , կէսօրն ալ ահանջ կը խլացընեն հաջմունքով :) — Քաղքին երեսէն և միջէն պակաս զարմանալի չեմ կարծեր , դուցէ և շատ աւելի՝ իր ներքին յատակն , (որովհետեւ արտաքինն շատ մաքուր չէ , և փողոցներն այլ բաւական լայն չեն) . իսկ ներքին յատակ ըսելով կ'իմանամ գետնին տակը , ուր հին քաղքին շինողք՝ անոր ամրութեան և պիտոյից համար ճամբաներ շինած էին , թէ ջուր բերելու , ինչպէս որ կը վկայեն աղբիւրներն ալ ինչուան հիմայ , թէ խոտ բերելու Շամբէն , և թէ զօրաց ելումուտի համար : — Գուցէ այն շինուածոց մասնակից էին Աիւմիւշիւ գմբէթից քով եղած Աղլան-Վերան բլրին մէջ փորուած քրն և բաւղած և փողոցներն . որոյ քով կար հին մեծ շինուածք մ'ալ , որուն դռները իրենց հռովմէական արժուեաց քանդակներովը՝ թռուցին Ռուսաց արժուիններն մինչև Ֆինլանտիոյ ծովածոցը : Այս նոր արժուեաց աւերածէն ետև Աարնոյ քաղաքն շատ նուազեցաւ շինութեամբ և բնակութեամբ . այն պատերազմէն առաջ՝ 20,000 տուն մահմետական կար ,

3500 տուն Հայ . ատենօք ինչուան 40,000 տուն բնա-
կիչ կը յիշուի . հիմայ այն տուներուն թուով են բը-
նակիչքն , կամ քիչ աւելի . ըստ ոմանց 70,000ի կ'ել-
լեն բոլոր բնակիչքն , որոցմէ մեր ազգայնոց թիւն
5000ի չափ ըլլայ : 20 տուն մ'ալ Բոշայ կայ , որք թէ

և մէկալ անձանօթ բոշայից ցեղակից կ'երեան ,
բայց բարեկիրթ են և քրիստոնեայ , և Հայոց սովո-
րութեանց և լեզուին հետեողք :

Կարնոյ քաղքին և այս իր շէնքերուն պատկեր-
ները՝ 1859ի մեծ դետնաժաժէն առաջ առնուած են :


— ՊԱՏԿԵՐ Է . —

ՀԻՆ ԵԿԵՂԵՑԻ ՀԱՅՈՑ ՅԱԽԱԼՅԻԽ Է

Ախալցիխէ՝ Վրաց լեզուով Նոր-բերդ ըսել է , և
յայտնի է անուամբն՝ որ աւելի Վրաց քան Հայոց
քաղաք եղած է հին ատեն . և ստուգիւ՝ ոչ ասոնց
և ոչ անոնց , այլ Մեսխք ըսուած կովկասեան ժո-
ղովրդեան մը , որոց երկիրն՝ ընդ մէջ Եգերաց ,
Հայոց և Վրաց՝ նոյնպէս կոչուէր , ի Վրաց՝ Սա-Մրց-
իւ , որ է Երկիր Մեծխաց , այս անունս արեւմտեան
ազգք Մոսք կամ Մոսոք կը գրեն , որ և Ս . գրոց յի-
շած Յարեթի Մոսոք թոռան համաձայն է , և հաւան-

որէն այն նահապետին նախ բնակած երկիրն է :
Կովկասեան ազգաց մէջ Վիրք ամենէն յառաջա-
դէմ ըլլալով տիրեցին Մեսխաց ալ . իսկ Հայք գու-
ցէ միայն իրենց ամենէն աշխարհակալ թագաւորաց
ատեն . թէ և Բագրատունեաց իշխանութիւնն ալ
ինչուան այս կողմերս մօտեցաւ . դոնէ ասոնց ատե-
նէն սկսած է հոն Հայոց գաղթականութիւնն , որ
մօտ ատեններս աւելի շատցաւ . այսինքն երբ (1828)
Ռուսք առին յՕսմանեանց այս գաւառներս՝ անոնց

ARMÉNIE



VIEILLE ÉGLISE (AKHALZIKHÉ)

ՀԻՆ ԵՎ. ՅԱՆՍՆԻՍԻԱՆ.

7.





ARMÉNIE



AZGHOR

ԱԶԴՈՐ.

8.

հետ առած Կարնոյ և Կարսի գաւառներէն տեղա-
 փոխելով զՀայս, բաղմութիւն մ'ալ այս Մեսխաց
 կողմերը ցրուեցին. բնականապէս շատք եկան ի գըլ-
 խաւոր քաղաքն Ախալցիխէ. սակայն ասիկայ պա-
 տերազմի ատեն ումբակոծութեամբ մեծապէս աւ-
 րուած ըլլալով, իր միջէն անցնող համանուն գետոյն
 հարաւային կողմը նոր քաղաք կամ աւան մը պէտք
 եղաւ շինել Հայոց, ուր և բնակեցան. և հիմայ Ա-
 խալցիխէի (որ ուամկօրէն Ախըլսխա կամ Ախըս-
 խա կ'ըսուի) 15 կամ 16000 բնակչաց մեծագոյն մա-
 սըն Հայազգի է. մնացածն Վրացի, քիչ մ'ալ թուրք
 և Հրեայ:

Նոր գաղթականք Հայոց գտան յԱխալցիխէ ի-
 րենցմէ առջիններուն քանի մը սերունդքը, և անոնց
 ալ նախնեաց յիշատակարանները. որոնց գլխաւոր-
 քըն են երկու հին եկեղեցիք, Ս. Խաչ և Ս. Յովնան-
 նեա, որոց մէկն աւելի աւրուած էր քան զմիւսն, և
 ահա աւելի շէն եղածին պատկերն է այս. Հայոց
 միջին դարու եկեղեցեաց սովորական ձևով, և ոչ
 այնչափ սրածայր կաթուղիկէիւ կամ գմբեթաւ, որ
 բաւական հնութեան նշան է: Եկեղեցւոյն չորս կող-
 մըն ալ Հայոց գերեզմանք կան, իրենց հին ոճովն,
 այսինքն խոյակերպ քարերով և խաչարձաններով:

— ՊԱՏԿԵՐ Ը. —

ԱԶՂՈՐ ԿԱՄ ԱՍԿՈՒՐԷԹ.

Մեսխաց աշխարհին և հիմկու Ախալցիխէ գաւա-
 ոին վիճակներէն մէկն ալ է թուրքաց Ազդոտը կոչա-
 ծըն, որ և Ածդոտ, և ըստ Վրաց Ածխուերի, իր բեր-

դաքաղաքին անուամբ. որուն հիմնարկութիւնն բա-
 ւական ալ հին պիտի ըլլայ. որովհետեւ ոչ միայն ի
 Վրաց, այլ և իմեր պատմչաց կը յիշուի ի սկիզբն

Ժ դարու՝ Սակոշրէր կամ Սակոշրէր կոչմամբ, ուր այն ատեններն եկաւ ապաւինելու մեր Բագրատունի քաջ թագաւորն Աշոտ Երկաթ, 250 կտրիճներով, որոց հետ յարձըկեցաւ և հալածեց 4000 մարդ՝ զոր երկու Գնունի եղբարք իր վրայ բերեր էին, և կորակոր դարձուց: Նոյն դարուն վերջերը՝ Գաւիթ կուրուպալատ Տայոց՝ այս բերդս ընծայեց մեր Սմբատ Տիեզերակալ թագաւորին, ի վարձ իրեն տուած օգնութեանը:

Ազղոր կուր գետոյն աջ կողմը կառուցած է, բարձր և պաշտպանութեան յարմար դիրքով. բերդն ալ բաւական ամուր է, և դեռ մէջը կը գտուին հին շէնքին մնացորդք, վրացերէն արձանագրութիւնք, և ձրամարտի մը, այսինքն քարակուր ճամբայ գետէն վեր ջուր բերելու համար:

Բերդէն աւելի անուանի է Ազղորի Տիրամօր ուխտատեղին, ըստ աւանդութեան վրաց Անդրէաս առաքեալ հոս բերած է Ս. Աստուածածնի պատկեր մը, և հրաշագործ բժշկութիւններ ընելով՝ տեղւոյն կռատունը կործաներ և եկեղեցի մը շիներ ու պատկերը հոն դրեր է. կ'ըսեն այլ թէ մինչև Հերակլ

կայսրն ալ ուխտի եկեր է հոս, և քակելով եկեղեցին՝ նոր և մեծ եկեղեցի մը շիներ է. անոր համար առջինն ըսուեր է Ծռեղ-Էկրեսիա (հին եկեղեցի), և եպիսկոպոս ալ հաստատուեր է հոն: ԺԳ դարուն վերջերը մեծ ժածէ մը կործաներ է եկեղեցին, և գմբէթն՝ կ'ըսեն, իջեր հովանիի պէս ծածկեր է սուրբ պատկերը: Նորէն կանգներ են եկեղեցին, և նոյն պատկերը շատ հեղ գերութենէ կամ գողութենէ դարձուցեր են հոն՝ տեղւոյն իշխողք, ծանր ծանր գնով, ինչուան ԺԶ դարուն վերջերը: Անկէ ետե այլազգիք տիրելով տեղւոյն՝ եկեղեցին ալ կործաներ է, պատկերն ալ անյայտ եղած է. հիմայ կու մնան միայն եկեղեցւոյն աւերակներն, որոց վրայ կ'երևան ճարտարապետութեան և նկարչութեան գեղեցիկ նշաններ:

Ասկէ դար մ'առաջ (1770) երբ վրաց Հերակլ թագաւորն այլազգիները զարկաւ յԱզղոր, առաջին անգամ էր որ Ռուսք իրեն նիզակակից՝ այս կողմերս եկան. իսկ երբ Ախալցիխէի տիրեցին, Ազղորն ալ անոր վիճակ մ'եղաւ:



ARMÉNIÉ



VARTZIA

ՎԱՐՉՈՒՆԻԻ.

Վ Ա Ր Զ Ո Ւ Ն Ի Ք .

Այս անունս թէ և մեր պատմութեանց մէջ շատ ծանօթ չէ, սակայն մեր Գուգարաց աշխարհին մէջ է, և անոր Չաւախք գաւառին, հիմկու Ախալ-քէ-լէք քաղքին սահմանը, անկէ և կամ Տ ժամ հեռի: Գուգարաց աշխարհքն՝ որ Գովդ յաբեթական նահապետին բնակութեամբ և անուամբ կոչուած է, կուր գետոյն գեղեցիկ հովտաց ձորոց և լեռանց ընդարձակ երկիր մ'է՝ ընդ մէջ Հայոց և Վրաց, և մեծագոյն մասն ասոնց վիճակ ընկած է, ինչպէս որ տեղեաց անուանքն և շէնքերն ալ կու վկայեն: Այս շինից մէջ ամենէն զարմանալեաց մէկն է վարձուցիք ինչպէս կոչեն Հայք. վասն զի կ'երևի թէ նախ

ի Վրաց կամ ի հին Գուգարաց ազգէն շինուած է, բովանդակ քարալերան մէջ կտրուած և փորուած. որոյ նման ուրիշ քաղաքներ ալ կան այն կողմերը, ինչպէս Ուփլոս-ցիխէ ըսուածն: Հաւանօրէն այս տեղս առաջ ամրութեան և պաշտպանութեան համար շինուեցաւ, զուցէ վարդ անուամբ մէկէ մը, վասն զի ի սկզբան վարդ-ցիխէ (վարդաբերդ) կոչուած է, և աւրուելով վարձիւս, ինչպէս ինչուան հիմայ կոչուի. այսպէս կոչած են մեր պատմիչք ալ, նաև վարձառունիք կոչելով: Վրաց Գէորդ թագաւորն ԺԲ դարուն կիսէն ետև այս քարափոր քաղաքին կամ քարայրերուն աւելցուց մեծաշէն


վանք մը, եկեղեցի մը և պալատ մը, ամենն ալ նոյնպէս քարակտուր. միայն եկեղեցւոյն ճակատն տաշած քարերով շինած: Իր դուստրն մեծահոջակ թագուհին թամար՝ կատարելագործեց հօրը սկսածը, զբօսանաց ապարանք մը շինելով և եկեղեցին զարդարելով. ուր և թաղեցաւ ինքն և հայրն և ուրիշ շատ իշխանազուներ: Անկէ ետև ալ աւելի հրօշակեցաւ տեղն, որ հիմայ աւերակ է. բայց զարմանալի աւերակ. զրեթէ երկու տակ քաղաք կամ բնակարանք. նոյնպէս ալ երկու եկեղեցի, մէկն մէկալէն 60 ոտք բարձր. անոնց մօտ ուրիշ հին եկեղեցիներ և մատրուներ, որք թէ և իրարմէ աւելի պակաս աւրուած են, սակայն ամենն ալ զարմանալի և ճարտար քանդակներ ունին, նոյնպէս նկարէն պատկերներ պատերուն վրայ, որոց մէջ Քէորդայ և թամարայ ալ սրբոց լուսապսակներով. բերդի և բնակարանաց մնացորդք ալ կան: Աւելի զարմանալի են Քէորդ թագաւորէն առաջ շինուածքն, ինչպէս եկեղեցիք. որոց մէջ շատ յունարէն արձանազրութիւններ կան, ինչուան ՔՍ. դարու ըսկիզբները. հաւանօրէն անկէ ալ հին յիշատակներ

պիտի շան. գոնէ մեր պատմչաց և աւանդութեանց յիշածն աւելի հին է: — Մեր մէջ յիշուած հրաշալի խաչերուն մէկն է վարձուցեաց Խաչն. որոյ համար կ'աւանդեն զրոյցք՝ թէ դրախտի ծառոյն մէկ ճիւղն է, զոր Ս. Մեսրովպ ուրիշ խաչի մը մէջ մտուցեր դրեր է. ճիւղը տուողն ալ Ս. Աստուածածինն է եղեր. անոր համար վարձուցեաց Աստուածածին ալ կ'ըսուի, որով ի հարկէ ուխտատեղի կ'ըլլայ տեղն ալ: Վարդան պատմիչ ալ կը վկայէ որ այդ խաչդ օրհնած է ի Ս. Մեսրովպայ, և աջ թևին վրայ հայերէն գիր կայ, զոր վրացիք ոսկւով ծածկեր են. առաջ Շիրակ գաւառին մէջ ի Գալրեւանք կը պահուէր, և ճոնեանց խաչ կ'անուանէր. Է դարուն կիսէն առաջ ճոն Սարգիս ապահովութեան համար փախուց տարաւ ի վարձիա, անոր համար ըսուեցաւ վարձուցեաց Խաչ: Շատ դարերէ վերջը վրաց մեծահոջակ Գելաթի վանքը փոխադրեցին այս խաչս, և գուցէ ինչուան հիմայ հոն կը պահուի. վասն զի վանքին գանձարանին մէջ շատ հին և թանկ խաչեր ըլլալն՝ յայտնի է:

697-2009



ARMÉNIE



ORBETH
ՇՍԾՇՈՅԼՏԷ

ՇԱՄՇՈՅԼՏԷ ԿԱՄ ՕՐԲԵԹ.

Ասկէ առջի թուին մէջ յիշեալ Գուգարաց աշխարհին գլխաւոր գետերէն մէկն է Խրամ, որոյ անուամբ գաւառ մ'ալ կը ձեւանայ Խրամիձոր ըսուած, Վրաց գլխաւոր գաւառին՝ Տփլիսու հարաւակողմը. Խրամայ ձախ կողմէն (որ է հիւսիսային) ընդունած գետակներուն մէկն է Ճիվճիվ. այս երկուքին խառնուածոց անկիւնն բարձրադիր լեռնավայր է, իբրև 2700 ոտք բարձր ծովուն երեսէն. որով ի բնէ ամուր և դժուարամատոյց տեղ մ'է. ուր՝ մեր և Վրաց պատմութեան մէջ յիշուած անուանի բերդերուն մէկն կանգնած է և հիմայ կիսաւեր մնացած: Ըստ աւանդութեան Վրաց՝ նոյն ինքն իրենց նահապետն Քարթլոս՝ եղբայրն Հայկայ՝ է շինող բերդին, որ կոչեցաւ Օրբեր, և ըստ Վրաց լեզուի թարգմանի Արծուեաց տեղ. յիրաւի ալ շատ արծուիք կը բու-

նին անոր քարաժայռ լերանց ձորերուն մէջ: Բայց աւելի սովորական անունն է Շամշոյտե. զոր մեր պատմիչք՝ սկսեալ ի Յովհ. կաթուղիկոսէ՝ թարգմանեն Երեք-Նետ, Սամի-շվիլտէ, ոմանք ալ Սա-մըշ-վիլտէ կարգալով կը թարգմանեն Երկիր-աղեղանց: Ինչ որ ըլլայ ստուգաբանութիւնն՝ տեղն շատ հին է. և ըստ աւանդութեան Վրաց՝ Հայկազանց ատեն իրենց երկիրը գաղթական մ'եկած է ի Չինաց և այն բերդը ժառանգեր է հազար տարիներով, և անոր հին անուամբ Օրբեթուլ կամ Օրբուլ կոչուեր է. այս է պատճառ անուան հռչակաւոր Օրբելեան կամ Ուռպելեան ցեղին, որոյ ազնուական սերունդքն հիմայ ալ Ռուսաց մէջ Վրահայոց հին ազնուական ցեղից մէկն կը ձանչցուին և կը պատուին յարբունիս, և մեծ ու զինուորական պաշտօններ կը վարեն.

Թերևս բոլոր Եւրոպիոյ մէջ ասոր նման հին աղ-
նուական ցեղ չկայ :

Ժ դարուն սկիզբը մեր Բագրատունի Սմբատ Ա
Թագաւորն տիրեր էր այս տեղիս ալ, և յանձներ
էր այն (Վասակ և Աշոտ) Գնունի եղբարց՝ զոր յի-
շեցինք Ը. Թուին մէջ, և որոց վրայ եկաւ և « Աստ
եկաց Երկաթ Աշոտ, արար յաղթութիւն և գնաց »,
ինչպէս որ գրուած մնացած է հոն գերեզմանաքա-
րի մը վրայ, ըստ տեղագրութեան Զալալեան Սար-
գիս արքեպիսկոպոսի : Յաջորդ դարուն սկսան պայ-
ծառանալ հոն Օրպելեանք, որոց հետ թշնամենա-
լով Գէորգի Թագաւորն Վրաց՝ սաստիկ պաշար-
մամբ և կոտորածով նուաճեց բերդը. բայց Թամար
Թագուհին նորէն դարձուց անոնց ցեղէն մնացոր-
դացը, որոնցմէ էր ԺԳ դարուն վերջերը Տարսայիճ
մեծ իշխանն Հայոց Սիւնեաց, և իր որդին Ստեփա-
նոս եպիսկոպոս և անուանի պատմիչն Սիւնեաց :
ԺԵ դարուն սկիզբն Ղէնկթիմուրի աշխարհաւեր
ձեռքն հասաւ հոս ալ. անկէ մնացածն աւերեց Գա-
րագոյունլու ցեղին զվսաւորն յամին 1440. անկէ
ետե տեղն աւերակ մնացեր է, թէ և հաղարէն ա-

ւելի տանց տեղիք կ'երևան. նոյնպէս բերդն ալ լե-
զուած և երկրին բարձրագոյն ծայրը, ուր երկու քա-
րափոր ջրամբար ալ կայ. 8 կամ 10 եկեղեցեաց
աւերակք, որոց մէջ վրացերէնէ զատ հայերէն ար-
ձանագրութիւնք ալ կան ԺԳ դարու սկիզբէն. ա-
ւելի հին ալ կայ ԺԱ դարուն կիսէն խաչարձանի մը
վրայ Բատ կամ Սմբատ իշխանի, որոյ գանձերն ալ
ուրիշ տեղ մը թաղուած կը նշանակուի : Ուրիշ խաչ-
արձան մ'ալ կայ՝ այսպէս. « Սուրբ խաչն Յիսուսի
Քրիստոսի է փրկող Զաքարիասա իշխանաց իշխա-
նի », որ պէտք է ԺԳ դարուն առաջին տասնեկին
մէջ գրուած ըլլայ :

Հին բերդին և աւերակաց դիմաց ձիւձիւլայ միւս
(ձախ և հիւսիսային) կողմը շինեցաւ նորերս Նոր-
Շամշոյրտէ գեղն, ուր բնակին 50 տուն մերազգիք,
եկեղեցեակ մ'ալ ունին : Տեղւոյն դիրքն, սահման-
քըն, օդն և ջուրն շատ աղէկ և զուարճալի են. միայն
տաքն և ցուրտն ալ ըստ եղանակին՝ սաստիկ կ'ըլ-
լայ : — Ահա այս հին և հռչակաւոր բերդին և սահ-
մանաց երևոյթն է Ժ. պատ. Հայկական Նշմարիս :

ARMÉNIE



KATHARINENFELD

ԳԱԹԱՐԻՆԷՆՖԵԼԸ

— ՊԱՏԿԵՐ ԺԱ. —

Գ Ա Թ Ա Ր Ի Ն Է Ն Ֆ Է Լ Տ .



Այս տեղւոյս անունը կարգացողն կամ լսողն՝ կը կարծէ թէ Հայկայ և Քարթլոսի սահմաններէն յանկարծ Վերմանիոյ խորերն ընկանք . և սակայն հազիւ երկու փարսախս երկու ժամ հեռու ենք ի Շամշոյլտեայ , ասոր հարաւակողմը , և Խրամայ աջակողմեան օժանդակի մը եղերք , որ հիմայ Մաշաւեր կամ Ճապալա կոչուի , և հին ատեն առանձին փորակ կամ ձորագաւառ մը ձեացընէր , իր Քուէշ գլխաւոր աւանին անուամբ՝ Քուիշափոր կոչուած : Յայտնի է ուրեմն որ Գաղարիկեկեփեյտ կամ Էգարե-րիկեփեյտ՝ Ուռալեւեանց ոստանին պէս երեք կամ չորս հազար տարուան հնութիւն չունի , և ոչ ալ դարա-

կան , վասն զի այս մեր դարուս մէջ շինուած է . բայց յիրաւի դարմանալի պատճառաւ և տեղափոխութեամբ մը :
Երբ մեր փրկչական թուականին հազարամեայ դարն լրացաւ , ընդհանուր քրիստոնէութեան մէջ կարծիք և վախ կար աշխարհիս վերջանալուն . այն ատենուան եղած չարիքն ալ , թուրքաց արշաւանքն՝ այս բանիս սկիզբ մը սեպուեցաւ . բայց տարի տարուան վրայ անցնելով և ԺԱ դարն երկըննալով այն վախն ալ փարատեցաւ . յետոյ դարերն ալ յաջորդեցով բոլորովին մոռցուցին . սակայն մեր դարուս սկիզբները Առաջին Նաբոլէոնի պատերազմներէն

վերջ նորէն այսպիսի վախ մ'ընկաւ . բայց այս անգամ Պերմանացի աղանդաւորաց մէջ , մանաւանդ Վիրթէմպերկցոց . որք հաւատալով թէ աշխարհիս վերջն հասեր է և Քրիստոս պիտի գայ նորէն ի Պաղեստին , ելան իրենց երկրէն՝ ընդ առաջ երթալու երկնաւոր Գատաւորին : 1818ին էր որ թողուցին տուն տեղ հաղարաւոր երկիւղածք , և ուղեցին ոտքով քալելով ի Պերմանիոյ մինչև յԵրուսաղէմ երթալ , զանազան աշխարհներէ անցնելով . ուր և շատերն իրենց կարծիքէն առաջ հասան ի հանդերձեալ աշխարհն , ճամբու նեղութենէն մեռնելով . մինչև մնացեալքն Ռուսաց և Կովկասի սահմանները հասնելով կամայ և ակամայ համոզուեցան առանց աւելի առաջ երթալու՝ այն տեղուանքը կենալ և սպասել : Շատերն եկան Վրաց կողմերը , և Տիֆլիսէն սկսեալ ինչուանայս մեր տեսած տեղը՝ հինգ վեց գաղթականութիւն կամ բնակութիւն հաստատեցին , անուանելով Նոր Թիֆլիզ , Ալեքսանտէրստորֆ , Էլիզապէթթալ , Մարիէնֆէլտ , Բեդէրստորֆ և Գաթէրինէնֆէլտ . ոմանք ալ Գանձակ կամ Կէնձէ քաղքին մօտերը (հին Հայ-Աղուանից երկիրը) Ան-

նէնֆէլտ և Հելէնէնտորֆ գաղթականութիւնները հաստատեցին . սկսան տուն տեղ շինել և երկիր բանիլ , իրենց գերմանական պարզ , կոկ և բարեկարգ ոճովը . որ զարմանք մ'էր այնպիսի խառնազգի ժողովրդոց մէջ , որք էին Հայք , Վիրք , Թաթար , Պարսիկ , Թուրք և Քուրդ : Հազիւ թէ շէնքերն և ծառերն բարձրացեր էին՝ Պարսից և Օսմանեանց պատերազմներն բացուեցան , 1826ին . անկիրթ ժողովուրդք և աւարառու ցեղք , մանաւանդ Քուրդք և Պարսիկք՝ Գանձակայ կողմի գաղթականները ցրուեցին և գերեցին . ինչուան հոս ի Գաթէրինէնֆէլտ աւելեան , ուր այն ատեն 85 տուն կային . 50 հոգի սպանեցին , 150 ալ գերի տարին . քանի մը տարի գեղնամայի և վախի մէջ մնաց , ինչուան որ Ռուսք Պարսից և Թուրքաց յաղթելով և տիրելով անոնց զանազան գաւառաց , այս կողմերս ալ հանդարտեցան . գերիներէն ողջ մնացողք դարձան տեղերնին . նորէն ձեռք զարկին շինութեան և մշակութեան , և շուտով ծաղկեցան և աճեցան : Ամենէն անուանիներէն և մեծ գեղերէն մէկն է այս Վրահայոց հոշակաւոր Շամշոյլտէին դրացին Գաթէրինէնֆէլտ , 120



գուցէ և 150 տունով, որք վեց շիտակ ճամբաներու վրայ շարուած են. մէջ տեղը մեծ հրապարակ մը կայ, մէջը երկու եկեղեցի: Պեղին չորս կողմն են իրենց մշակութեան գեղեցիկ ագարակներն, քիչ մ'ալ հեռու որսոց տեղուանք՝ անտառակաց և լեռանց միջոց: Այս գաղթականին ընտրած տեղւոյն մօտ՝ Գեղի անուամբ գեղ մը կար, մեծ մասն հին

աւերակներով եկեղեցեաց, աղբերաց և գերեզմանաց. անշուշտ մեծ և բազմաբնակ շինուածի մը մնացորդ, զոր կերպով մը կենդանացուցին մեր հիւր Պերմանացիք. և այն իբնէ վայելուչ երկիրները կըրկին վայելչացուցին կանոնաւոր հողագործութեամբ և տնտեսութեամբ:

— ՊԱՏԿԵՐ ԺԲ. —

Գ Ա Ի Ա Ջ Ի Ն Լ Ե Ա Ռ Ն

Մեր նախայիշեալ (Թ. Ժ. ԺԱ. թուոց մէջ) Գուգարաց աշխարհին արևելեան սահմաններն՝ կուր գետոյ եզերքը կը խառնուին Հայոց ուրիշ աշխարհի մը հետ, որ է Ուտի կամ Ուտէացիք. այս երկու աշխարհաց սահմանագիծն կամ բաժինն որոշ և յայտնի չէ մեզի. բայց երկու գետոց՝ Ինճէ սու և Ճողազ ըսուած՝ միջոցներն է. ուր որ ընդարձակ և գեղեցիկ


դաշտ մը կը տարածուի, զոր նախնիք մեր կոչեն յանուն Գագ կամ Գագիկ թագաւորի կամ նահապետի մը: Գաշտին մէջ ալ կան սղտիկ և չափաւոր լեռներ, որք գետնին երեսէն բուսած կ'երևան դարմանալի ձևով. անոր համար հին ատեն ամրութեան տեղուանք եղած էին թշնամեաց արշաւանքէ. յայտնի է որ վրանին բերդեր ալ շինուած ըլլալով: Ա.

սոնցմէ մէկն է նոյն դաշտին անուամբ և անոր գըլ-
 խակողմը եղած քարաբլուր մը, որոյ մէկ կողմը ան-
 ուանի ուխտատեղին է Ս. Սարգսի, որուն մէկ ա-
 տամը խաչի մէջ անցընելով օրհներ և հոն կանգներ
 էր Ս. Մեսրոպ, ինչպէս կը յիշեն ստէպ մեր ԺԳ
 դարու պատմիչք և վարդապետք, Վանական, Վար-
 դան և Աիրակոս. Ս. Սարգսի ծանօթ շարականին
 վերջի տունն ալ կը նշանակէ այս բանս: Այս բեր-
 դաւոր և ուխտատեղի քարաբլրէն աւելի բարձր և
 քիչ հեռու նոյն դաշտէն 1500 ոտք վեր բուսած է քա-
 րալեռ մը, խարիսխն կէս մղոնէն պակաս չըջապա-
 տաւ, մութ զարնող դեղին պորփիր և պաղաղ քա-
 րէ. թէպէտ գագաթն մեծ պատառուած մը կայ քար-
 այրի նման, բայց վարէն բոլորովին շեղջած և սու-
 լուլիկ սրածայր կ'երևի. այնպէս որ ճարտար ուղևոր
 տեղագիր մը՝ Նգիպտոսի բուրգերէն աւելի բըրգա-
 գոյն կ'անուանէ զԳառազին. զի աս է անունն՝ ըստ մա-
 տենագրաց մերոց, և ըստ այլազգեաց՝ կեփարգին-
 դաշր:

Գառազինի վրայ ալ նախնիք ամրոց մը շիներ
 էին, որ թէ և անոր գագաթան վրայ չէր կըրնար ըլ-

լալ՝ այլ վարերը՝ արևմտեան կողմը, սակայն և այն-
 պէս « Անմարտնչելի ամրոց » կ'անուանի ի Վարդա-
 նայ, որով և շատ հեղ ապաստան պատերազմաց
 ԺԳ դարուն մէջ Թաթարք, Վիրք ու Հայ իշխանք ի-
 րարմէ խլել կու ջանային այս ամուր բերդը, որ վեր-
 ջապէս այլազգեաց բռնութեամբ աւրուեցաւ, և դեռ
 կ'երևան մնացորդքն. ինչպէս գագաթն ալ՝ պատա-
 ռուածքին մօտ քարակտուր ջրամբար մը: Մօտակայ
 տեղաբնակք կ'աւանդեն թէ Հայ թագաւոր մը երբե-
 մըն պաշարեր է այս բերդը. բերդացիք նեղուած լե-
 րան գլուխը ելեր և այն քարանձաւին մէջ պահու-
 տեր են. պաշարողն ալ ետևնուն ընկած՝ չկարենա-
 լով դուրս հանել՝ կրակ վառեր և ծխով խեղդամահ
 ըրեր է զանոնք. և երբեմն, կ'ըսեն, հոն թափառող
 թռչունք քարանձաւին խորէն դուրս ձգեր են կա-
 նանց զգեստուց զարդեր: Բայց ոչ միայն վայրենի
 հաւուց այլ և վայրենի մարդկան թաքստարան մը
 եղած էր տեղս, նաև քիչ ժամանակ առաջ, այսինքն
 աւազակներու. որք զիրենք հալածող Ռուսաց հետ
 ալ կուռելով անոնց մէկ զօրավարը սպանեցին:

ARMÉNIE



GAVAZINE

ԳԱՎԱԶԻՆԻ ԼՆՁԱՆԻ

ՆՇՄԱՐՔ ՀԱՅԿԱԿԱՆՔ

Հ. ՂԵՒՈՆԴԻ Վ. Մ. ԱՐԵՎԱՆԵԱՆ

Բ. ՊՐԱԿ



ՀԱՅԱՍՏԱՆԻ ԳՆԱԿԱՆՈՒԹՅԱՆ ԳՆԱԿԱՆՈՒԹՅԱՆ

ԳՆԱԿԱՆՈՒԹՅԱՆ ԳՆԱԿԱՆՈՒԹՅԱՆ

ՎԵՆԵՏԻԿ
Ի ՏՊԱՐԱՆԻ ՍՐԲՈՅՆ ՂԱԶԱՐՈՒԻ



ԱՆԻ



13. ՊԱՐԻՍՊԻ.

ՆՇՄԱՐՔ ՀԱՅԿԱԿԱՆՔ

— ՆՇՄԱՐ 15 —

ՊԱՐԻՍՊՔ ԱՆՈՅ.



ԱՆԻ. — Եթէ մոզիչ և եթէ յափշտակիչ ըսենք՝
անուն մ'է այս, որ հառաչանաց խոր արձագանգ մը
հնչել կու տայ զինքը և զազգը ճանչցող Հայու մը,
նաև հեռի աշխարհներէ, ինչուան Ղեհաստանի դաշ-
տերէ և Տաւրիոյ ծովակոծ եզերքներէ. մանաւանդ
երբ անոր դոյզն տեսարան մ'ալ յանկարծ երևի ա-
չացը, ինչպէս այս Ժ. Գ. նշմարիկս ալ. որ իրեն հան-
դիպող աղգային բանասիրին կը ներկայացընէ այն
հայկական հանձարոյ, զօրութեան, հարստութեան

և բարեպաշտութեան՝ վերջին մեծանշան ապաստա-
նարանին, Անի քաղաքին, հիւսիսային արևմտեան
կողմի պարիսպները: — Եթէ մէկն կարնոյ լեռնա-
դաշտէն իջնելով ի Բասեն և Սողանլու լեռներէն
անցնելով մտնէ ի Վանանդ (Ղարս) և անտի ի Շի-
րակ, կամ թէ Պինկէօլ լեռանց կողմէն նորաբուղիս
Երասխայ ափերն ՚ի վար խաղալով դիմէ ՚ի Շօրէկէլ,
և եթէ արևելքէն գալով Արարատեան երկու մեծա-
գոյն լեռանց՝ Մասիսու և Արագածայ միջոցէն անց-

նելով Երևանայ դաշտէն դէպ յարեմուտք գայ, քանի մը ժամ հեռուէն կը տեսնէ լայնատարած դաշտագետնի մը մէջ բարձրացած և խոնած հսկայածև կուտակութիւն մը պարսպաց և աշտարակաց. իբրև նորածև և այլանդակ կարաւան մը, անասլատի մէջ կանգ առած դադրած, և. . . իսպա՛ռ դադրած: Կարծէ որ անոր վրայէն ալ անցած ըլլայ անասլատագնաց տոչորիչ խամրիչ մեռուցիչ խորշակն, և այն ընդարձակ շարժմանց և կենդանութեան կեդրոնը՝ մահացուցած արձանացուցած, լըռած լըբած: Ո՛ր կողմէն ալ որ տեսնուի, որ աչքով ալ որ նայուի՝ միշտ այսպիսի ազդեցութիւն մը կու տայ Անի իր այժմեան դրից մէջ, նաև օտարազգւոյ, բայց սիրտ ունող անձի մը:

Յաւալի զարմանքն այս է, որ Անի քանի մը դար հազիւ ապրած է իր փառօք և ճոխութեամբ, մանաւանդ թէ դար մը միայն, և երկու դար ալ՝ երկրորդական կամ կիսկատար շնորհքով. իսկ չորս և կամ հինգ դարէ ի վեր սրտաշարժ և սգաշարժ մեծ մահարձանի գաղափար մ'ընծայած է և կ'ընծայէ, և զուցէ ասկէ վերջն ալ դեռ երկայն ատեն. ինչուան

որ. . . արդեօք՝ ժամանակն, անհոգութիւնն և ատելութիւնն՝ բոլորովին իրենց աւերածու գործը պիտի կատարեն, և հիմկու նշխարեալ շէնքերն ալ Արմաւրայ և Արտաշատայ հողակուտից պէս անհետացընեն, թէ՛ փափագելի՛ բաղդ և արդիւնական ջանք մը, դեռ բոլորովին չընկած չկորածը՝ հանեն իր մեծ ու շատ փլածքէն, և կանգնեն ինչ որ դեռ կըրնայ կանգուն կենալ. և անգամ մ'ալ կենդանի և ընտանի շունչ շընչէ աղնի՛ւն Անի:

Այլ քանի որ դեռ այս վիճակիս մէջ ենք, ներելի ըլլան մեզի այս խօսքս. և դարձեալ զարմանալով մը կարդանք մեր ազգին ամենէն ճարտար ամենէն փափկախօս և ամենէն սրբազան տաղաչափին երգը կամ ողբը. այն ամենաչնորհ Ներսիսի Ալալեցւոյ կաթողիկոսի, որ իբրև մարգարէական աչօք անցածին վրայ գալիքն ալ տեսնելով, դեռ քաղբին բաւական շինութեան ատեն և Բագրատունի թագաւորաց ձեռքէն ելլելէն ճիշտ դար մ'ետև, այսպէս կը խօսի հետը, իր բուն ողբոց առիթ Նդեսիա քաղբին դէմքով.

... Ըղբեղ՝ յայս հրաւիրեմ
Արևելեան քաղաքդ Անի,
Կըցորդ իմոյս լինել ձայնի,
Եւ ըստփոփիչ տարակուսի:
Քանզի և դու երբեմն էիր
Վայելչական հարսն ի քողի,
Մերձաւորաց յոյժ ցանկալի,
Հեռաւորաց փափագելի:
Շինեալ եղեր տուն արքունի
Յընտրեալ նահանգըդ Շարայի՝
Թագաւորաց Բագրատունի,
Որ ի ցեղէն Իսրայէլի: ...
Գեղեցկանուն զարմանալի,
Որ երրակի տառիւ բերի: ...
Յորում էիր ժամանակի
Բերկրեալ ուրախ և ցընծալի.
Որպէս այդի ողկուզալի
Կամ ձիթենի պտղով իլի:
Մանկունըք քո զուարթալի
Նըման նորոգ բուրաստանի.
Դատերըք քո սլաճուճալի

Յերգ և քընար միշտ ի խաղի:
Իսկ թագաւոր քո սլանծալի՝
Նըստեալ յաթոռ թագն ի գլխի,
Եւ զօրականքն աստի ու անտի՝
Կալով ի սպաս իւր հրամանի: ...
Հայրապետք, եսլիսկոպոսք
Եւ քահանայք, ու այլք ըստ կարգի,
Իւրաքանչիւր յիւրում դասի,
Պատշաճաւոր յայն տաճարի:
Զոր թէ ասել հարկ լինիցի՝
Է դըժուարին ու անկարելի,
Եւ անօգուտ յայժմուս բերի.
Յորոց է ոչ մի ի միջի:
Քանզի անցին ըստ երազի,
Որպէս ծաղիկք ամարանի.
Ըստ յորդութեան յորդ վըտակի
Գարնանաբեր հեղեղատի.
Կամ զուռուցեալ պղպըջակի՝
Որ ընդ լինելըն պատառի:
Նըմանագոյն եղեալ նոցին
Վասըն մեղաց մեր զազրալի.

Սուրն անողորմն անօրինի՝
 Որ մերս արեան է ի սուլի՝
 Ոչ է յագեալ և ոչ յագի
 Մինչև ի գալ կատարածի :
 Նոյն նա եհանս ուրեմն ի քեզ . . .
 Հընձեաց զորայն յանդաստանի՝
 Կանաչագոյն որ ի հասկի .
 Զայգին խըլեաց արմատաքի ,
 Մերկեաց յոստոցն ըզձիթենի .
 Եհեղ զարիւն սրբոց յերկրի
 Հոսեաց նըման ջըրոց գետի .
 Արար դիակն անթըւելի ,
 Անթաղ մեռեալ գէշ գազանի . . .
 Մարմինք անկեալ մէջ փողոցի .
 Եւ այլ բազումք որ ոչ թըւի ,
 Եւ է ասելն անկարելի ,
 Որք քեզ հասին յայնրմ վայրի
 Բոլոր ամեն մասունք չարի :
 Վասն այնորիկ , ո՛վ անձկալի ,
 Որ ես ներհուն այսր ամենի ,
 Ի քոյն յայնժամ խիստ աղետի՝

Ծանիր և զիմս ողբ կականի .
 Եւ որպէս փորձ տարակուսի՝
 Լեր տրտմակից ինձ յայս վայրի : . . .

Բայց մեր նպատակն այս տեղ ողբալ և տրտմիլ
 չէ , և ոչ ալ երկարօրէն յիշել կամ նկարագրել
 Անի քաղքին պատմական և աշխարհագրական
 դէպքն և դիրքը , այլ փոքր ի շատէ ճանչցընել մեր
 նշմարածը : Սակայն որովհետև յետագայ քանի մը
 թիւեր ալ մեզի այլևայլ նշխարք և նշմարք պիտի
 ցուցընեն Անի քաղքին , հարկաւոր համարիմ ընդ-
 հանուր համառօտ տեղեկութիւն մը տալ , աւելին
 փափագողը զրկելով մեզնէ առաջ շատ հեղ զայն
 տեղագրողաց ¹ :

¹ Այսպիսիք են , Հ . Մինաս , Պատմութիւն Անոյ , կամ
 Ճանապարհորդութիւն ի Լեհաստան , ի Վենետիկ . 1830 : —
 Բազմավէպ , Ե , 1847 : — Կարապետ վարդապետ , ի Հայա-
 ստան լրագրի , 1848-49 : — Աբէլ Վ . Մխիթարեանց , Կ . Պօ-
 լիս , 1855 : — Սարգիս Զալալեան արքեպիսկոպոս , Ճանա-
 պարհորդութիւն ի Մեծն Հայաստան , Տփղիս , 1857 : —
 Հ . Ղեւոնդ Ալիշան , Տեղագիր Հայոց Մեծաց , 1855 : —
 Հ . Ներսէս Սարգիսեան , Տեղագրութիւն ի Փոքր և ի Մեծ

Մեր նշմարաց թ թուին յիշած Գուգարաց աշխարհին Զաւախք գաւառն և շրջակայքն՝ շատ մեծ ու սղտիկ լիճեր ունին. անոնցմէ մէկն ալ Այրարատ աշխարհին սահմանակից՝ Արփա անուամբ՝ գետ մը կ'արձըկէ համանուն, Արփա-չայր, և ըստ նախնեաց մերոց Ախուրեան. որ բարձր երկրէ մ'իջնելով և քարայտակ խորածոր մը կտրտելով դարձի դարձի կ'իջնէ հիւսիսէն ի հարաւ յԵրասխ գետ. որոյ հետ գործած երկու անկեանցը միջոց Երուանդ թագաւոր Արչակունի իր զարմանալի քաղաքներն շինած էր, Երուանդակերտ և Երուանդաշատ: Ախուրեան իր ընթացից կիսէն վար աւելի խորտուբորտ ձորէ մ'անցնելով արևելքէն ի հարաւ և ան-

կէ յարևմուտք կը դառնայ, սլափելով քարաբլուր մը. և հոն իր աջ կողմէն (արևմուտքէն) կ'ընդունի գետակ մը, որ հիմայ Արաճա-չայ կ'ըսուի, և որ միւսոյն նման քարափն և քարայտակ խորածորի միջէն կ'անցնի, որ կոչուէր Ծաղկոցաձոր, իսկ գետակն կարծուի յոմանց հին ատեն Ռահ կոչուածն ըլլալ: Այս երկու գետոց ձորերն բնականապէս անկիւն մը կը գործեն դէպ ի հարաւ, կամ արմըկան ձևով սուր ցամաք մը. միւս կողմէն (հիւսիսէն) ալ կ'ըլլայ եռանկեան բացուածն կամ խարիսխն, որ կը նայի Շիրակայ դաշտին վրայ: Երկու կողմերն այն երկու գետածորերով բնական ամրութիւն մ'ունին, գրեթէ անմատչելի. անոր համար շատ հնուց՝ սրանկեան մէկ կողմը՝ որ բարձրկեկ քարաբլուր մ'է, բերդ կամ ամրոց մը շինուած է, և Անի կոչուած, Շնորհալուոյն դիտածին պէս՝

Գեղեցկանուն զարմանալի,
Որ երրակի տառիւ բերի.

և զոր ինքն բարեպաշտօրէն կը վերածէ՝

Հայս, 1864, Վենետիկ: — Յոհ. Տէր Աբրահամեան, Տեղագրութիւն Անի քաղաքի հանդերձ տեսարանացոյց պատկերօք. Թէոգոսիա, 1867. այս գործն մեր ձեռքը հասած է: — Օտարազգի տեղագրողաց մէջ ամենէն նշանաւորն է Պ. Պրոսէ, Les Ruines d'Ani, avec Atlas, 1860, St. Pétersbourg. — Նշանաւոր է նաև Դէսիէ (Texiex) գաղղիացւոյ պատկերաւոր մեծ և թանկ գիրքն, Description de l'Arménie, de la Perse, etc., 1840, Paris, որ և կ'ընծայէ մեր նշմարաց մեծ մաս մը:

Յերրորդութեանըն խորհրդի,
Որ միշտ ի քէն երկրպագի.

և շատ հաւանութեամբ՝ Հայկազանց իր շինողաց ա-
տենն ալ նուիրած էր Անահտայ պէս դից կամ դից-
ուհւոյ մը, և բարձրէն կը դիտէր իր ընդունայնա-
կարծ երկրպագուները. աւանդութիւն մ'ալ կ'ըսէ
թէ Գրիգոր Լուսաւորիչ այն չաստուածը վերցընե-
լով տեղը սրբեր է յեկեղեցի Աստուծոյ: Հաւանո-
րէն նոյն սկզբամբ կանգնուած է Գարանաղեաց գա-
ւառին Անի բերդն ալ, որ ուրիշ անուամբն ինչուան
հիմայ կոչի Կամախ: Վարդանանց ատեն կը յիշուի
այս Շիրակայ ամուրն Անի. զոր դար մ'և աւելի ա-
ռաջ իր շրջակայ գաւառովն՝ մեծն Տրդատ պարգևեր
էր իր խնամի Պահլաւունոյն Կամսարայ՝ որդւոյ Ար-
շաւրի, որոյ ցեղին ձեռքը մնաց մինչև Ը դարու վեր-
ջերը, յորում Կամսարականք վաճառեցին Բագրա-
տունեաց: Ասոնք սկսան երկրորդ անգամ շէնցընել
հին Շարայ նահապետին հացաւէտ դաշտերը, մշա-
կութենէ աւելի՝ քարուկիր շէնքերով, բերդերով, ե-
կեղեցիներով. մանաւանդ երբ ի կէս թ դարու գրե-

թէ իրենց սեփականեցաւ Հայոց իշխանապետու-
թիւնը, որ և քիչ ատենէն փոխեցաւ ի Թագաւո-
րութիւն. անով իրենց շէնքերն և նիստերն ալ եղան
արքունիք: Այն ատեն և աւելի առաջ ալ Շիրակայ
գլխաւոր բնակատեղին էր Շիրակաւան կամ Երազ-
գաւորք, հիմայ Պաշ-Շօրէկէլ կոչուած, որ Անիէն
հինգ ժամի չափ վեր հիւսիսակողմն է, գետոյն նոյն
աջակողմեան կամ արեւմտեան եզերքը, և դոնէ կէս
դար մը Բագրատունեաց առաջին Թագաւորանիստ
տեղնեղաւ. յետոյ աւելի ամուրտեղւոյ կարօտութիւն
իմանալով ընտրեցին զԱնի, որ արդէն ի բնութենէ
ամրացեալ էր մեծագոյն մասամբ, մնար միայն հիւսի-
սային կողմն՝ եռանկեան բացուածն, որոյ երկայնու-
թիւնն Ախուրեանէն մինչև ի Ծաղկոցաձորն՝ կողմե-
րուն հաւասարեցընելու համար՝ գրեթէ գաղղիական
հաղարչափ մ'է (քիլոմետր). և ահա այս փոքր միջոցս
է՝ զոր Աշոտ Գ Ողորմածն՝ յամի 964 փակեց և ամ-
րացուց պարըսպով և աշտարակներով. որոցմէ իբրև
20 քայլ հեռու նոր և մեծագոյն պարիսպ մը կանգ-
նեց իբր 15 տարի վերջը՝ Աշոտոյ որդին, մեծագործն
և սէզն Սմբատ Բ, Տիեզերակալ և Շահանշահ կո-

չուած : Ասոր շինածն ոչ միայն երկայնութեամբն ,
այլ գուցէ և բարձրութեամբն գերազանց էր . քան իր
հօրը շինածն , որ անկէ ետև ըսուեցաւ փոքր և ներ-
քին պարիսպ . սակայն ինչպէս որ բնական էր , թըշ-
նամեաց բռնութիւնն աւելի արտաքնոյն հետ կռուե-
լով հիմայ այդ սմբատաշէն մեծ պարիսպն մեծագոյն
մասամբ կործանած և ցածցած է , իսկ ներքինն և
փոքրն՝ դեռ կիսականգուն կայ . և ահա այն է մեր
ԺԳ Նշմարն . բայց երկուքն ալ ոչ սակաւ մասամբ
նորոգուած են : Վասն զի Աշոտոյ հիմնարկութենէն
ճիշդ հարիւր տարի ետև՝ յամի 1064 Էլի-Արսլան
Սէլչուկն նախ սկսաւ աւրել Բագրատունեաց գահը .
յետոյ Պարսիկ ամիրայք ժառանգողք Անոյ սկսան
նորոգել . որք և փոփոխակի կ'առնուին ի Վրաց՝ ԺԲ
դարուն մէջ . մինչև ԺԳին սկիզբը Վրաց բանակին
առաջնորդքն՝ հայազգի մեծ իշխանքն Չաբարէ և
Իւանէ՝ գրեթէ ընդհանուր նորոգութիւն մը տուին
քաղաքին և պարըսպացը , որոց ձեռակերտն և ար-
ձանագրութիւնք դեռ մնան . թէ և անոնց որդւոց
ատեն թաթարք մեծ աւերածով տիրեցին Անոյ , յա-
մին 1259 . և անկէ ետև դար մը միջոց ալ շատ հեղ

վտանգելով և նորոգելով հասաւ իր յետին մեծ ար-
կածին , այսինքն ընդհանուր կործանման , աւերման
և անմարդութեան :

Սակայն ո՞ր թուականին և որպիսի դիպուածով ե-
ղաւ այս սև գործն . — Լէնկթիմուրի աւերածութիւնն
էր , թէ իրմէ առաջ ուրիշ բռնաւորի մը՝ զԱնին ամա-
յացընող . — յանկարծական վախ մը , սո՞վ մը , սրա-
ծութիւն մը , թէ ինչպէս շատերու կարծիք է՝ մեծ
գետնաժաժ մը , որ այն բաղմաբնակ բաղմատաճար
բաղմահարուստ քաղաքը՝ դարձուց ի բաղմաշխա-
րելի աւերակ , և ի թագուհի աւերակաց աւերակա-
ցեալն Հայաստանի : — Պատմութիւնն հիանալի
լռութեամբ մը դեռ ծածկեր է մենէ այս դէպքս . որ
և այնչափ հիանալի է , որչափ որ համեմատաբար
շատ մօտ ատեն հանդիպած է . վասն զի դեռ Անոյ
եկեղեցեաց մէջ ինչուան ԺԳ դարուն կիսէն վար
արձանագրութիւնք գտուին . ԺԵ դարին կիսէն ետև
ալ կը յիշուի եպիսկոպոս մը փիճակիև Անոյ . բայց այս
կըրնայ քաղքին ամայանալէն վերջ ալ՝ Խօշավանքի
առաջնորդին համար ըսուած ըլլալ : Միով բանիւ
թուի թէ ԺԳ դարուն ետքերը եղած է Անոյ վերջին

աւերն և լքումն, զոր մինչև հիմայ ոչ պատմիչ մը, ոչ յիշատակարան մը և ոչ ճանապարհազիր մը յայտնած է մեզի: Եւ այսքան մօտ ատենուան, և այսքան մեծահոջակ քաղաքի վրայ եղած լռութիւնն, այնքան յիշատակագրութիւն ընել սիրող ազգի մը մէջ, որպիսի են մերայինք, զիս աւելի կը զարմացնէ աստուածախառն սոսկմամբ մը՝ քան Բաբելոնի և Նինուէի մթին դարերն և սեւ օրերն: . . . Սակայն երբ կը տեսնենք որ նոյն իսկ մեր օրերն՝ յետ 2000 և աւելի երկայն տարիներու՝ Նինուէ և Բաբելոն քսանահինգ և երեսուն դարեան փոշիները թօթափելով ի լոյս կը հանեն իրենց զարմանաձև անդրիները և բևեռաձև արձանները, անյուսալի չէ որ անոնց թոռանց թոռ ըսուելու Անին ալ՝ քիչ ատենէ իր վերջի ողբերգութիւնը կամ ողբերգելի դէպքը յերեւան հանէ:

Հիմայ վերջին աչք մ'ալ տալով մեր ԺԳ Նշմարին, թէ ոչ այդ կիսաւեր կերպարանացը՝ գոնէ զանոնք սրբազանող և գրեթէ պահպանող Խաչարձանին՝ զլուխ ծռենք: Այդ սուրբ նշանին քանդակն կըրնամ ըսել որ Անոյ մեծագոյն և բազմագոյն զարդն

է. Ծաղկոցաձորի ծործորն ալ ցամքեր, ծաղկունքն ալ խամրած են այսօր, բայց Անոյ պարըսպաց, աշտարակաց, եկեղեցեաց և սպարանից մնացորդաց վրայ՝ խիտ առ խիտ ծաղկանց կամ թիթռանց նման անաւեր և անամաչ փայլեն մեր հարց բարեպաշտութեան և ճարտարութեան նշաններն. հազար բիւր նշան:

Իսկ այս աշտարակներս զոր կը նշմարեմք՝ ոչ առաջին հին շինուածքն են և ոչ վերջինք, այլ խառն իմն. շատոնց՝ գուցէ և ամենուն հիմերն հին, վրանին նորոգուած, վերի ծայրերնին մաշած ընկած, աւելի բռնութեամբ մարդկան կրից քան բնութեան. և կան դեռ ինչուան ԺԲ դարուն կիսէն արձանագրութիւնք, աւելի հին քան զՋաքարեանց ժամանակը. մէկ բարձր աշտարակի մը վրայ ալ գրուած է, « Աշոտոյ իշխանաց իշխանի է ». ԺԱ դարուն սկիզբը երկու Աշոտ կար իշխանաց իշխան, մէկն եղբայր թագաւորին Սմբատ Յովհաննու, ինքն ալ թագաւոր. միւսն խնամի Պահլաւունի իշխանաց, որ իր որդին փեսայացոյց բրոջ Գրիգորի Մագիսարոսի. այս ետքինիս կարծելի է արձանն, ի վերջ

Ժ դարու կանգնած, վասն զի Աշոտ վախճանած է ի 1002 թուին:

Ուրիշ աշտարակի մը վրայ ալ, քաղքին մեծ դըրան քով, քիւֆի գրով գրուած է որ Մանուչէ առաջին Պարսիկ տիրող ամիրայն կանգնել տուեր է, յամին 1072: Անկէ քիչ տարի առաջ (1046-1056) Յունաց տիրապետութեան ատեն Առօն Մագիստրոս մը կ'ըսէ բերդին համար. « Բարձրացուցի բովանդակ զպարիսպ սորին կարկառակոյտ արձանօք և հաստահեղոյս ամրութեամբ »:

Ըստ ձեռոյ շինութեան՝ աշտարակներուն շատն բուրակ են, քիչերն քառակուսի. շատք կրկնայարկ և եռայարկ են, որք սանդուղներով իրարու կը տանին. շատերն կամարակապ են, և վրանին այլ և այլ ձևերով վայելուչ քանդակներ կան, նաև վարպետ փորուածք: Քարերն հրաբլրի քարեր են դեղին կամ կարմրագոյն, մոխրագոյն, կանաչախառն և սև. խաչերն շատ տեղ սև ու սպիտակ քարերու շարուածքով ձևացուցած են, զատ ի միակտուր քանդակեալ խաչերէ. ամենն ալ կոփած, տաշած ողորկած, իբր երկու թիղ մեծութեամբ. և թէ և ի բնէ

կամ կոփուած ատեննին կակուղ եղած են քարերն՝ այլ ժամանակն պնդեր և ողորկութիւննին պահեր է. աւելի քան զզմուեալ մարմնոց՝ պահելով ասոնց կենդանական շնորհքները:

Արտաքին պարիսպն՝ ինչպէս վերն յիշեցինք, հիմայ շատ աւրուած և ներքինէն տկար կ'երևայ, աշտարակներն ալ սակաւաթիւ, իսկ ներքինն եռապատիկ աւելի թուով կը ցուցընէ: Մեր հոս նըշմարածն է Անոյ ներքին պարըսպին հիւսիսային արևմտեան կողմն, որ է ըսել Մաղկոցաձորի քովն, միանգամայն և քաղքին զլխաւոր անկիւնն, վասն զի հոն կարծուի թագաւորական պալատն:

Այս պարիսպներս չթողած՝ պէտք է աւելցընեմ, որ թէ և քաղքին մէկայլ կողմերն կարօտ չէին պարըսպաց, պատճառաւ վերոյիշեալ ձորերուն, սակայն ոչ միայն հարաւային կողմը միջնաբերդին քով կան մնացորդք պարըսպաց, այլ և արևելեան կողմն ալ տեղ տեղ կ'երևան Ախուրեանի եղերքը. ևս առաւել հիւսիսային արևելեան կողմը՝ ուր պզտի վըտակ մը կը խառնուի Ախուրեանի հետ իր առանձնակ ձորակովը, և այս կարծուի արձանագրի մը մէջ յի-



ԱՆԻ



14. ԴՈՒՌՆ ԱՆԻՈՅ.

Դ Ո Ւ Ռ Ն Ա Ն Ո Յ .

Ընդ իս ընդ այս է ճանապարհ տրամաթախիծըն քաղաքի .
 Ընդ իս ընդ այս է ճանապարհ առ կորուսեալըն ժողովուրդ . . .
 Որք միանգամ մըտանէք՝ մի ևս այլ յուսոյ ակն ունիցիք ¹ :

Այս սրգաւոր և ահաւոր վերնագիրն՝ զոր Իտալացւոց քերդողահայրն իր լեզուին և գրչին անթարգմանելի գեղեցիկ պարզութեամբը գրած՝ պատշաճ սեպեր է դժոխային դրան մը վրայ դրոշմելու, հետաքնին Ռուս ուղեւոր մ'ալ նախ պատշաճեցուցեր է մեր սրգաղգեաց այրի և ամայի քաղաքին

դրանը: Եւ յիրաւի, անոր դուրսը մէջը շուրջ բոլորը տեսնողն՝ ասկէ աւելի կամ պակաս բան պիտի չկարենար գրուցել, եթէ չյիշէր՝ որ երկրիս վրայ ամենէն յետին մնացուածն է յոյս: Հայ մը սկէտք չէ բողբոջին անյոյս մտնէ և ելնէ յԱնի, որքան ալ որ անոր այժմեան հանգամանքն և իր պէսպէս կորուսեալ ամբոխն՝ ճշմարտեն Տանդէի առաջին տողերը՝ Պարըսպոյց՝ մասամբ քակուած և կործանած վիճակն չի ներեր ստուգել՝ թէ քանի՞ դուռ ունէին

¹ Per me si va nella città dolente:
 Per me si va tra la perduta gente...
 Lasciate ogni speranza, voi ch'entrate!

քաղքին շէն ատենը . հիմայ ինչուան տասն դրանց նշանք կ'երևան , ոմանք դեռ բաւական անքակ մնացած . հարաւային կողմն , որ եռանկիւնածե քաղաքին սուր կողմն է , հարկաւ քիչ դուռ ալ պիտի ունենար , և միայն մէկ դրան նշան կայ . միւս կողմերն երեք երեք հատ . բայց գլխաւորք մէկ մէկ հատ արևելեան և արևմտեան կողմերը , երեք հատ հիւսիսային ներքնապարըսպին , և երկուք նախապարըսպին կամ դրսի պարըսպին , որոց արևմտագոյնն աւերակօք լցեալ անմտանելի է , իսկ արևելագոյնն կիսաւեր . և ահա այս մեր տեսածն է (ԺԳ) , ուսկից կը մտնենք , և կը տեսնենք ներքին պարիսպը . իսկ երկուքին միջոցն՝ որ ժամանակաւ տանց և պալատանց տեղի էր կամ զինուորաց զօրանիստ , բոլորովին անշէն և աւերակ է . որով անարգել կ'երևին ներքնապարիսպն և իր երեք դրունքն : Ասոնց միջինն հարկաւ մեծագոյն և գլխաւորն է , երկու կողմնականքն ալ դրսի պարըսպին երկու դրանց կը նային , թէ և ոչ բոլորովին դիմացէ դիմաց : Գրանց շինութեան արձանագիր չկայ , կամ տարակուսական է , այլ աշտարակաց՝ շատ , կան և ուրիշ յիշատա-

կազրութիւնք կամ հրամանք . ինչպէս աւագ դրան վրայ գրուած է առանց թուականի , բայց պարսիկ ամիրայից իշխանութեան ատեն , որ Գրիգոր Աղայ և Յովհաննէս քաղքին վերակացուքն՝ որք պատրուք կոչուին , և անոր եպիսկոպոսն Յովհաննէս՝ Չանացեր և վերցընել տուեր են քանի մը մաքսի հարկեր , որ առաջ չկան եղեր : Այս աւագ և միջին դրան երկու կողմը բարձր և լայն աշտարակներ կը կանգնին . մէկուն վրայ քովէ քով երեք զեղեցկաքանդակ մեծ խաչեր կան կարմիր քարէ . մէկալին քով պարըսպին վրայ քառակուսի մեծ քարով առիւծ մը քանդակած է քալելու դիրքով : Երկու տեսակ նշանք , մէկն իշխանական զօրութեան քաղաքին տիրողին , միւսն ամենիշխան զօրութեան Քրիստոսի , որ աւերակաց և գերեզմանաց մէջ ալ՝ անմահութեան ցոյց է :

Մէկ մ'որ այս դռնէն ներս մտնենք կամ նայինք՝ ահա կ'երևի բովանդակ՝ տրամարախիժ քաղաքն , իր կոյտ կոյտ աւերօք և փլածօք . կորուսեալ ամբոխի և մեծ ամբոխի մը թողած մեծանշան նշխարք . որք նաև հինգ դարուց ասպականութենէ ետև՝ կըրնան ճշմարտել Անոյ մեծ հռչակը , որ Ժ դարէն ի վեր

տիրեր է ազգերնուս մէջ, և օտարաց մէջ ալ տարածուած երբեմն, և աւելի քան իր 1001 եկեղեցեաց և բիւրաւոր պալատանց կեղակարծ համբաւն՝ ստոյգ էր անոնց և այնպիսեաց և բովանդակ քաղաքին գեղեցիութեամբն և հարստութեամբ, որով ըսուած է. « Անին շէն, աշխարհս աւեր. Աշխարհս շէն, Անին աւեր ». այսինքն երբ Անին շէն էր՝ բոլոր աշխարհք աւերակ կ'երևար անոր սուջև. երբոր Անի աւերեցաւ՝ անոր նշխարօքն կամ այն ատեն՝ ուրիշ աշխարհքներ շէն երևցան:

Արշափ էր Անոյ նիւթական շինութեան սահմանն. կամ որչափ տեղւոյ մէջ բովանդակած էին Անոյ զարմանալիքն: — Եթէ քաղաքին ճորափակ և սրարըսպատատ տարածութեանը նայինք, շատ փոքր է. վասն զի ներքին սրարըսպաց և ճորեզրաց շրջափակն հաշուած է 4100 չափ (մեզր), որ և ոչ փարսախ մը կ'ընէ. և այսչափ միջոցին անհնար էր հազարաւոր եկեղեցիներ և պալատներ զետեղել: Յայտնի է որ « Անոյ հազար ու մէկ եկեղեցին » ըսել և երդնուլն՝ արևելեան առակ մ'է բազմաթիւ նշանակելու. այսօր եթէ նկատենք Անոյ մնա-

ցեալ աւերակները՝ հաղիւ 20 եկեղեցի և մատուոն որոշ կը նշմարենք, թէ կանգուն թէ կործան, և թէ աւելի մանր բնտուենք՝ դուցէ նոյնչափի նշան ալ դտուի: Սակայն կըրնանք ընդունիլ Անոյ հազար ու մէկն՝ եթէ խորհրդածենք որ, նախ, ժամանակն՝ անգութ օգնականներով ոչ միայն դարէ դար այլև տարիէ տարի կը մաշեցընէ, կործանէ և հողաթաւալ կը ծածկէ շինութեան նշաններն ալ. քառասուն կամ քիչ աւելի տարի է՝ որ սկսան ճանապարհորդք քիչիկ մը մտադրութեամբ քննել զԱնի. և անոնց առջիններուն և վերջիններուն նկարագրածէն կ'երևի՝ որ նաև այս ետքի 15 տարուան մէջ ալ շատ փոփոխութիւն և կործանմունք եղած են: Դարուս սկիզբը դեռ 40 եկեղեցի կը համրուի եղեր՝ քիչ շատ կանգուն, որոց մէջ նաև մեծաշէն մայր եկեղեցին իր գմբեթովը, որ հիմայ իրեն մէջ ընկած փշրած է: — Բ. Թէ և մեր սրատմիչք այն առակաւոր հազարումէկէն զատ թիւ մը չեն ըսեր եկեղեցեաց, յանուանէ ալ՝ հիմակուան մնացածներէն զատ հաղիւ հինգ վեց մը կը յիշուին, և թէ և մեր միջին անուանի սրատմրչաց մէկն՝ Արրակոս՝ միայն « Եկեղեցի

բազում կայր ի նմա » կ'ըսէ և կ'անցնի, իրեն ժամա-
 նակակից Եւրոպացի մը, (որ այժմու շատաշրջիկ և
 հետաքնին Եւրոպացի ուղևորաց նահապետ մը կըր-
 նայ սեպուիւ), Անիէն անցած ատեն՝ յամին 1255,
 կը յիշէ որ 100 եկեղեցի կար հոն և 2 մզկիթ, հա-
 ւանօրէն զատ ի մատրանց, որով ի հարկէ հարիւրէն
 շատ աւելի կ'ըլլան եկեղեցիք: Իսկ անկէ իբր 30
 տարի առաջ գրող Արաբացի պատմիչ մը՝ կ'ըսէ,
 թէ Էլի-Արսլանի Անին առնըլու ատեն՝ 500էն ա-
 ւելի եկեղեցի կար հոն: — Գ. Ասոնց վրայ աւել-
 ցընելու է Ծաղկոցաձորի լայն քարափններու մէջ
 փորուած մատուռներն ալ, որոց թիւն դեռ անձա-
 նօթ է: Ախուրեանի քարափանց վրայ ալ քանի մը
 տեղ կ'երևան փորածոյ տեղիք շինուածոց, թէ և դեռ
 եկեղեցի կամ մատուռ նշանակուած չէ: — Գ. Յի-
 շելի են և աշտարակներն, կրկնայարկք և եռայարկք,
 որոց ոմանց մէջ դեռ խորշք կամ խորանք կ'երևին.
 և Վարդան Պատմիչ յայտնապէս կ'ըսէ ներքնապա-
 րըսպին համար, թէ շինողն՝ Աշոտ Ողորմած՝ « զա-
 « մենայն բրգունան եկեղեցիս յօրինեաց »: Իսկ թիւ
 բրգանց կամ աշտարակաց՝ մնացածներէն գուշա-

կուի՝ որ հարիւրաւոր էր: — Ե. Դարձեալ, երբեմն ե-
 կեղեցւոյ ամեն մէկ խորաններն ալ մէկմէկ եկեղե-
 ցի կոչուած են: Զ. — Յետ այսր ամենայնի, Անոյ
 քանի մը ժամուան շրջակայքն ալ հանդերձ Հոռո-
 մոսի — վանօք (Խօշավանք) քաղքին անմիջական
 վիճակ սեպուած կ'երևին¹: Արդ այս ամեն քան
 մէկ տեղ նկատելով առական ստուգութիւն կը դառ-
 նայ, և անհաւատալի չըլլար Անոյ 1001 եկեղե-
 ցին, մեծ ու փոքր, հանդերձ մատրամքք գերեզմա-
 նաց և խորանօք. և Ուսհայեցի (Մատթէոս) պատ-
 միչ մը ԺԻ դարուն՝ կըրնայ ըսել Անոյ պայծառ ժա-
 մանակին համար, թէ « Յայնմ աւուր Հաղար և մէկ
 « եկեղեցի ի պատարագի կայր ի յԱնի » . ինչպէս
 որ բնակչացն համար ալ կ'ըսէ. « Էր Անի բազմամ-

¹ Հոս է գերեզմանատուն թագաւորացն Հայոց . երբ յա-
 մին 1046 Յոյնք պաշարեր էին զԱնի, զոր արդէն ոմանք մատ-
 նած էին անոնց, տիրասէր Հայք խուռն գացին լալու այն
 գերեզմանաց վրայ, ապա թէ թողուցին դռները բանալու
 Յունաց: Ըսել է որ իրենք արևելեան կողմէն Ախուրեանի
 եզերքով կ'ելէին Հոռոմոսի վանքը երթալու, և այն կողմն
 ամրութեամբ միացած էր քաղքին հետ իբրև մասնակից:

« բոխ, լցեալ քաղաքն, բիւրք բիւրուց արանց և
 « կանանց, ծերոց և տղայոց. որ և հիացումն ար-
 « կանէր տեսողացն. զոր կարծեալ զօրացն բազ-
 « մաց՝ եթէ մեծ մասն աշխարհիս Հայոց իցէ » : —
 Ուր թողունք և ստորերկրեայ քաղաքը. վասն զի
 Սնոյ տեղ տեղ ներքնատուններ ըլլալն՝ անտարա-
 կոյս է, և արդէն երկու երեք տեղէն գետնափոր
 մուտք ծանօթ են, որոց մէկն նոյն իսկ Ախուրեան
 գետոյն տակէն կ'անցնի, ինչպէս Առնտոնի Դամիզ
 գետոյն գետնանցքն. այլ կ'ըսուի և չէ անհաւան՝
 թէ քաղքին մեծ մասն կամ բոլորն ալ իր ներքնա-
 յարկն ունի, ինչպէս քանի մ'ուրիշ աշխարհաց մեծ
 քաղաքք ալ, զոր օրինակ Հռովմ, Բարիզ, և այլն :
 Եթէ այսպէս է, միթէ անդէպ է կարծել թէ ըլլան
 և ստորերկրեայ մատրուներ կամ եկեղեցիք, ինչպէս
 որ շատ ուրիշ հին եկեղեցիք ալ ունին իրենց ծա-
 ծուկ ներքնայարկը, որ յունական բառով գրիբդա
 կ'ըսուի : — Ար թողունք նաև տանց առանձնական
 խորանաձև կամ մատրանաձև տեղիքը, ուր որ
 խաչն կանգնէր, կանթեղ մը կախուէր և խուռնկ
 ծխուէր :

Արդ թողուվ այս խնդիրը, Սնոյ ստորերկրեայ
 յարկն ալ, վերերկրեայ յատակն և հողակոյտներն
 ալ, որոնք կը ծածկեն անոր մեծագոյն մասը և գրե-
 թէ բոլոր կերպարանքը, փողոցները և զուկակները¹,
 զործարանները, կուղպակները², իջևանատունք,
 փնդուկք³, ջաղացք, բաղանիք, և տունք մեծ ու
 փոքր, և այլն, և այլն, — աչք մը տանք հիմայ մնա-
 ցեալ աւերակաց մէջ որոշուելի շէնքերուն, որ 20
 կամ 30 մը կ'ըլլան :

Եթէ քաղքին այս աւագ դռնէն՝ ուսկից որ կը մըտ-
 նեմք՝ գիծ մը ձգենք հիւսիսէն ի հարաւ՝ մինչև ի խառ-
 նուրդ Ալաճա (Ծաղկոցաձորի) գետոյն ընդ Ախու-
 րենի, որ գրեթէ ուղղահայեաց գիծ կ'ըլլայ, քաղա-
 քը երկու հաւասար մասն կը բաժնէ, յարեւմտեան՝
 մեր աջ կողմը, յարեւելեան ձախ կողմը. կամ Ծաղկո-
 ցաձորի և Ախուրեանի կողմանք : Այս գիծս երեք

1 Այսպէս կ'անուանին ճամբաներէն ոմանք. («օֆագ») .
 2 Այսպէս կոչուին կրպակք կամ խանութք :
 3 Այսպէս կոչուին օտար վաճառականաց օթեվանք և
 մթերանոցք, արաբացի բառով, յորմէ և Իտալացիք *fondaco*
 կոչեր են :

մաս բաժնելով անմիջապէս առջի մասին ծայրը՝ ուղ-
ղակի դիմացնիս կ'ամբառնայ քաղքին բարձրագոյն
չէն կէտն, սիւնանման մեկրա մը, մինակուկ կանգ-
նած, իբր 100 ոտք մը բարձրութեամբ. սլարսկերէն
կարճ յիշատակարան և թուական մ'ալ ունի (1198
տարւոյ)։ — Սնկէ ոչ շատ հեռու և գրեթէ նոյն
գծին վրայ (.բիչ մը յարեմուտք) և քաղքին կեդրո-
նը՝ կ'ամբառնայ ուրիշ մեկրա մ'ալ, առջինէն բիչ
սլակաս բարձր, հանդերձ իր մզկիթովը. զոր յետոյ
առանձինն պիտի նշմարենք (ԻԳ)։

Մեր երկբաժին գիծը բռնելով և գետերուն կամ
ձորերուն ընթացքով հիւսիսէն ի հարաւ իջնելով,
աջ կամ արեւմտեան կողմերնիս, որ է Շաղկոցաձո-
րին՝ առաջին պատահած գլխաւոր աւերակն է Սոա-
քերոց եկեղեցին, որ շատերէն աւելի աւրուած է,
բայց գրեթէ ամենէն ալ աւելի սքանչելի և մանր
արուեստով քանդակած. զոր ընթերցողս կըրնայ
գուշակել՝ երբ ուրիշ եկեղեցեաց ձեն ու զարդերը
տեսնէ, և անոնցմէ շատ գերագոյն հաւատայ։ Եր-
կրորդ, և կերպով մը ամենէն գլխաւոր շէնքն է
թագաւորական կարծուած սլալատն քաղքին հիւսի-

սային արեւմտեան անկիւնը՝ Շաղկոցաձորի վրայ և
անոր անուամբ կոչուած դրան քով. զայս ալ յե-
տոյ պիտի նշմարենք (ԹԻւ ԻԲ)։ — Ստոնցմէ վար
դէսլ ի հարաւ քանի մը հողակոյտ և շատաւեր գլխ-
բէթներ թողլով, և անոնց հետ փոքրիկ եկեղեցի
մ'ալ քարածեռի մէջ փորուած՝ արքունեաց հարա-
ւակողմը, իջնանք նոյն ուղղութեամբ՝ արեւմտ. հա-
րաւ, և սարըսպաց մօտ կը տեսնենք վարը բոլորձ
վերը սրագմբէթ գեղեցիկ եկեղեցի մը, Ս. Գրիգոր
Սպուղամբենց (ԺԸ)։ — Սսկէ վար կ'իջնենք շիտակ
ի հարաւ մինչև քաղքին հարաւային արեւմտեան
մասը, զոր կը ձեացընէ Սլաճա գետն, արեւմուտքէն
ի հարաւ և յարեւելս դառնալով. և այն լայն ան-
կեան կամ թեին միջոցն է բլուր մը, յորում կանգ-
նած է Միջնաբերդն, իչ-գալէ կոչուած ռամկօրէն,
որուն բարձր յատակն սարըսպաց աշտարակաց
կը հաւասարի. սլատերազմական տեղ մ'ըլլալով ի
հարկէ թշնամութեան ալ նսլատակ եղած և շատ
աւրուած է. նոյնպէս իր եկեղեցիներն ալ, որոցմէ
չորս հատ մը կ'որոշուին հոն, մէկ մ'ալ անկէ դուրս
և հեռու՝ քաղքին ամենէն արեւմտեան-հարաւային

ծայրը և երկու ձորոց մտադոյն անկիւնը . եկեղեցւոյն ձևն ալ ութակողմն կ'երևի :

Գանք հիմայ մեր գծին երկրորդ և արևելեան կողմը : Միջնաբերդին դիմաց և անկէ ալ վար , քաղքին արևելեան հարաւային մասը , գետն արմըկնաձև պատելով նեղ լեզուակ մը կամ թերակղզի մը կը ձևացընէ . այս թերակղզիս երկու ձորոց միջոց երկայնաձև քարաբլրոյ պէս բարձրացած է . վրայի շէնքերուն մէջ գլխաւորն է Գրգ-գիլիակ ըսուած եկեղեցին , ուր և վանք մը կար , հաւանօրէն և կուսաստան , Զաքարիա սպասալարէն շինուած , ի սկիզբն յի դարու , և իր մօրը և քերց հոգւոյն աղօթելու տեղ սահմանուած : Արդարև անդբաղադոյն տեղի այնպիսի բազմադբաղ քաղքի մը , որուն յետին ծայրն է , յարմար աղօթից և առանձնութեան : Այս տեղս կարծուի հին հայկազնեան Անոյ ամրութիւնն և կուստունն , զոր Ս . Գրիգոր փոխեր է յեկեղեցի , և յետոյ տեղն ալ իր անուան նուիրուեր է : Ասկէ դէպ ի գետն ի վեր ի հիւսիս ելնելով անոր քարափանց վրայ կը գտնենք շատ շէնքերու անորոշ աւերակներ , որոց կարգն են նաև կամըրջոյ մը մնացուածք , որ

երկայարկ էր կ'ըսեն ի դիւրութիւն անցորդաց , մէկն մտնողի և միւսն ելնողի համար ի քաղաքն . այս կամուրջը Ռուսք քակած են , ինչպէս կը լսենք , որպէս զի իրենց երկիրը բերած Հայ գաղթականք այն դին չանցնէին . անկէ քիչ մը հեռու ալ իրենց հողին վրայ խաղախաց պահակատուն մը հաստատեր են : Կամուրջին դիմացն ալ Անոյ արևելեան պարըսպաց դուռ մը կայ : — Քիչ մ'ալ դար վեր ելնելով գետեղերքէն՝ զարմանալի շէնք և փորուածքներ կ'երևան քարաժայռից վրայ , երկայն սանդղաւոր և կամարակապ ճամբայ մը , գուցէ ջուր բերելու համար գետէն , որուն եղերքը կը հասնի , և նաև անոր դիմացի կողմը նոյնպէս կը շարունակէ՝ արևելեան գետափին վրայ . իսկ միւս ծայրն կ'երթայ կամ կուգայ բազմաշէն տեղէ մը , որոյ գլխաւոր շէնքն է Ս . Գրիգորի վանք և եկեղեցի մը , իր նկարէն պատկերաց համար Նագրշար-գիլիակ կոչուած , (Ի , ԻԱ) , և ջուխտակ մատրուներ , գերեզմանք միանձանց և խաչարձանք , ամենքն ալ քարաշէն և քանդակազարդ : — Այս Ս . Գրիգորի սարխապներէն իբրև հարիւր չափ (մեզր) միայն հեռու յարևմտակողմն ,

և նոյնչափ հեռու բարձր մնիրայէն, առանձնակ շի-
նուածոց ամենէն մեծն կ'երևի և ամենէն ալ սրբա-
զանն, իբրև մեծազանգուած արտադրութիւն մը
ճարտարապետական արուեստի, միանգամայն և ա-
հաւոր ու սրտառուչ աւերակ մը, իխացոցիչ կա-
րուղիկէն Անոյ: — Ասկէ նորէն դէպ ի գետեզրն ել-
նելով յարևելեան հիւսիս, մօտ յանկիւնն զոր կը
ձևացընէ մեր Գլխ-ձոր կարծած փոքրիկ վտակն՝
խառնուելով յԱխուրեան, կան բազմաւեր շինից
մնացուածք. ինչպէս են եկեղեցի մը Տիրաւօր կար-
ծուած, Մուտք ստորերկրեայ քաղաքին՝ մօտ ի գետ-
ափն, և Բաղանիք որ քառակուսի շէնք մ'է, մէջը
խաչաձև բաժնած, և որոյ անկիւններն մէկմէկ բոլո-
րակ սենեակ կայ, իսկ կեդրոնն ալ աւելի մեծ բոլո-
րակ մը: — Դառնալով դէպ յարևմուտք՝ մօտ յարե-
ւելեան հիւսիսային դուռն ներքնապարըսպին, կը
հանդիպինք Ս. Փրկիչ եկեղեցւոյ (ԺԹ): — Ս. Փրկչի
մօտ հիւսիսակողմն է Անոյ հիւսիսային արևելեան
գլխաւոր դուռն՝ զոր և կարծեմ Գլխձորոյ դուռն ը-
սուածը: — Քիչ մ'աւելի հեռու՝ արևմտակողմը կայ
Ս. Աստուածածնի նուիրած փոքրիկ բոլորակ աւեր

եկեղեցեակ մը: Ասկէ վեր՝ ինչուան պարիսպները՝
քաղաքիս հիւսիսային արևելեան մասին մէջ յատուկ
և որոշ շէնք մը չերևիր: Իսկ Ս. Փրկչի և մայր եկե-
ղեցւոյ միջոց եղած աւերակաց մէջ մէկն ալ հիմայ
երկըրցիք կ'անուանեն Սրբուհի քաղնիք:

— Ահա ասոնք են մեր ազնիւ և անգին Անոյ այժ-
մու աչքի տակ ընկած գլխաւոր շէնքն: Երբ անոնց թէ
ճարտարապետական դանազան ձևերն և ճոխութիւնը
դիտենք, թէ դիրքով իրարու մերձաւորութիւնը, և
թէ անոնց միջոց հարկաւ եղած և հիմայ ծածկըւած
հարիւր եկեղեցւոյ և հազարաւոր տանց և կրպակաց
շէնքերը, (զոր նոյնպէս հարկ է տեսածներնուս ար-
ժանաւոր ոճով և զարդով համարիլ), սէտք կ'ըլլայ
խոստովանիլ՝ որ Անի յիրաւի եթէ ոչ մեծ քաղաք
մը՝ այլ մեծադործ շէնքերու թանգարան մը, կամ
բովանդակ մէկ մեծ քարակերտ և նրբաքանդակ
շէնք մ'եղած ըլլայ, սկսեալ ի պարըսպացն և ի բըր-
զանց՝ մինչև ի գետնափոր քաղաքն. արժանի՝ թո-
ղած համբաւոյն, աղղած դարմանաց և սրգոյ, և
ռամկին աւանդածին. Անին շէն՝ աշխարհս աւեր.
Անին աւեր՝ աշխարհս շէն:

ԱՆԻ



15. ԿԱԹՈՒՂՈՍԻԿԵՆ.

ԿԱԹՈՒՂՈՍԻՆ ԱՆՈՅ.

Ահաւասիկ Հրաշափառ Կարուղիկէն Անոյ, ինչպէս
 կանուանեն պատմիչք. մեծապատիւն և մեծակա-
 ոոյց քան զամենայն շինուածս Անոյ. « ամենապայ-
 « ծառ վայելչութեամբ, բարձրաբերձ կամարօք գըմ-
 « բեթաւորեալ՝ խորան երկնանման. (զոր շինողն)
 « զարդարեաց ի զարդ ծիրանեծաղիկ ոսկէթել ան-
 « կուածոց, արծաթեղէն և ոսկեղէն անօթոց, և
 « բազմապայծառ լուսատու անօթոց վայելչութեամբ,
 « որովք ջահանայր ըստ երկնային կամարին, Կա-
 « թուղիկէն սուրբ »¹. և բարձրացեալ բազմէր որպէս
 թագուհի Հաղար-եւ-մէկ եկեղեցեացն Անոյ: Իր
 սրբազան գրկաց մէջ կը մանկանային Բազրատունի

Շահանշահք մեր. թագաւորք և հայրապետք կ'օծուէ-
 ին. թագ կը դնէին ի պատիւ իրենց, և թագերնին
 կը վերցընէին ի պատիւ անոր. ուր արքայակերպն
 և պերճագոյնն կաթուղիկոսաց մերոց՝ Պետրոս Գե-
 տադարձ՝ աստուածափառ կը հանդիսանար և ճոռո-
 մաբան լեզուաւն կը շարժէր զիշխողս և զիշխեալս. —
 ուր Սմբատք և Գագիկք իրենց ամենայն արքունի
 փառաց վրայ՝ վարդապետական բանասիրութեամբ
 ալ կը փայլէին. — ուր Հայոց բնիկ աշխարհին մէջ
 յետին մեծագոյն հանդէսներն կատարուեցան. սըխ-
 ըրալի և մեծամեծ հանդէսներ, որոց յիշատակը և
 հանդիսացելոց կեցած տեղուանքը՝ դեռ երկու երեք
 դար ետք ալ հարբ որդւոց և որդիք թոռանց ցուցը-
 նէին և աւանդէին. և որոց համբաւն Ասիոյ ամեն


¹ Ասողիկ, Գ. Ը:

ազգ ամեն թագաւոր լսէր, և Պաղտատէն ինչուան
 ի Ստամպոլ զարմանք և նախանձ շարժէր: Ահաւա-
 սիկ Հայոց եկեղեցեաց և մայրաքաղաքին անգամ
 մայրն և թագուհին, որ « այնպէս զարդարուն էր և
 « վայելուչ, բազմածնունդ, գերերջանիկ, որ և ըզ-
 « մարգարէն ի հիացումն շարժեաց: — Իսկ այս օր:
 « — Նստի անշուք, անզարդ, մերկացեալ յամե-
 « նայն գեղեցկութեանց. իբրև զկին մի այրի անոր-
 « դի, մերկացեալ ի զարդուց, անկեալ ի պատուոյ,
 « պատառատուն հանդերձիւ նստեալ առանց միսի-
 « թարի. նոյնպէս և աստ տեսանի: Չահք շիջեալք,
 « ճրագունք անցեալք, խնկոց բուրմունք և անու-
 « շահոտութիւնք սպառեալք. պսակ տէրունական
 « սեղանոյն՝ փոշուով եւ մոխրով մածեալ »¹: Բըռ-
 նութիւն և բնութիւն փրցուցեր բարձեր են այս
 քաղմապայծառ, երկնանման դշտոյին թագը. և ժա-
 մանակն՝ դեռ ոչ շատ տարի առաջ՝ անոր անթագ
 գլուխն ալ խոնարհեցուցեր է իր ծոցը: Սակայն թէ
 և այրի և աւեր՝ դեռ իբրև լանջաբերձ մեծողի տի-

¹ Արիստ. Լաստիլ:

կին մը, տաճարն այն իր անտխեղձ կուրծքը յարև-
 ելս պարզած՝ կարծես կը կանչէ, թէ ես անմահու-
 թեան համար կանդնած եմ, և հիմունքս անխախտ
 պիտի մնան մինչև որ մնայ երկիր, և քանի որ Հայ
 մը գտուի՝ իմ մէկ հետքս ալ պիտի գտուի:

Եւ յիրաւի, ինչ որ է Անին մեր գաղափարաց
 կամ զգացման մէջ, այնպէս է կաթուղիկէն ալ ի
 մէջ Անոյ. Անին մեր ազգային ճոխութեան և ճար-
 տարպետութեան յետին և յայտնի թագաւորն է.
 կաթուղիկէն ալ Անոյ դշտոյն է, Հազարումէկ եկե-
 ղեցեաց թագուհին: Քաղաքը աւրըշտըկող կամաւոր
 բռնութիւնն՝ ի հարկէ ամենէն աւելի այս մեծ շէն-
 քիս հետ պիտի կռուէր, վասն զի սա էր Հայազգւոյ
 ամենէն փառահեղ, սրբազան և սիրելի տեղն. և
 անշուշտ այսպէս ալ ուղած են ոմանք ընել. սակայն
 շէնքին մեծութիւնն, ամբողջութիւնն և բազմադարեան
 պատիւն՝ իբրև ահարկու ըլլալով՝ բռնաբարողաց
 ձեռքերն անգամ թուլացուցեր, մուրճերն անգամ
 փշրեր են. և ոչ իսկ երկիր իր ահեղ ժաժերովն՝ կըր-
 ցեր է տապալել զայն, ինչպէս երբեմն զԱմենափր-
 կիչն Անոյ, և յետոյ ուրիշ եկեղեցիներ, այնքան



16. ՄԷՋ ԿԱԹՈՒՂԻԷԻՆ.





հաստատ հիմն և ամուր պատեր դրած էր անոր կանգնողն, Բագրատունի թագաւորաց ամենէն գոռոզն և մեծագործ, Սմբատ Տիեզերակալ. և հինգ կարգ մեծամեծ քարերով ալ աստիճանաձև կամ սանդղաձև եկեղեցւոյն չորս կողմը պատեր, որպէս թէ չփորձէ տեղէն հեռանալու, կամ ոչ որ յանդըզնօրէն անոր մօտենայ: Գիրքն ալ կ'երևի թէ արդէն քաղքին բարձրագոյն յատակին վրայ էր. անոր համար մինչև այսօր ալ այնպէս մեծ վսեմ և ահաւորահայեաց կ'երևայ:

Անոյ կաթուղիկէն՝ խորհրդաւոր ժամանակաւ մ'ալ՝ Քրիստոսի երկրորդ հազարամեայ դարուն սկիզբն հարսնացեալ է նմա. հազար թուականէն անմիջապէս ետքը բացեր է ծոցը ի հոգեւոր ծնունդ և սնունդ հաւատացելոց. իսկ իր յղութիւնն, եթէ կըրնայ այսպէս ըսուիլ, քսան տարւոյ չափ քշած է. վասն զի հիմնարկողն է Սմբատ Բ, որ թագաւորեց 978-990 տարիներու միջոց, իսկ նաւակատիքն եղաւ հազար թուականն լրանալէն ետև. մեզի այսպէս մնայուն շէնք մը թողլու համար՝ հարկաւոր էր այնքան ժամանակ: Սմբատայ հարսն՝ այսինքն

իր որդւոյն Գագկայ կինն՝ Կատրանիդէ ¹ թագուհին աւարտեց շէնքը, ինչպէս կ'ըսէ իր պանծալի արձանագրութեամբն, որ ի վերայ հարաւային կողման կաթուղիկէին. « Ես Կատրանիդէ Հայոց թագուհի « դուստր Վասակայ Սիւնեաց թագաւորի, յողորմութիւնն Աստուծոյ ապաւինեցայ եւ հրամանաւ առն իմոյ Գագկայ շահանշահի՝ շինեցի զսուրբ Կաթուղիկէս, զոր էր հիմնադրեալ մեծին Սմայատայ. « եւ կանգնեցաք տուն Աստուծոյ, նորոգ եւ կենդանի ծնունդ հոգեւոր եւ արձան մշտնջենաւոր: « Զարդարեցի եւ զարդուք պատուականօք, նուէրք ինձ ի Քրիստոս եւ զարմից իմոց եւ որդւոց ». և այլն: Սարգիս կաթուղիկոս ալ օծող Կաթուղիկէին՝ կ'աւելցընէ. « Հրամայեալ եմ ես Տէր Սարգիս՝ սաւաւորաց եկեղեցոյս, յետ ելից (մահուան) բարեպաշտ թագուհոյս՝ զՎարդաւարին յիսնեակսն՝ « միով քառասնիւ կատարել անխափան մինչև « ի դալուստն Քրիստոսի ». այսինքն Վարդաւա-

1 Ս, յսպէս դրուած է անունն արձանագրին մէջ, իսկ պատմիչք Կատրամիդէ կոչէն:


ուէն սկսեալ 50 օրուան միջոց՝ 40 օր պատարագել
վասն հոգւոյ Աստրանիդեայ թագուհւոյ :

Չղարմանայ ընթերցողս՝ թէ ինչո՞ւ Սմբատայ պա-
յազատն Գագիկ՝ իր կենակցին թողեր է իր հօրը
հիմնադրածը և ոչ ինքն է շիներ իր սեփական ծա-
խուք : Պատճառն այս կը համարիմ՝ որ ինքն ալ մի
և նոյն ժամանակ ուրիշ հոյակապ և հիանալի յիշա-
տակարան եկեղեցի մը կը կանգնէր, և Քրիստոսի
նոյն Ս. հաղարամեայ դարուն հետ աւարտելով՝ Բն
հետ ալ սկզբնաւորեց, և էր Սոսրբ Գրիգորն գերա-
հրոշակ, ինչպէս կ'ըսէ Սամուէլ պատմիչ՝ բնիկ Անոյ
քաղաքացին. և իրմէ առաջ ծերունի ժամանակա-
կիցն Ասողիկ կ' իմացընէ, որ Գագիկ ուղեւորվ կեն-
դանացընել մեծ յիշատակ մը, — այսինքն Գ. և Շի-
նող մականուանեալ Ներսէս կաթողիկոսին ի կէս
է դարու՝ Վաղարշապատու մէջ շինած հրաշալի Լոռ-
ապարդ և մեծ եկեղեցին Ս. Գրիգորի, որ այն ատեն
փլած և կործանած էր, բայց աւերակներն կը քա-
րողէին իր մեծութիւնը և ճոխութիւնը, — ազնուա-
խոհ թագաւորն անոր չափը և ձևը առնուլ տուաւ,
և « նոյնաձև չափով և յօրինուածով յարդարել ի

« քաղաքն Անոյ. հիմն արկեալ ի կուսէ Մաղկոցա-
« ճորոյն՝ ի բարձրաւանդակ տեղւոջն, տարփատենչ
« տեսողացն. մեծատաշ վիմարդեան կոփածու վի-
« մօք, մանուածոյ քանդակեալ յօրինէ, լուսան,
« ցոյց պատուհանօք, երրակի դրամբք, սրանչատես
« տեսամբք դմբեթաւորեալ. գունակ գերամբարձ և
« երկնանման գնդին » : Ս.յս խօսքերէս կ'երևի թէ
թագաւորին շինածն աւելի բաղմազարդ մանր աշ-
խատութեամբ շինուած էր քան թէ կաթողիկէն.
սակայն կամ ոչ հաւասար հաստատուն, և կամ ա-
ւելի նախանձու նպատակ եղած, և այսօր իր ամեն
ղարմանալեօքն աւելի զարմանօք մ'ալ՝ աներևոյթ
եղած է. մինչ անոր դրից մօտ ուրիշ Ս. Գրիգոր ե-
կեղեցի մը՝ և նաև դեռ անկէ ալ հին շինութեամբ
բաւական նոր մնացած է (ԺԸ) :

Մեր կաթողիկէին շէնքին երկայնքն է բուն դըրսի
պատերէն սկսեալ և ոչ աստիճաններէն, 54 չափ
(մեդր), լայնքն ալ 22¹. ինչպէս ձեւն պարզ երկայն

¹ Ներսին երկայնքն՝ դրոնէն ինչուան խորանին խորը՝
ճիշդ 100 Բարիդեան ոտք կ'ըլլայ :



17. ԿՈՂՄՆ ԿԱԹՈՒՂԻԿԵԻՆ.





1921

քառակուսի է, այսպէս հանդերձ իր ամենայն ամ-
բութեամբն և մեծութեամբն՝ սքանչելի վսեմական
պարզութիւն մ'ալ ունի ճարտարպետական ոճոյ,
թէ ներսն թէ դուրսն. բովանդակ քարաշէն, մեծա-
մեծ կոփածու դեղին և սև կտորներով. քարէ զատ
նիւթ չերևիր, և ոչ իսկ քարը քարին կպցընող
նիւթ մը, գուցէ միայն կապարի թիթեղներ դրած
ըլլան անոնց միջոց: Գրանց, պատուհանից, սեանց,
ձեղուան կամ ծածքին, և քանդակաց վրայօք չեմ
խօսիր. վասն զի ինքնին կըրնան նշմարիւ (ի թիւ
ԺԶ), որ է եկեղեցւոյն կողմնական երեսը: Ի հարկէ
կիմանայ տեսնողն՝ որ այս նշմարիս մէջ աւելցուած
է կործանեալ գմբէթն, որչափ որ իր կտորներէն և
ուրիշ եկեղեցեաց ձևերէն կըրնար գուշակուիլ որ-
պիսութիւնն: Ար պակսի գմբէթին գերունակ պսակն,
և պարծանքն քրիստոնէից, խաչն. որ Անոյ կաթո-
ղիկէին գագաթը կը փայլէր ոչ միայն սուրբ՝ այլ և
ճոխ. վասն զի համակ արծաթէ էր, մարդաչափ մե-
ծութեամբ. զոր ի զկծանս հաւատացելոց՝ Լչի-Արս-
լանին բարբարոս զինուորաց մէկն վար ձգեց՝ որ
ստնակոխ ընեն, յետ 60 տարի Անոյ և Անեցոց

գլուխ ըլլալուն. բայց 60 տարի ալ վերջը՝ Վիրք և
Հայք, օրհնեալ ըլլան, զԱնի ազատելով ի Պարսից՝
մեծաւ փառօք նորէն կանգնեցին Քրիստոսի պսակը՝
իր հարսին գլուխը:

Կաթողիկէն իր կողմանցը վրայ հինգ հինգ պա-
տուհան ունի երկայնաձև, մեծ և փոքր, արևելեան
կողմը մէկ պատուհան խորանին վրայ, երեք ալ
դասին կամ բեմին, նոյնպէս երեք ալ արևմտեան
ճակատը: Իսկ դուռներն են երեք, մէկ մէկ երկու
կողմերէն դիմացէ դիմաց, մէկ մ'ալ արևմտեան
ճակատէն, որ է աւագ դուռն. որոյ վերև պատուհա-
նաց միջոց, ինչպէս ուրիշ կողմեր ալ՝ արձանագրու-
թիւններն փորուած են և անմաշ անեղծ մնացած:
Մէկ կողմն ալ արևու ժամացոյց կայ, ժամերն հայե-
րէն այբուբենով նշանած. որոց վրայէն անդադար
կը սահի արեգակն, առանց բան մը չափելու. որ-
պէս թէ այն ընդհանուր դադարմանց մէջ ինքն ալ
իր նշանը դադրեցուցած ըլլայ, որոշ հրաման մը
չընդունելով որպէս ի Յեսուայ:

Գրուէն ներս մտնելն՝ մեծ գործ մեծ կիրք մ'է,
մանաւանդ ազգայնոյ մը: Լոյս և խաւար, ուրախու-

թիւն և տխրութիւն, մեծութիւն և խեղճութիւն մարդոյ՝ մէկէն կը տեսնուին: Խաւար, տխրութիւն և խեղճութիւն՝ հիմակուան վիճակին համար, որ ոչ միայն աւեր, մանաւանդ թէ աւերակօք լցեալ է, այլ և կը պժգամ ըսելու, փարախն Քրիստոսի բանաւոր հօտին և անոր Աստուածածին մօր նուիրեալ տաճարն՝ անբան ոչխարաց և անասնոց գոմ եղեր աղտեղեր է: Գմբէթին փլածն ալ՝ մէջ տեղը բլրած և կուտեր է: ... Սակայն լոյս, ուրախութիւն և մեծութիւն՝ իր առաջին վիճակին համար, զոր դեռ բաւական կը յիշեցընեն այդ ահեղ և վսեմ շրջափակ ընդարձակութիւնն (ԺԷ), սեանց ստուարութիւնն և կամարաց թեւածգութիւնք, պատերուն պարզութիւնն և լայնաբոլոր խորանն տասն հաւասարաչափ խորշերով շրջապատեալ, որոց երկու վերջի ծայրիներն մէկ մէկ դուռ են, և քարէ շրջապտոյտ սանդուղներով պատին միջէն կը հանեն մատրանաձև վերնատանց, որոց տակ են նոյնպէս քարաչէն և կամարակապ աւանդատունք. իսկ ինքն խորանն իր լայն խորշը կը բարձրացընէ մինչև ի ձեղունն և կը խառնի վերին կամարաց: Այս ամեն

կամարները, բոլոր ձեղունը և հանգուցեալ գմբէթը բռնողքն՝ են չորս մեծ և ստուար սիւնք, որոց սիւնէն աւելի անուն մը կը պատշաճէր. վասն զի երեք չափ (մեզր) ստուարութիւն ունին ամեն կողմէ, թէ և բոլորովին քառակուսի չեն, հապա խաչաձև իմն ՂԾանկիւն, և խարսխէն ինչուան վեր ալ այնպէս բարձրացած են շերտ շերտ ձևով, այլևայլ մեծամեծ կտորներով և նաև դանաղան գունով, սև ու դեղին. շերտերն ալ միաձև չեն, այլ ոմանք անկիւնաւոր ոմանք կիսաբոլոր. նոյնպիսիք են նաև վեց թերասիւնք կամ որմասիւնք՝ որք կամարները պատերուն կը հաղորդեն ի հիւսիս, ի հարաւ և յարևելս: Այս կամարաց վրայէն ուրիշ թեւեր ալ ձգուած վեր կը բռնէին իրենց արժանաւոր, երկնաւանդ գմբէթը, իսկ յետ 800 և աւելի տարիներու՝ մեր օրերս՝ թուլցած ինկեր էր, իրենց կրածովը մէկտեղ:

Թողլով ճարտարապետական ուրիշ գիտելեաց և գեղեցիկ չափակցութեանց վրայ խօսիլը, յիշենք որ այս եկեղեցին մէջն ուրիշ բաժանմունք չունի, բաց ի խորանին երկու քովի նոյնաչափ և նոյնաձև ա-

անդատուններէն, որոց երկայնքն է 6 չափ, լայնքն 4: Ժամատուն կամ գաւիթ չունի, և կ'երևի թէ չէ ալ ունեցեր, բայց չորս դին ուրիշ մատրանց կամ շէնքերու հետք կան. որոց մէկն ալ պիտի ըլլար Սարգիս կաթուղիկոսի շինել տուած « Ա կայարանն սրբոց Հռիփսիմեանց », ուր և փոխադրեր էր մեծ հանդիսիւ անոնց նշխարքը. բայց ամենքն ալ գրեթէ ինչուան հիմն կործաներ են, կարծես թէ իրենց վեհափառ դշխոյն ապրեցընելու համար իրենք դիրենք զոհելով. և ինքն որդեկոտոր մօր պէս կ'ողբայ անոնց վրայ: Եւ ոչ իսկ նորոգութեանց յիշատակն կայ այս կաթուղիկէիս, ինչպէս ուրիշ եկեղեցեաց. միայն դրսի չորս կողմի աստիճանները նորոգեր է յամին 1213 Տիգրան իշխանն, Ս. Գրիգոր Լուսաւորչի վանքի շինողն (Ի):

Արդ իրաւունքն և երախտագիտութիւն, միանգամայն և պարծանքն մեր կը պահանջեն որ ընդ Սմբատայ թագաւորի և Աատրանիդեայ թագուհւոյ՝ օրհներբ գովենք մեր Հայ Ախորուվիոս և Պալլադիոսը, անմահանալին Տրդատ ճարտարապետը, որ այս կաթուղիկէին շինութեան վերակացուն և ա-

րուեստաւորն էր. որ և անկէ առաջ՝ Արգինայի կաթուղիկոսարանին մեծ եկեղեցին շիներ էր¹, որոց քանի մը պատերն միայն մնան հիմայ. և որոյ մէկ ճարտարութեան արուեստն ալ ինչուան Կ. Պօլսի գերահռչակ Ս. Սոփիայ պատերուն մէջ պահուրտած է. վասն զի յամին 989 մեծ գետնածածկ մը այն բիւզանդական ճարտարութեան և մեծութեան դշխոյն ալ վտանգեցաւ, և մեր յիշեալ ժամանակակից պատմըչին խօսքով ըսելով, « հերձանիւր « պատառամբք վերուստ ի վայր. վասն որոյ բաղում « ջան եղև արհեստաւոր ճարտարացն Յունաց՝ առ « ի վերստին նորոգել: Ս. Եւ անդ զիպեալ ճարտարա- « պետին Հայոց՝ Տրդատայ քարագործի, տայ զօրինակ « շինուածոյն իմաստուն հանճարով, սլատրաստեալ « զկաղապարս կազմածոյն, և սկզբնաւորեալ զշի- « նելն. որ և գեղեցկապէս շինեցաւ պայծառ քան « զառաջինն »:

Եթէ Անոյ հաստակաւոյց կաթուղիկէն կանգուն մնալովն և գեղեցիկ շափակցութեամբն՝ վկայ ար-

1 Ի միջոցի 973-985 տարիներու:

ձանացեր է իր ճարտարապետին քաջութեանը, չենք կըրնար ըսել թէ սա ըլլայ անոր գերագոյն գործն. Սրգինայի կաթուղիկէին (որ աւելի փոքրադիր է) նշխարաց վրայ՝ աւելի բարակ դրուազներ և հարըստութիւն կը նշմարուի. ասոնք գիտցածնիս, արդեօք որքան ուրիշ և աւելի հրաշալի ձևեր և շէնքեր ելած էին այն վարպետ Տրդատայ մատներէն և ճակատէն, որոց գուցէ անունն ատենօք գտնուի, թերևս և քանի մը հետք ալ, եթէ իրեն արժանաւոր քաջ հետախոյզ համազգի մ'ալ ելնէ:


Վերջին խօսք մ'ալ ըսենք մեր Անոյ սրբազան շինուածոց դշխոյին վայելչութեանը վրայ. որ որքան չքնաղ է իր քիչ զարդերու պարզութեամբը, ոչպէս անսեթևեթ բնազեղ կոյս մը, այնքան արժանն կը ստիպէր ներսէն ուրիշ զարդերով հարսնազգեստել զնա. և ահա զայս կ'իմացընեն թէ Ասողներկայ նախագրեալ խօսքն, և թէ Աատրանիդէի. որ բաց յուկեղէն և արծաթեղէն անօթոց՝ ոսկէթել դիպակներով և բանուածներով ալ զարդարեր էր, վարագուրօք և նմանօք: Իսկ ջահանաչ կաթուղիկէին ըստ երկնային կամարին, որպէս կ'ըսէ պատմիչն, կը նը-

շանակէ նաև անոր գմբեթէն կախուած մեծ բիւրեղեայ ջահը, որ 12 լիտր կը կշռէր, և նոյնքան ալ ձէթ կը տանէր. և էր սա հիմնադրողին Սմբատայ առատաձեռնութեանց մէկ յիշատակն. վասն զի Հնդկաստանէ բերել տուեր էր թիւր գանձ ծախս ընելով. այս գումարին չափն որոշ չեմք գիտեր, բայց յայտ է որ շատ մեծ էր. և եթէ միայն ոսկի մ'ալ սեպէինք զգանձը դարձեալ 120-150000 Քրանգ կընէր: Զայս ջահս ալ Անոյ առման ատեն՝ գմբեթին խաչը կործանողն կտրեց վար ձգեց ջախջախեց: — Սկիւթացի բարբարոս. ոտքերդ մամուկի պէս ճարպիկ են եղեր գմբեթի վրայ և մէջը քալելու, բայց մատներդ՝ կարիճէն չարածըճիկ: Եամանակն զքեզ և քու նմաններդ ալ այնպէս կը ջախջախէ կը փշրէ որ ոչ հետք և ոչ անուննիդ կը մնայ, բայց եթէ սոսկման և զղուանաց համար. իսկ եթէ նոյնն՝ Անոյ շէնքերուն նմաններն ալ տասպալէ, սակայն միշտ կանգուն միշտ յիշելի և պանծալի մնան Սմբատքն, Աատրանիդէք, Ապլղարիսք, Տիգրանք և հսկայազօր Տրդատայ հաւասար մեր Վարպետ Տրդատն ալ:

Handwritten text on the left margin, possibly a page number or reference code.



ԱՆԻ



18. Ս. ՓՐԻՓՈՐ ԱՓՈԻՂԱՄԲԵՆՑ.

Ս. ԳՐԻԳՈՐ ԱՊՈՒՂԱՄՐԵՆՑ

Անոյ բազմաթիւ եկեղեցեաց մէջ՝ զայս ոչ միայն բաղդաւորաց մէկն կըրնանք համարիլ, այլ կերպով մը մեծաբաղդ քան զամենքն. վասն զի իր մէկ անուանակից եկեղեցիէն զատ՝ զոր յետոյ պիտի նըշմարեմք (Ի) ամենէն աւելի ամբողջ և անարատ մնացեր է, ամենէն աւելի ալ նշանակուած տարիք ցուցընելով. ամենէն հին և ամենէն նոր կըրնայ ըսուիլ Անոյ Ս. Գրիգորն Աստուածաբանաց : Երկու ուրիշ առաւելութիւններ ալ ունի. մէկ մը ճարտարապետական արուեստի կատարելութիւնն, մէկ մ'ալ դրից վա-

յելչութիւնն. և կըրնայ երկուքովն ալ թէ դրիւք և թէ շինուածով Գեղեցկահայեաց ըսուիլ. և ինչ որ ծերունին Ասողիկ ըսաւ (երես 50) Գաղկայ շինած Ս. Գրիգորի մեծ եկեղեցւոյն համար՝ ասոր ալ կը պատշաճի՝ ըստ դրից տեղւոյն և ըստ տեսքին. « Ի « կուսէ Մաղկոցաձորոյն, ի բարձրաւանդակ տեղւոջ. տարփատենչ տեսողացն » : Ի հարկէ թագաւորին շինածն շատ աւելի մեծ և բազմազարդ էր, և անկեմանն Ս. Գրիգոր կը վկայուի. բայց սա երիցագոյն է, և զուցէ թագաւորին փափագն ալ շարժած

ըլլայ այնպիսի բարձրագոյն տեղ մը՝ աւելի հոյակապ տաճար մը նուիրելու Հայոց ամենէն նուիրական անձին, Ս. Գրիգորի, որ մէկ կողմէն քաղքին վրայ նայի, միւս կողմէն դուրս՝ Ծաղկոցաձորի վրայ և այլ անդին :

Այս պահլաւեան եկեղեցին, (ինչպէս կըրնամք անուանել թէ նուիրելոյն ցեղին անուամբ թէ նուիրողացն կամ շինողաց, որ են Լուսաւորչի ցեղէն իջած կամ խնամի Պահլաւունիք), 900 տարուան չափ հնութիւն ունի, և Քրիստոսի հաղար թուականէն անդին կ'անցնի. գուցէ ճարտարին Տրդատայ մատներն ասոր ալ դպած են՝ որ այսպէս հաստատուն մնացեր է. բուն շինութեան թուականն չկայ, սակայն հնագոյնն է 995 տարւոյն, Շուշանայ տիկնաց տիկնոջ ամուսնոյ Գրիգորի իշխանաց իշխանի՝ որ վախճանած է յամի 982. ասոր ալ կարճ արձանագրութիւն մը կայ անթուական, որ գոնէ մահուանէն քանի մը տարի առաջ գրուած կըրնայ ըլլալ. և գուցէ ինքն ըլլայ եկեղեցւոյն շէնքը լմընցնողն. բայց հիմնարկողն անտարակոյս իր հայրն է, Ապուղամբ. վասն զի արձանագրի մը մէջ ասոր անուամբ Ապուղ-

ղամբնեց Ս. Գրիգոր կոչուի եկեղեցիս. և եթէ միայն 10 տարի առաջ քան իր որդին մեռած սեպենք զսա՛ ահա իր հիմնած տաճարն նախաջրհեղեղեան նահապետաց իննդարեան տարիքն կ'ունենայ անպակաս. որով թէ մեր հայրենեաց և թէ ուրիշ աշխարհաց հնագոյն կանգուն եկեղեցեաց մէկն ալ կ'ըլլայ. և որ զարմանալին ալ է՝ նորոգութեան ոչ նշան կայ և ոչ յիշատակ : Քանի մը արձանագրութիւն միայն ունի Գրիգորի և Շուշանայ որդւոց, մէկն Վահրամայ՝ իշխանաց իշխանի, մէկն Ապուղարիպայ Հայոց մարդպանի, յամի 1040. որ և կ'իմացընէ թէ իր հօր վախճանած ատեն (58 տարի առաջ) ինքն շատ տղայ ըլլալով չէ վայլած հօրը տեսքը, բայց սէրը զգացեր է. անոր համար շիներ է իր հօրը Հակոբաւորան, նաև իր վաղամեռ Համգէ եղբօր և Սեդա քրոջ, երկու մատուռն կամ ինչպէս ինքն կ'ըսէ սենեակ շինելով, Ս. Ստեփանոս և Ս. Քրիստափոր. որք հաւանօրէն են եկեղեցւոյն հիւսիսակողմը գտուած աւերակ գեղեցիկ մատրուներն :

Եկեղեցւոյս այսպէս անխախտ հաստատուն մնալուն պատճառն իր ճարտարպետական շէնքն, չափն


և ձևն ալ է . վասն զի տարածութեամբ փոքրիկ է ,
 և պատերուն թանձրութեամբ մեծ . դրսուանց 12
 կողմ բաժնուած է . բայց անանկ լայն են անկիւն-
 ներն՝ որ գրեթէ բոլորակ կ'երևի , և տրամագիծն է
 դրսանց իբր 12 չափ (մեդր) . մէջն՝ որ վեց հաւա-
 սար կիսաբոլոր բաժնուած է եզերքէն՝ և ոչ 10
 չափ երկայնք ունի . ասկէց գուշակուի որմոց թանձ-
 րութիւնն , որոց համեմատութեամբ կաթուղիկէին
 պատերն շատ բարակ են : Դրսանց պատին խարըս-
 խէն քիչ վեր ամեն երկու կողման մէկուն մէջ սրան-
 կիւնաձև > այսպէս խոր խորշ բացած է . որով
 շրջապատն վեց քառակուսի աղեղնաձև կամ պայ-
 տաձև պատ կ'ըլլայ՝ ներսի կէս բոլորներուն հետ .
 բայց ասոնք կիսաբոլորէ աւելի են , գրեթէ և կլոր :
 Ասոնց իրարմէ զատող պատերուն աղեղնաձև եր-
 կայնեալ վեց ծայրերէն կ'ամբառնան մէկ մէկ սիւն ,
 կեդրոնը մեծ բոլորակ մը ձևացընելով , վրան ալ վեր-
 ցընելով վայելուչ գմբէթը՝ 12 պատուհանօք և հա-
 մավայել կոնաձև գտակովը . որուն մաշեալ դա-
 գաթն՝ թուի թէ կը բնտուէ իր թագը , զսուրբ խաչը ,
 որ գուցէ և ոսկէզօծ ցոլար փայլէր շատ հեռու , ա-

րևուն ճառագայթիւք , Անոյ արեւմտակողմը Շիրա-
 կայ դաշտին մէջ . և շատ հողագործք անոր ցոլն ու
 ցայտը տեսնելով , պահ մը աչուրնին և ձեռուրնին
 վերցընելով յօգնութիւն կանչէին զՍ . Գրիգոր՝ ի-
 րենց վաստակոցը , և օրհնէին անոր պայադատ Պահ-
 լաւունիները , իրենց բարերար և բարեպաշտ տէ-
 րերը :

Եկեղեցւոյս դուրսը թէ և կ'երևին քանդակք՝ այլ
 ոչ խուռն և շատ . ներսն ալ աւելի պարզ է , բնա-
 կան և անկարօտ գեղեցկութեամբ լցեալ . այնպէս
 որ հայկական ճաշակի և ճարտարապետութեան ըն-
 տիր օրինակաց մէկը կրնայ ընծայել այս Ապուղամ-
 րենց Ս . Գրիգորս . և անշուշտ Անոյ այն շէնքերէն
 մէկն է՝ որոց վրայ հիանալով անգղիացի և փռանկ
 ճանապարհորդք՝ վկայեցին որ յունական ճաշակ և
 փափկութիւն ունին : Ահա այս եկեղեցւոյս համա-
 նման է Նախարարծի եկեղեցին Անիէն դուրս ժամա-
 քառորդ մը հեռու , որոյ համար կ'աւանդի՝ թէ հա-
 րուստ հովիւ մը շինած ըլլայ , վասն այնորիկ և այս-
 պէս կոչի , և թարգմանի յայլազգեաց Չօպան-գիլի-
 սեսի :

Ապլղարիպայ արձանագիրն ցուցընէ՝ որ այս տեղս էր իր հօր և հարազատաց յետին հանգստարանն, գերեզմանատունն, բայց ոչ բոլոր ցեղին. վասն զի իբրև 50 տարի մ'առաջ իր մեծ եղբայրն Վահրամ միւս եղբարցն ալ օգնութեամբ՝ հիմներ և շիներ էր մեծահռչակ Մարմաշէն վանքը՝ Շիրակ գաւառէն

դուրս, և հոն թաղուած է իր Սուփիա տիկնաւ և ուրիշ պայադատօք: Իսկ մեր Ապլղարիպայ մահուան հանգստարանն՝ յայտնի չէ մեզ հոն կամ հոս ըլլալն. բայց այս յայտնի է որ այս եկեղեցւոյս շէնքին հետ ալ մնալի և անմահանալի է ինքն, որպէս նաև Ս. Փրկչի հետ, ուր հրաւիրէ զմեզ հետեւեալ Նշմարս:





ԱՆԻ



19. Ս. ՓԲԿԻՉ ԱՆԻՈՅ.

Ս . Փ Ր Կ Ի Չ .

Մեծահաւատ և մեծահարուստ Պահլաւունի մարզպանին Ապլղարիպայ՝ մնացեալ ձեռակերտաց զեհագոյնն, Անոյ հաղար և մէկ եկեղեցեաց շինագոյն մնացեալներէն, միանգամայն և ազգային ճարտարութեան գեղեցկագոյն յիշատակարաններէն մէկն ալ՝ այս Ս . Փրկիչ եկեղեցիս է . որ և ասկէ յառաջ նշմարեալ Ս . Գրիգորին պէս իր նախանձորդն և հաւանօրէն իրմէ մեծն ունեցեր է, Սմնևափրկիչ անուամբ . որոյ շինողն և շինութեան տարին չեմք գիտեր, իսկ փլչելուն թուականն և օրն անգամ նշա-

նակուած է, (1131, նոյեմբ. 27), նշանակ իր մեծութեանը և համբաւոյն ¹ :

Ս . Փրկիչ՝ Անոյ արևելեան հիւսիսային կողմն է, Սխուրեանի քարափան քով, և անոր ընդունած փոքր առուակէն ոչ հեռու և երկուքին անկեան մօտ : Չևուիս և ոճով ճարտարպետութեան ալ նման

¹ Ոմանք կարծեն թէ այս Ամենափրկիչս ոչ էր Անոյ՝ այլ Շիրակաւանի Ամենափրկիչն, զոր Ա . Սմբատ թագաւորն կանգնել տուեր էր յամին 897 . և որ նորոգուելով ի կէս ԺԲ դարու՝ հիմայ դարձեալ փլած և աւերակ է :

է Ս. Գրիգորի, բայց անկէ մեծ և անկէ զարդարուն, անկէ աւելի ալ թանձր պատերով: Գրքսանց նմանապէս շուրջն բոլորչի կ'երևի, այլ և նոյնպէս գետնէն կանգուն մը վեր 12 կողմ ունի, նոյնպէս ալ 6 սրանկիւն > միջամուխ խորշեր. բայց նոյն իսկ կողմերէն ալ քիչ մը վեր՝ թեթև կերպով կամ ամենաբուժ անկիւններ կը ձեւացընէ պատն. որով բոլոր մէկէն 20 անկիւնի մը կ'ըլլայ, որ քիչ հեռուէն ամենեւին բոլորակ կ'երևի: Աողմէ կողմ դրսանց երկայնքն և լայնքն հաւասար 16 չափ է, քիչ աւելի. իսկ միջի տրամագիծն է 13 չափ ու կէս. եզերքն մէկալ եկեղեցւոյն պէս թերաբոլորք են. բայց կը զանազանին անկէ, մէկ մը անոնցմէ պակաս կըրածե ըլլալով, մէկ մ'ալ որ ասոր բաժանմունքն ութ են, վեցն հաւասար, եօթներորդն՝ որ է խորանին տեղն՝ աւելի մեծ. ութերորդն՝ որ է անոր դիմաց արեւմտեան մեծ դուռն՝ մէկալոնց նման բոլորակ չէ, այլ աւելի շիտակ. հարաւակողմն ալ դուռ ունի, առանց բոլորակն աւրելու. իսկ անոր դիմացի թերաբոլորակին մէջ պատ քաշած՝ ամպիոն մը շինուած է բարձրկեկ, ուր կ'ելլըցուի քարաշէն սանդուղներով

պատին միջէն, և անկէց ալ վեր ինչուան եկեղեցւոյն տանիքը: Ութ բոլորակաց կամ բաժանմանց միջոցն մէկ մէկ միակտուր սիւն կայ. որոց վերնախարըսխաց վրայ կը հանգչի եկեղեցւոյն շրջաբոլոր պատն կամ պատերուն շրջանակն, և կը վերցընէ բոլորչի փողը, 12 բարձր և նեղ կամար բաժնուած բարակ և զուգակ սիւներով, մէջերնին պատուհաններ. անոր վրան ալ գմբեթին սրածայր կոնն, որ Նշմարիս մէջ դրսանց թափած կ'երևի, ինչպէս որ ալ եղեր է քիչ տարի առաջ, բայց դեռ գմբեթն գոց կեցած է: Այս գմբեթին բոլորչի գլանն կամ փողն բաւական լայն և մեծ ըլլալով, մանաւանդ թէ եկեղեցին ալ շատ մեծ և քառակուսի չըլլալով՝ դրսանց բոլոր եկեղեցին երկու յարկ կ'երևի, վարն բազմանկիւն, վրան բոլորակ, ալ վեր գագաթն ալ սուր կոնածե: — Եկեղեցւոյս մէջ նորութիւն կամ առաւելութիւն մ'ալ կայ, որ մեր առջի յիշած եկեղեցեաց մէջ չկար, և է նկարէն պատկերներն պատերուն վրայ, թէ և աւրըշտըկած. ասոր համար ալ տեսողք որոշ բան մ'ըսած չեն, որով մենք ալ չենք կըրնար:

Ս. Փրկչի ճարտարապետն կրրնայ Տրդատայ ա-
շակերտ մ'ըլլալ . վասն զի շինութիւնն աւարտեր է
յամի 1036, « շատ ջանիւ եւ մեծածախ գանձիւ »
Ապլղարիպայ, ինչպէս կ'ըսէ արձանագրին մէջ . և
գարձեալ ուրիշ արձանագրութեամբ մ'ալ կ'իմացը-
նէ՝ որ նախընթաց տարին Սմբատ-Յովհաննէս թա-
գաւորէն հրովարտակ առած՝ գնաց ի Կ . Պօլիս առ
Միքայէլ կայսր, և նոյնպէս « շատ ջանիւ և մեծա-
« ծախ գանձիւ » բերաւ մասն ի սրբոյ խաչէն . և
տաճարին շինութիւնը կատարելով՝ կանգնեց « զնը-
շանն յուսոյ ի պսակ հարսին Քրիստոսի . » զոր և
ղարդարեց, հարըստացուց և տիրացուց շատ հողե-
րով և կուղպակներով, « ոսկելով և արծաթով և ա-
« կամբք պատուականօք... հին եւ նոր կտակարա-
« նօք » : Եկեղեցւոյն քով ապարանք մ'ալ շինեց և
անոր ընծայեց . նոյնպէս քովը այգի մը կար Մշրնկի
ըսուած, զայն ալ առաւ ի տիրոջմէն, որ էր Պետրոս
Գետադարձ, և նուիրեց եկեղեցւոյն : Ասոր հոգա-
բարձու կարգեց Գրիգոր անուամբ երէց մը, պա-
տուիրելով որ անոր ցեղին մէջ մնայ այդ հոգաբար-
ձութիւնն . և անոնցմէ մեռնող քահանայից ամեն

մէկուն հոգւոյն համար քառասունք մ'ըլլուի . իսկ
իր հոգւոյն համար՝ ի վարձ այսքան աշխատութեանց
և նուիրաց՝ ամեն կիրակի գիշերապաշտօն ընել
մինչև « ի գալուստն Քրիստոսի » : Պետրոս կաթու-
ղիկոսն ալ նոյն թուականով արձանագրած է՝ որ
Ապլղարիպայ նուէրքն և պատուէրք հաստատուն
պահուին, և խափանողքն նդովեալ ըլլան :

Խորանին երկու գին պատերուն գրեթէ երեք մե-
դրաչափ թանձրութեան մէջ մէկ մէկ փոքր աւան-
դատուն շինած է . և գուցէ ասոնք ալ առանձին ե-
կեղեցի կամ խորան սեպուած ըլլան . վասն զի շի-
նութենէն քանի մը տարի վերջ (1041) Քրիստափոր
անուամբ հարուստ մէկն իր հայրենի եօթն տուները
պարգևելով Ս . Փրկչի կալուած, կը պարտաւորէ
գրահանայս Ս . Փրկչի, որ իր հոգւոյն համար « յա-
« մեն ամի ի չորս եկեղեցիքս՝ յեկեղեցին վեց օր
« ժամ առնել անխափան՝ մինչև ի գալուստն Քրիս-
« տոսի » : Կամ նոյն թուականին կամ ինն տարի
վերջ Շահիկ անուամբ մէկն ալ ուրիշ նուէրք տա-
լով Ս . Փրկչի հետ կը յիշէ և զՍ . Յովհաննէս, որ
այն չորս եկեղեցեաց մէկն պիտի ըլլայ, եթէ Ս .


Փրկչի մէջ համարինք և եթէ դուրս, ինչպէս կարծել տայ եկեղեցոյ անունն, թէ և հիմայ ուրիշ եկեղեցի կամ մատուռ չեն յիշած ուղևորք անոր մօտ: Իսկ իբր 130 տարի վերջը (1173) եկեղեցին նորոգողք կը յիշեն անոր (չորս) քառևտին խորանսն, որ և Քրիստափորի յիշեալ եկեղեցեաց հետ նոյնք թուին:

Իսկ այս նորոգողք եկեղեցւոյս են՝ Տրդատ քահանայ մը՝ ի քահանայական ցեղէ. և իր Խուշուշ երիցակինն. և կ'ըսէ. « Շինեցաք վերստին զմեր գանձագին հայրենիքս զՍ. Փրկչս՝ շատ աշխատութեամբ, և նորոգեցաք յառաջին պայծառութիւնն... « Շինեցաք սմա ժամատունս ամարանոյ և ձմերանոյ ». որով երկու եկեղեցանման տեղիք ալ կը յայտնուին: Այս բարի տէրտէրս տէրաիրաց որդի և թոռն՝ բնիկ Արուճեցի է եղեր, ուր ունեցած չորս այգիները նուիրեր է Ս. Փրկչի, երկու ալ տուն ասոր դիմաց, և ուրիշ բարիք. և ասոնց փոխարէն կը պայմանէ ամեն տարի քառասունք մը, կէսն իրեն կէսն ալ տէրաիրանոջը, ասկէ զատ երկու ալ (օր թէ քառա-

սունք?) Սողոմոնի որդի Սարգսկան մը համար, որ հաւանօրէն ուրիշ նուիրատու մ'է: Անկէ 120 տարի ետև (1291) Շիրասցի Մխիթար մը հօս շիներ է Չանկահատուն և կախեր է զանկակներ. և երբ կ'ըսէ « զվարճանէք ի ձայնից սորա՝ ասացէք, Տէր Ա. « տուած, ողորմեա Մխիթարայ և ծնողաց իւրոց », և այլն: 50 տարի ալ վերջը, մօտ ի կէս ԺԴ դարու (1342) և Անոյ յետին ամայութենէն քիչ առաջ, Երկայնաբազուկ մեծին Չաքարիայ սպասաւարի ցեղէն ուրիշ Չաքարիայի մը թոռն՝ Աթաբէկ Վահրամ Վասիլ անուամբ մէկու մը ձեռօք նորէն նորոգեր է Ս. Փրկչի գմբէթը, իրեն կենաց և նախնեաց յիշատակին համար:

Այսպէս յիշատակաց արժանի Ս. Փրկչս երկու երէք անգամ նորոգուեր է, առանց մեծ փոփոխութեան. վասն զի թէ ձեն և թէ մեծամեծ կոփածոյ քարերն, և թէ արձանազրութիւնքն՝ վկայ են առաջին և հին շինութեանն, և կու մնան մեծազոյն նորոգութեան, որով նորոգուի Ապլղարիպայ անունն ալ:





20. U. L. O. P. O. R. P. 2.

Ս. ԳՐԻԳՈՐ ԼՈՒՍԱՒՈՐԻԶ

Անոյ հազար և մէկ եկեղեցեաց հազիւ տասն կամ
քսանի անունն մեզի հասած է, և անոնց մէջ նոյն
իսկ քաղքին ներքին պարսպաց մէջ ահա այս եր-
րորդ Ս. Գրիգոր եկեղեցին է՝ զոր կու նշմարեմք (Ի).
և որ մէկալներէն որոշուելու համար՝ մականուամբ
մէկտեղ Ս. Գրիգ. Լուսաւորիչ կ'ըսուի, և նաև վանք
Ս. Գրիգորի: Եթէ պէտք ըլլար՝ զայս ալ նոր վկա-
յութիւն մը կըրնայինք գրել Հայոց ջերմեռանդու-
թեանն՝ առ առաքելաշաւիղ նախահայրապետն իւ-
րեանց, բայց երբեք այն մեծ նահատակն Քրիստոսի
է պակսեր պաշտօն ընդունիլ իր զաւակներէն, և
ոչ սորա յընծայելէն: Բայց այս երեք յիշեալ եկե-

ղեցիքս կըրնան գրաւական ըլլալ քանի մը երեքնե-
րու ալ Անոյ մէջ. որոց մէկն ալ շատ հաւանօրէն
պիտի ըլլար Ախուրեանի արմըկան միջի քարաբլրի
վրայ, Գըզ-գիլիսէի վանաց մէջ:

Արդ այս նշմարած Ս. Գրիգորնիս գրեթէ Ապու-
ղամբենց Ս. Գրիգորի հորիզոնական գծին վրայ
կ'ինկնայ, քաղքին արեւելեան կողմը, և քան զայն
աւելի մօտ է իր ձորին, այսինքն Ախուրեան գետոյ.
Քարափան գծար ու խոժոռ տեղ մը, գոնէ հիմա-
կուան տեսքով, որ ունի նաև վսեմական գեղեցկու-
թիւն մը: — Գրեթէ նոյն խոժոռութեան մէջ ալ
գտաւ զտեղս ասկէ 660 տարի առաջ Տիգրան իշ-

խանն յաղգէ Հոնենց , երբ մեծն Չաքարիա կը նորոգէր զԱնի . անոր հաւանութեամբ ինքն ալ զանազան նորոգութիւն և շինութիւն ընելով , եկաւ այս գետեղրս ալ , ուր հնուց ուխտատեղւոյ պէս եկեղեցեակ մը կայ եղեր Մատռան Սատռածածիւն կոչուած , և վանք մ'ալ յանուն Ս . Լուսաւորչին . բայց զանազան քաղաքական փոփոխութեանց պատճառաւ թողուած աւրուած , « քաղափն և մացառ տեղի » դարձած : Տիգրան կը գնէ զայն , ինչպէս կ'ըսէ , իր « հալալ դանձով ի հերէնէտիրաց ¹ . եւ բազում աշխատութեամբ և դանձով պարսպեցի շուրջանակի . « շինեցի զեկեղեցիս յանուն սրբոյ Լուսաւորչին « Գրիգորի , և զարդարեցի բազում զարդիւք » , և այլն . և իր երկար արձանագրութեան նայելով յիրաւի շատ և շատ տեսակ նուէրքներ տուեր է եկեղեցւոյն և վանաց , զոր նոյնպէս ինքն նոր շիներ է , նաև բնակարաններ իշխանաց . որոց ամենուն հարուստ կալուածներ կապեր է , գեղ , տուն , այգի , կրպակ , պարտէզ , պահէզ , փնդուկ , ջաղաց , միլ ,

¹ Հայրենի ժառանգութեամբ տէր եղող :

և այլն , թէ մօտ թէ հեռի տեղուանք . ուրիշ վանք մ'ալ շիներ է Բեխենց մահանուանեալ , և զայն ալ Ս . Գրիգորի առաջնորդին հոգաբարձութեան յանձներ է : Այսչափ բարեաց ապերախտ եղողին և խափանողին , իրաւունք տալու է որ ըսէ՝ թէ ոչ միայն յերից ժողովոց հայրապետաց՝ այլ « եւ ինն « դասուց հրեշտակաց նզովել եղիցի » : Իսկ իրեն և իր տիրոջ Շահնշահի (որդւոյ մեծին Չաքարիայ) և անոր զաւակացն համար՝ անխափան պատարագ մատուցանել կ'ապրսպարէ , առանց օր եւ քառասունք սահմանելու : Այս արձանագիրս գրած է յամի 1215 , յետ կատարելու շինութիւնը , զոր սկսած է Չաքարիայի օրով և անոր որդւոյն իշխանութեան ատեն աւարտած :

Այս թուականս յայտնեց որ եկեղեցիս մեր ինչուան հիմայ տեսածներէն ամենէն ետքը շինուածն է . ասոր կը վկայէ ինքնին շէնքն , որ քան զամենայն շինուածս Անոյ շէն է , ուղևորաց և տեսողաց երեքկին վկայութեամբ ալ , թէ ներսն թէ դուրսն , այնպէս որպէս թէ ճարտարապետն դեռ նոր ձեռքը վերուցած ըլլար վրայէն : Չեով մեղի ծանօթ-



21. ԳԱԻԻԹ Ս. ԼՈՒՍՍԻՈՐԶԻ.



ներուն մէջ կաթուղիկէին կը նմանի . երկայնաձև քառակուսի է , դրսանց 14 չափ երկայն , լայնքն՝ իբրև 10 . մէկ դուռ միայն ունի՝ յարեմտից , որուն քով եղածը յետոյ կը տեսնենք : Իսկ կողմն՝ որոյ պատկերն է մեր նշմարածն՝ (Ի) 10 բարձր և նեղ կամարաձև բաժնած է , 11 զոյգ բարակուկ սիւներով . նոյնպէս ալ արևելեան ճակատն համեմատութեամբ բաժնուած՝ 7 զոյգ սիւնակներ ունի . իւրաքանչիւր զոյգ մէկ խարըսխի տակ մէկ խարըսխի վրայ . նոյնպէս են նաև գմբէթին բոլորն եղած սիւնակքն , որ զայն սովորական ոճով 12 կամարաձև կը բաժնեն : Ասոնց շէնքն ու զարդերն՝ հանդերձ միջին գեղեցկագրուագ նեղ պատուհանաւ և սեանց կամարներուն անկեանց միջոց քանդակեալ թրուչնօք՝ յայտնի կ'երևին մեր նշմարողին : Իսկ եկեղեցւոյս մէջն շատ չի նմանիր կաթուղիկէին . վասն զի ազատ սիւն չունի . այլ դռնէն՝ իբրև միջին երկայնութեան երրորդ մասամբ հեռի՝ պատերն խարըսխաձև ներս մղուած են , և անոնց կռթրնցուցած մէկ մէկ սիւն , որոց վրայէն կամարներ ձգուած . նոյնպէս ալ խորանին երկու կողմէն առաջ եկած

պատերէն . և այս կամարներն են որ կ'ամբառնան գմբէթը : Խորանին երկու կողմն ալ հաւասարաչափ նեղ աւանդատունք կան :

Այս եկեղեցւոյս սեփական առաւելութիւնն է՝ միջի , որպէս և դուրսի ուրիշ կողմ մը՝ նկարէն պատկերներն , որ դեռ բաւական անեղծ մնացեր են , և չափաւոր շնորհք ալ ունին . ասոնց համար է որ եկեղեցիս ի ռամկաց Նագրչալ-գիլիսէ կոչուի : Այս պատկերացս հեղինակքն Յոյն կը համարուին , և անհաւան չէ . մանաւանդ որ քանի մը յոյն և վրացի արձանագիրք ալ կ'իմացընեն որ ժամանակաւ այդ երկու լեզուաց կամ աղգաց ձեռքն անցեր է տեղս , և պատկերաց վերևն ալ յունարէն գրուած են աւուանք սրբոց : Բայց խնդրելին այս է՝ թէ յետոյ ուրեմն նկարած են պատկերներն՝ եթէ նոյն իսկ շինողն Տիգրան նկարել տուեր է , ինչպէս կըրնայ մեկնուիլ իւր իսկ արձանագրութեամբ ըսածն , թէ « և զարդարեցի . . . և պատկերագործ խաւերով » . եթէ այս ետքին բառս ուրիշ բան չիցուցընէ : Տիգրանայ արձանագիրն այս մեր տեսած կողման վրայ է , որ է հարաւայինն , իսկ յոյն և վրացի կարճ արձա-

նազրութիւքն՝ դրան աղեղնաձև կամարին վրայ: Աը սկսի Յոյնն սաղմոսին տունը. « Տէր, սիրեցի զվա- « յելչութիւն տան քո, և զտեղի յարկի փառաց « քոց ». — զոր Տիգրան շինեաց, կըրնանք աւելցը- նել. — Վրացին ալ փոխ կ'ասէ. « Այս դուռն Տեառն է, և արդարք մտանեն ընդ սա »: Գուցէ աւելի ստոյգ ըլլայ ըսելն, թէ գրողն՝ արեամբ և խելքով խառնուրդ մ'ըլլայ Հայոյ, Վրացոյ և Յունի: ԺԲ դարուն մէջ Վրաց թագաւորութեան ծաղկած ատեն՝ անոնց իշխանութեան մէջ եղող Հայք ոմանք՝ անոնց և Յունաց դաւանութիւնն և ծէսն ալ ընդու- նեցան. անկէ ելաւ այդ խառնուրդ ըսածս. նոյն ինքն մեծին Զաքարիայի եղբայրն՝ Աթապէկն Իւանէ ալ յունածէս եղաւ. այսպէս մնացին իրենց ցեղէն շատերն, որոցմէ թուի և Տիգրանէն իբրև 100 տա- րի վերջը՝ Ամիր սպասալար Շահանշահն, որ իբրև տէր այս Ս. Գրիգորի վանաց՝ տուեր է զայն Մաթէ կամ Մատթէոս անուամբ մէկուն, և սա իր Թենի կնաւն՝ յամին 1520 արձանազրութիւն մ'աւելցու- ցած է եկեղեցւոյս արևելեան կողմը. որոյ մէջ ու- րիշ նորոգութիւն չի յիշեր, բաց ի ջրին ճամբէն,

զոր Տիգրան շիներ էր, և յետոյ « խաղտել էր ու « կտրել ». և սա նորէն բերեր է զջուրն ի վանքս:

Եկեղեցւոյս դրան կից և առջևը փոքրիկ և գեղե- ցիկ կամարակապ գաւթ մը կայ (ԻՍ.), բայց կամար- ներն փլած, միայն սիւներն՝ չորս հատ՝ կանգուն և արձակ մնացեր են. երեքն արևմտեան կողմէն, մէկն ի հարաւոյ, որոնք կը խառնուէին դրան երկու կող- մի թերասեանց վրայէն ձգուած կամարներուն: Հիւ- սիսային կողմն ալ հաւասար գաւթին լայնքին՝ մա- տուռ մը կայ, նոյնպէս կործանած. բայց կամար- ներն կանգուն մնացեր են: Ասոնց մէջն ալ կ'երևին դեռ նկարէն սլատկերք. բայց սլատկերքն թէ ներսը թէ դուրսը՝ միայն սրբոց չեն, այլ և զարդի տեղ կենդանեաց և բուսեղինաց: Իսկ սեանց և կամա- րաց վայելուչ ձևն և քանդակք կըրնան գուշակուիլ այս ԻՍ. նշմարէս ալ:

Յիշեալ սլատկերաց և օտարլեզու արձանագրաց համար՝ Եւրոպացի տեսնողք ոմանք՝ Յոյն եկեղեցի- անուաներ են զսա. բայց ոչ միայն եկեղեցւոյն ար- տաքին ձևն՝ այլ և ներքին դիրքն խորանին, և շինու- ղին արձանն՝ կը վկայեն որ Հայոց համար շինուած

է, և շինողն ալ ամենէն աւելի հայանուն մէկ
մ'է:

Որչափ որ ասոր (Տիգրանայ) գլխաւոր շէնքն՝ ե-
կեղեցին՝ անարատ մնացեր է, այնքան քովի ուրիշ
շէնքերն, որք էին վանականաց և իշխանաց բնակա-
րան, բոլորովին կործաներ աւրուեր, և եկեղե-
ցւոյն քով բլրի պէս դիզուեր են, մանաւանդ հիւ-
սիսային կողմը. արևելեան կողմն ալ կ'երևան քաղ-
քին գետնայարկը կամ ստորերկրեայն տանող կա-
մարակասլին մնացորդքն. և երկու կողմը՝ մեր ի

սկզբան յիշած (երես 45) քարակտուր սանդուղքն
կամարակապ գոցուած, որ կ'երթան մինչև ի կոտ-
րած կամուրջն Ախուրեանի: Այս է կարծեմ Տի-
գրանայ արձանագրին մէջ կոչած Բեշքեևակասկն, զոր
և Պլիճորի ու կամըրջին միջոց ըլլալ կ'երևեցընէ:
Եթէ ինչ բանի համար ըլլալն ալ յայտնի չըլլայ,
այս կը յայտնուի՝ որ Տիգրանէն առաջ շինուած է
եղեր. և շատ տեսակ շէնք կան եղեր Ս. Պրիգորի
վանքին քովերը:





22. ՍՐԱՀ ԱՊԱՐԱՆԻՑ.

Ս Ր Ա Հ Ա Պ Ա Ր Ա Ն Ի Ց .



Ինչպէս որ ի սկզբան Անոյ մէջ շրջագայելով նկատեցինք՝ եկեղեցիներէն զատ քիչ և ամենաքիչ չէնք ի մնացորդ կայ . և այն առասպելանման յիշեալ 100,000 ոսկեզօծ պարատներէն , կամ յետին պատմըջի մը նմանցուցած օրիորդաձև և հարսնասպասոյձ տոսներէն և ոչ մէկ մը կանգուն մնացեր է : Այլ կայ մնայ միայն մէկ բնակարանի մը մասն , թէ և փոքր մասն ամբողջին համեմատութեամբ , սակայն ըստ բաղդի՝ Անոյ ամենէն զլխաւոր բնակութեան մասն , որպէս և սովորաբար կարծուի : Արքունի ապարա-

նից կամ պալատան մնացորդն ըսել կ'ուզեմ , առանց բոլորովին հաստատելու այսպէս ըլլալն . որովհետև անժխտելի փաստ կամ նշան և վկայութիւնք կը պակսին : Պատմիչք չեն յիշեր թէ արքունի ապարանքն Անոյ որ կողմն էին : Եթէ ապահովութեան տեղ փնտռենք՝ աւելի արևելեան և հարաւային կողմեր դառնալու է . իսկ եթէ զուրիշներն ապահով ցընելու կողմ փնտրուի՝ հիւսիսային արևմտեան կողմը դառնալու է , Ծաղկոցաձորի գլուխը : Եւ ահայայս կողմս , ձորին և քաղքին ներքին պարբսպաց

անկիւնն է՝ արքունի պալատ կարծուածն . զոր ումանք ալ պարըստաց շատ մօտ , որով և թշնամեաց յարձակման ենթակայ սեպելով , անյարմար կը տեսնեն թագաւորի բնակութեան . և ոմանք յԵւրոպացի բանասիրաց՝ աւելի յարմար սեպած են որ այս տեղս Պահլաւունեաց պալատ եղած ըլլայ , թագաւորէն ետև այս ցեղս ամենէն անուանի և մեծիշխան ըլլալով . որուն հաւաստիք մը չկայ . և առաջին կարծիքն աւելի հաւանական և աւելի հասարակ ընդունուած է : Ռամիկն ալ Նուշիրէվանայ պալատ կոչէ զայս :

Իսկ շէնքին դիրքն՝ ձորին բարձրագոյն եզերքը , պարսպաց ամրագոյն կողմը , քաղքին վրայ և դուրս նայուածքն , մօտի հոյակապ Առաքելոց եկեղեցւոյ մնացորդքն , և անոր վրայ արձանագրեալ քաղաքական հրամանք , երկգլուխ արծուեաց քանդակ մը ի միջի խաչից՝ այս պալատանս մէջ , և դուրսը շինող թագաւորին բարձրաքանդակ պատկերն , — այս ամեն բան ինքնին թագաւորաց արժանի տեղ ըլլալ վկայեն . — զնոյն կրկնեն և մնացեալ պատերուն թանձրութիւնն և քանդակքն , արևելեան դարմանալի բազմադրուագ դուռնն , բազմաթիւ սենե-

կաց բաժանմունքն . — որոց ամենուն ներքեւէն կամարակապ ընդարձակ և բազմամասն գետնայարկն ալ՝ խորին արձագանգօք՝ տեղւոյն վեհութեան վերջին վկայութիւնը կը կնքէ :

Մեզ ցաւալի է որ աւերմանց պատճառաւ՝ չենք կարող շատ բան տեսնել և գտնել այս մեծ և ամուր ասպարանից մէջ , որուն արդէն մեծ մաս մ'ալ փլած է . և որ կ'երևի թէ Մաղկոցաձորի այն կողմի դրից համեմատ զետեղուած էր , մաս մը յարեմուտք դարձած , մաս մ'ալ ի հիւսիս . այս ետքի կողմիս միայն պատերն կու մնան , ներսն և ներքեւն բոլոր փլած է : Իսկ արևմտեան թևին ներքին պատերն ալ կան որք սենեակները կը բաժնէին . թէ և ասոնք ալ սակաւաթիւ են հիմայ , և ոչ մեծամեծք . ամենն ալ պարըստաց նման քառակուսի կովիած դեղին քարերով . որոց վրայ զարդ ալ չերևիր , և ոչ իսկ պատուհան , բայց միայն մէկուն մէջ՝ որ Մաղկոցաձորին վրայ կը նայի . դուցէ շատերն ձեղունէն լոյս կ'առնուին :

Հիմայ երեւցող կամ մեղի ծանօթ շէնքի մասանց ամենէն գլխաւորն կըրնայ ըսուիլ պալատան արև-

մըտեան մասին վրայ եղած դուռն՝ որ կը նայի յա-
րևելս . և մեծութեամբն ու մանրամասն քանդակօք
և խաչածեօք արդարև մեծագործ հոյակապ և զար-
մանալի է : Երկու կարգ է դուռնն , կամ երկու դուռ
վրայէ վրայ . երկուքն ալ հաւասար քառակուսի
ընդարձակ շրջապատ մ'ունելով , որք գեղին և սեւ
քարերով շարուած են . վերինն՝ բոլոր քառակուսի
քարերով , և անոնց անկեանց մէջ բարակ խաչեր .
դրան բարաւորին վրայի կամարն ալ սրածե գէպ ի
վեր դարձած է : Իսկ ստորին դրան չորս դին աւելի
գեղեցիկ նաղչած է խաչերով . դրան կամարն ալ
բոլորակ է : Այս դրանց քանդակաց վրայ շատ հիա-
ցեր են եւրոպացի ուղևորք , մանաւանդ ասկէ կէս
դար մ'ալ առաջ տեսնողք , երբ աւելի շէն էր պա-
լատն , և ըստ վկայութեան սոցա՝ բազմաթիւ էին
սենեակք , բազմախիտ խաչք և քանդակք , միով բա-
նիւ՝ անբաւ հարստութիւն զարդուց և դրուագաց :
Այս երկկարգ դռներն կ'իմացընեն որ պալատն ալ
երկյարկ էր , և ինչուան երեք յարկի ալ նշանք
կ'երևին , զատ ի ստորերկրեայ ներքնատունէն :

Երկրորդ նշանաւոր մնացորդն է այս մեր նշմա-


րած (ԻԲ) սրահն . որոյ նորատարազ երևոյթն ,
սեանց ձևերուն զանազանութիւնն և աննմանու-
թիւնն , մանաւանդ այն արջագլուխ կամ ճիւղա-
գլուխ խոյակքն՝ մէկէն նշմարողին աչքը կը քաշեն ,
և իրեն թողում մնացածը քննել ու դատել :

Երրորդ յիշուած մնացորդն է գէպ յարևելք դար-
ձած սենեկաց մէկուն մէջ՝ պատին կից քարեայ ջրի
աւազան մը՝ գմբեթաձև խորշով , կարմիր ու սեւ քա-
րերով և ծաղկաձև քանդակներով փորուած : Այս
սենեկիս միջէն կը բացուի պալատին գետնայարկն ,
որոյ շէնքն որչափ որ կարելի եղած է մտնել և տես-
նել՝ արժանի է վերի շէնքին , գուցէ և աւելի զարմա-
նալի :

Մէկ յիշատակաց արժանի բան մ'ալ կար պալա-
տիս հիւսիսակողմը , դրսի պատին գլուխը , ձորէն
և պարըսպէն դուրս նայող . բնական մեծութեամբ
մարդու բարձրաքանդակ մը , զինուորակերպ հա-
գած . ձեռաց մէջ շէնքին պատկերը բռնած , ինչ-
պէս որ եկեղեցեաց ոմանց վրայ ալ այսպէս շինու-
ղաց պատկերքն կան , սակայն պժգալի թշնամու-
թիւնն այս պատկերիս գլուխը թռուցեր էր , անոր

համար չէր որոշուեր թագաւոր ըլլալն . բայց հասարակաց աւանդութիւն է՝ թէ պարըսպաց շինող Սըմբատ Տիեզերակալին պատկերն էր . զոր ռամիկք ոմանք կարծէին թէ Անոյ մատնըչին պատկերն ըլլայ , և թէ անոր համար գլուխն կտրած և ձեռքը դրուած է : Այս բանս ստուգելու համար՝ հիմայ

պէտք է Պետրսուրկ երթալ . վասն զի կ'ըսուի թէ Ռուսք ճարտարութեամբ վերուցած են զայն իր տեղէն , ասկէ 20 կամ աւելի տարի առաջ , և տարեր են իրենց կայսերական թանգարանը դնելու , ուրիշ քանդակաց հետ . ոմանց ալ միայն ձեւերը գաղափարեր առեր են :







23. Մ Ջ Կ Ի Թ .

Մ Ջ Կ Ի Թ Ա Ն Ո Յ .


Ահա նորատարազ շէնք մ'ալ, և ոչ հարազատ մեր քրիստոնեայ մայրաքաղաքին, եթէ արդարև մզկիթ ծնած համարինք այս շէնքս, ինչպէս որ եղած է յետոյ: Ասոր դիրքն նշանակեցինք առաջ՝ որ միջնաբերդին հիւսիսակողմն է, և երկուց ձորոց իրարու մօտ միջոց մը: Քիչ մ'երկայնաձև քառակուսի է շէնքն, արևելքէն յարևմուտք ձգուած, այս կողմէս է դուռն ալ. մէջն երկու կարգ երեք երեք կարճ ու հաստ սիւներով երեք թև բաժնուած է, որոցմէ կամարներ ձգուած են իրարու և չորս կողմի 12 որմասեանց վրայ. որով կամարայարկ տեղ մ'է, ոչ մզկիթի նման և ոչ եկեղեցոյ, և ոչ ալ ժամատան՝

ինչպէս կարծուած ալ է, համարելով թէ արևմտեան կողմն եղած ըլլայ եկեղեցին, որուն հետքն չկայ: Չեղունն և յատակն ալ նորատեսիլ կերպարանք մ'ունին. գետինն 12 քառակուսի բաժնուած է քարերու շարուածքով և սիւներուն դրուածքով. բայց ոչ մեծութեամբ իրարու հաւասար են, և ոչ շարքով քարերու, որոց պէսպէս դիրքն, մեծութիւնն և դոյնն այլևայլ ձևով միւսիոններ կամ ևաղաշներ կ'ընծայեն, և ճարտար ձևեր կամ շարքեր ալ ունին: Իսկ ձեղունն տեղ տեղ կմբաձև կամ կլորակ է, տեղ տեղ ալ տափակ, մեծամեծ քարէ տախտակներով կցուած: Արևելեան հիւսիսային անկեան քառա-

կուսի միջոցը կանգնած է մինարէն՝ ութանկիւնի ձևով, 85 աստիճանով, սև ու կարմիր քարերով շինած: Արևելեան պատին վրայ երեք պատուհան կայ, որ Ախուրեանի վրայ կը նային. արևմտեան պատին կէսն փլած է, մաս մ'ալ հիւսիսայնոյն. մնացածն բաւական չէն է: Յատակն ալ ներքնատուն կայ կամարակապ, և մէջէ մէջ դռներով. որ նոր դարմանք և տարակոյս մ'ալ կ'աւելցընէ այս այլատարազ շէնքիս շինութեան կամ անոր պատճառին. թէ արդեօք պահապանաց տո՞ւն էր, թէ փնդուկ մը, թէ բուն իսկ մզկըթի համար շինուած՝ առաջին անգամ քաղաքն այլազգեաց ձեռք անցած ատեն. և այս ալ կըրնայ կարծուիլ, թէ և մէջը միհրապի տեղ չկայ. բայց վրայի արձանագրաց մէկն քուֆի գրով գրուած է յամի 1072 Մանուչէի ատեն. և միայն կէս տող մնացած ըլլալով շատ բան չիմացընէր: Ասկէ վեր՝ հիւսիսային կողմը՝ երկայն պարսկերէն

արձանագիր մը կայ՝ իբր Կալուսայիտ թաթարաց զանին անուամբ և հրամանաւ գրուած, ԺԳ դարու առաջին քառորդին. որով կը պատուիրէ քաղքին վերակացուաց՝ չնեղել զժողովուրդը հարկապահանջութեամբ, և բաց ի բաճէ և կնքէ (դամղայ) ուրիշ բան չառնուլ, ինչպէս որ առաջ կ'առնուին. և անոր համար, կ'ըսէ, քաղաքացի և դաւառցի տանուտեարք (քէթխիւտէ) սկսեր էին թողուլ զՍնի և զՇիրակ՝ և երթալ յօտար աշխարհս: Անկէ վար երեք լեզուով մէկ մէկ տող արձանագիր կայ. առջի երկուքն՝ պարսկերէն և վրացերէն՝ կ'ըսեն. Ես Զաքարիա Աթաբէկ որդի հանգուցեալ... հաստատուցի ի թուին 1257 կամ 1258. իսկ երրորդն հայերէն և անթուական կ'ըսէ միայն. « Հաստատուն պահողքն արհնին Աստուծոյ »: — Սոյն հայերէն տողս գրուած է նաև քաղքին միւս բարձրագոյն մնիրային վրայ:

ԲՆԱԿԱՆՈՒԹՅԱՆ ԳՐԱԿԱՆՈՒԹՅԱՆ



24. ՄԱՏՈՒՌՆ ՇԻՐԱԾՆ.



Ս. ԳԷՈՐԳ. ՀԱՆԳՍՏԱՐԱՆ ԹՄ.ԳԱԻՈՐԱՑ.

Թողլով այն դժնդակ դուռը՝ որ մտուց զմեզ ի
Քաղաքն տրտմաթախիժ, և տարաւ յաւերակս բնա-
կութեան ժողովրդեան կորուսելոյ, ուրիշ ելք մը
փնտռենք. առանց զլանալու Հոգոց մը՝ այնպիսի
հանգուցեալ մայրաքաղաքի մը և անոր բնիկ հան-
գուցելոց վրայ, որոց զլուխ և առաջնորդ կը համա-
րիմ զ'Գ. Աշոտ Ողորմած Թագաւորն, որ նախ սա-
րըսպեց զքաղաքն և Թագաւորանիստ ըրաւ. և ար-
ժանի էր մեծ յիշատակարանի մը. զոր թէ չեմք
գտներ Անոյ սլարըսպաց մէջ գուցէ գուրսը գտնեմք,

և թէ ոչ ճարտարպետական՝ այլ վեհագոյն ևս մե-
ծութեամբ՝ սլարղութեան: — Ամեն ատեն և ամեն
Հարստութեանց մէջ մեր Թագաւորք իրենց գերեզ-
մանաց սեփական քաղաքատեղին ալ ունեցեր են, և
չատ հեղ հեռու իրենց կենդանութեան բնակարա-
նէն: Ամենէն ծանօթ և անուանի գերեզմանաց
տեղն մեր Արշակունի Թագաւորաց՝ էր ուրիշ Անի
քաղքի կամ բերդի մը մէջ, Նփրատայ եղերաց և
երկու Հայոց (Մեծ և Փոքր) սահմանակցութեան
վրայ, մեծ հեռաւորութեամբ իրենց Այրարատեան

մայրաքաղաքներէն . ուր և հեթանոս և քրիստո-
 նեայ թագաւորք մեր՝ իբրև թագաւորաց մարմինք
 կը տարուէին , թէ և երկու կրօնքն զանոնք արտա-
 քին անջրպետով և նշաններով ալ գիտէր զատել .
 միայն չարանախանձ Սասանեանց ռխն էր՝ որ զսուրբ
 և զանսուրբ յիրար խառնելով պղծեց խռովեց ամե-
 նուն ալ հանգիստը . և այն խառնակոյտ ոսկրօտին՝
 քանի մը տիրասէր և ազգոգի անձինք ազատելով
 ի յետին գերութենէն՝ առին բերին , և Ախուրեան
 գետէն անցընելով ոչ շատ հեռի այս մեր Անիէն ,
 այլ և գրեթէ տեսանելի , Շիրակայ սահմանակից
 գաւառին մէջ անոր անկործանելի կոթողին՝ բար-
 ձրաբերձ Արագած լեռան կողը՝ Աղցից գիւղին մէջ
 հանգուցին . երկրորդ հանգիստ : — Զարմանալի իմն
 հանգիստութեամբ մեր Բաղրատունի թագաւորաց
 շատին հանգստարանքն ալ՝ անոնց դիմացն եղան ,
 քանի մը ժամ հեռաւորութեամբ : . . .

Արդ լուելեայն մը ելնելով Անոյ արևելեան դըռ-
 նէն , հին ատեն Գրչևայ դռան կոչուած և հիմայ Ե-
 րևանայ դռն , մեր խորակարկաջ Ախուրեանի ա-
 փերն ՚ի վեր կ'երթանք ընդ հիւսիս և արևելս , իբրև

ժամ մը , մինչև դարձեալ Անոյ դրից նման տեղ մը
 կը հասնինք . այսինքն , գետն այս տեղս ալ արևել-
 քէն դէպ հարաւ և յարևմուտս շրջելով նորէն կը
 դառնայ ի հարաւ կ'իջնէ յԱնի . և այս նոր թեւին
 կամ թերակղզւոյն մէջ կան յիշատակաց արժանի
 շէնք Հռոմոսի վանաց , որ հիմայ կ'ըսուի Խօշախանք ,
 ի Խօշուն անուանէ՝ որ նշանակէ ջուխտակ . վասն զի
 քիչ մը հեռուն (հիւս . արևմտ .) զոյգ մը նորածե հին
 աշտարակաց կան քիչ շատ աւեր : Ժ դարէն մնա-
 ցեալ և ալ հին և ալ նոր եկեղեցիք , վանք , շէնք ,
 գերեզմանք , և բազմաթիւ արձանագիրք կան այս
 տեղս , որ հիմայ ալ բնակուած է ի վանականաց ո-
 մանց , Կարսայ թեմ ըլլալով , և ատեն մը Անոյ վի-
 ճակին առաջնորդին նիստ : Թագաւորք Անոյ և իշ-
 խանք , նաև հեռաւորք , մեծամեծ նուէրքներով ճո-
 խացուցեր էին այս վանքը , և շատերն կ'ուղէին հոն
 գտնել երկրիս յետին հանգիստը :

Մեր նստատակէն դուրս է երկար ուշանալ այս ար-
 ժանաւոր տեղս , զի մեր Նշմարն (ԻԴ) քիչ մ'ալ կը
 հեռացընէ զմեզ անոր սլարիսպներէն . հաղիւ քա-
 ոորդ մը ժամու , դէպ ի հիւսիս և արևմուտք , ուր

ձորադաշտակ մը՝ Հոռոմոսի բարձր թերակղզոյն կը պաճ՝ կ'իջնէ կը տարածի՝ ինչուան Ախուրեանի ջրոցորք երբեմն առատացած՝ ձեան հալուածքով կ'ողողեն ալ զինքը, և քանի մը շէնքերու պատերը կը փայփայեն: Այն ծածան ծփան ալեաց եզերքը, կէս շէն կէս անշէն, կէս ընտանի և կէս վայրենի ձորափը՝ ոչ սակաւ աւեր և անաւեր մատրուներ և եկեղեցեակք և նման շէնքեր կ'երևին. որոց գլխաւորք երկուք են, մէկն Ս. Մինաս անուամբ, միւսն աւելի մեծ անոր արևելակողմը՝ իբրև 10 քայլ հեռու, Ս. Գեորգ անուամբ, ահաւասիկ մեր նշմարածն է (ԻԳ): Անշուշտ իր սրագմբէթ սուլուլիկ ձեն, և բարակամէջ հասակն՝ տեսողին աննշանակ բան մը պիտի չերևին, թէ և փոքրիկ շինուած մ'է վեցակողմն խարըսխաւ. որոյ դրսի տրամագիծն իսկ չորս մեզր է քիչ աւելի. մէջն վեց հաւասար թերաբոլորակ բաժնած. բաժանիչ պատերն ալ առանց սեան կ'ամբառնան գմբէթը. թերաբոլորից մէկն բացուած է ի դուռ, որոյ առջև փոքրիկ անդաստակ մ'ալ կայ՝ չորս որմասեանց և մէկ աղատ սեան մը վրայ՝ կամարակապ բաց: Բայց աւելի և շատ աւելի նշանա-

կան է յիշատակն շէնքիս՝ և նաև իր շուքին, որ կը տարածանի ի Հանգստարանս թագաւորաց: Քանի մ'արձանագիրք կան մէջն և դուրսը, ԺԱ. դարուն սկիզբը գրուած. արևմտեան ճակտին վրայ Սմբատ — Յովհաննէս թագաւորին յիշատակարանն է յամին Քրիստոսի 1036 գրուած. որով կտակէ կը թողու իր Սահառունիք գեղը՝ այս տեղւոյս, « ի մեր « Հանգստարանս թագաւորաց, ի տիեզերահոջակ վանսս Հոռոմոսի ». և կը պատուիրէ որ ամեն տարի չորս քառասունք պաշտօն կատարեն իր հօր Քաղկայ հոգւոյն. իսկ երբ ինքն ալ մեռնի՝ երկու քառասունքն իրեն համար ըլլայ, երկուքն ալ իր հօր: Նոյն ինքն Քաղիկ թագաւորս ալ իր յիշատակարանը գրած է այս իւրաշէն մատուան արևելեան կողմը, մաղթելով առ Ս. Գէորգ, սրտառուչ վսեմ և մաքուր ոճով. « Ո՛վ հոջակաւոր դու և մեծանունդ ի վկայս, Սուրբ Գէորգիոս, աւզնեա բարեխաւսու « թեամբ Քաղկա Շահայնշահի՝ շինողի զվկայարանս « զայս քոյով անուանակոչութեամբ, ի քոյդ յու « սակնեալ բարեխաւսութիւն, զի ընկալցի զողոր « մութիւն ի Քրիստոսէ Աստուծոյ՝ ընդ ամենայն ար-

« դարացեալսն ապաշաւանօք , հասանել լուսոյ փա-
 « ռաց Որդւոյն Աստուծոյ , ի վերջնում գիշերին ի
 « ծագել մեծի և աներեկ առաւօտին՝ այցելութիւն
 « գտանել առաջի ահաւոր բեմին և անաչառ դա-
 « տաւորին . Աղաչեմք » :

Չերկբայիր ընթերցողն որ այս Ս . Գէորգայ նուի-
 րեալ մատուան մէջ կամ մէկ կողմը , վերջապէս իր
 ձգած շուքին սահմանին մէջ ընտրեր և հանգչեր է
 բարի թագաւորն Գագիկ Բագրատունի . և հաւան-
 օրէն նոյն սահմանին մէջ կամ քիչ հեռու՝ իր նուի-
 րատու որդին Սմբատ-Յովհաննէս ալ , որպէս և ա-
 սոր եղբայրն Աշոտ , և հօրեղբայրն Սմբատ Բ . ա-
 մենքն ալ այս մօտերս թաղուած են , և թերևս ա-
 մեն մէկն ալ իր տաանձին հանգստանոցի մատուռն
 ունէր . և մէկունն էր յիշեալ Ս . Մինասն . միւսոյն՝
 փոքրիկ մատուռ մը՝ Ս . Գէորգայ արևելակողմը .
 ուրիշներու ալ՝ ասոնց հիւսիսակողմն եղած աւերակ
 մատրուներ , որոց մէկուն ձեն ալ այս Ս . Գէորգի
 նման է հինգ բոլորակով :

Նոյն շուքին և նոյն սլատին ներքև կը հանգչի
 նաև այս թագաւորաց հայրն և նախահայրն և ցե-

ղին ամենէն բարեպաշտ թագաւորն , Աշոտ Ողոր-
 մած , հիմնարկողն ներքին պարըսպաց Անոյ . և ա-
 սոր Հանգստարանն միայն յայտնի մնայ . թեր-
 ևս վարձք իր բարեպաշտութեանը . և միայն յայտ-
 նի գերեզման թագաւորի , մեծավայելուչ վսեմու-
 թեամբ , և ամենամեծ զարդով , որ է անարուեստ
 պարզութիւնն : Նրկու քայլ հեռի եկեղեցւոյս ա-
 րևելեան հարաւային անկիւնէն , գետնին վրայ ե-
 րեք կարգ կամ աստիճան քարեր քառակուսի ձևով
 վրանին կը կրեն տապանը՝ սնտուկի ձևով , որոյ ա-
 մեն զարդարանքն՝ սլարզութենէն զատ՝ հնութիւնն
 է , և ժամանակի մատամբ փորուածքն . իսկ արձա-
 նագիր՝ միայն ԱՇՈՏ ԹԱԳԱՒՈՐ : . . .

Թէ աւանդութիւն և թէ հիմայ աւրուած թուա-
 կան մը ՆԻՁ (977 թիւ Փրկչին) կը վկայեն՝ որ հոս
 Ողորմած Աշոտ թագաւորն է , և անոր քովի փոքր
 տապանին մէջ ալ իր արժանաւոր և միասիրտ կիներ
 Խոսրովանոյշ Ղլխոյն է . որք դադրած են ինն անգամ
 դարական անխռով քնով , երկնից գիշեր ցորեկ ան-
 վարագոյր կամարին տակ . անարգել ընդունելով
 արեգական և լուսնի ջերմիկ և ցրտիկ ճառագայթ-

ները, տարերաց տարափները, ճիւնն և անձրևը,
ցօղն ու ծաղիկը. և իրենց որդւոյն՝ Գազկայ պէս՝
մաղթեն, « ի վերջնում գիշերին ի ծագել մեծի և
« աներեկ առաւօտին՝ այցելութիւն գտանել », մար-
մնով ալ հալորդելու իրենց պայծառացեալ հոգ-
ւոյն լուսոյ փառաց: Մենք ալ մաղթեմք որ այս յու-
սով և այս դիրքով մնան այս հանգստեան տապանքս

իրենց մերձաւորօք, մինչև ի ծագել այն աներեկ ա-
ռաւօտին. որ վերջին գիշերին քօղը՝ ճգելով մեր Մնոյ
և ամեն քաղաքանոյ վրայ ալ՝ պիտի բանայ յաւի-
տենական մայրաքաղաքը. ուր յուսանք գտնել ընդ
Սշոտոյ և Խոսրովանուշայ՝ իրենց արքայագահ ըրած
և յետոյ տրտմարախիժ եղած քաղաքին կորուսեալ
ժողովուրդն ալ:



ՆՇՄԱՐՔ ՀԱՅԿԱԿԱՆՔ

Հ. ՂԵԻՈՆԴԻ Վ. Մ. ԱՄԻՇԱՆԵԱՆ

—
Գ. ՊՐԱԿ.
—

ՀԱՅԿԱՍՏԱՆԻ ԳՆԱԿԱԿԱՆՈՒԹՅԱՆ ԳՆԱԿԱԿԱՆՈՒԹՅԱՆ ԳՆԱԿԱԿԱՆՈՒԹՅԱՆ

ԳՆԱԿԱԿԱՆՈՒԹՅԱՆ ԳՆԱԿԱԿԱՆՈՒԹՅԱՆ ԳՆԱԿԱԿԱՆՈՒԹՅԱՆ

ԳՆԱԿԱԿԱՆՈՒԹՅԱՆ ԳՆԱԿԱԿԱՆՈՒԹՅԱՆ ԳՆԱԿԱԿԱՆՈՒԹՅԱՆ

ՎԵՆԵՏԻԿ
Ի ՏՊԱՐԱՆԻ ՍՐԲՈՅՆ ՂԱԶԱՐՈՒ





ՆՇՄԱՐՔ ՀԱՅԿԱԿԱՆՔ

Գ. ՊՐԱԿ.

Կարնոյ բարձրաւանդակին հիւսիսակողմը պարբա-
պող լերինք՝ միջի կողմէն մեծին Նփրատայ հիւսի-
սագոյն աղբիւրները կը բղխեն, իսկ դրսի կողմէն՝
անոր եղեմական ընկերակից (Ճորոխ) Գեհոն գե-
տոյն օժանդակներ. որոց գլխաւորն է անմիջապէս
Նփրատայ ականց կոնակէն բղխածն, Թորթումայ
գետն, յանուն գեօղաւանի մը, որով կոչուի բոլոր
վիճակ կամ դաւառակ մը. որ մեր նախնեաց ատեն
մասն էր Տայոց աշխարհին և կ'ըսուէր Աբաղ: Թոր-
թում անունն յիշուած չէ 'ի նախնեաց, այլ հարկ է
որ 'ի հնուց ալ դաւառին գլխաւոր տեղն կամ տե-
ղերէն մէկն եղած ըլլայ, որպէս զի կարենար հիմայ
իր անուամբ նշանակել վիճակ մը, և գեղեցիկ վի-

ճակ մը: Վասն զի թէպէտ այս վիճակիս հարաւային
կողմն կարնոյ բարձրաւանդակին կցուած բաւական
բարձր և ցուրտ է, այլ շուտ շուտ կը ցածնայ 10 ժա-
մու ընթացքով, մինչև գետոյն խառնուրդն 'ի Ճո-
րոխ, ուր որ գրեթէ կը լմըննայ վիճակին հիւսիսային
սահմանն. և կը ձեւանայ խորանիստ հովիտ մը, շատ
վտակներով ոռոգուած, և գեղեցիկ լճով մը զուար-
ճացած, որուն միջէն կ'անցնի գետն՝ 'ի Ճորոխ թա-
փուելու համար. և ոչ միայն ջուրն ջրին մէջ ճամ-
բայ կ'ընէ, այլ և յանկարծ թողլով զջուր և զցա-
մաք՝ Ճորոխայ գիրկը շրնկած, սրահ մ'ալ օդուն մէջ
կը ցատքէ բոլոր ուժով, և ձիւնափայլ փրփրախառն
զանգուածովը. այսինքն մեծ և հիանալի ջրվէժ մը

կը գործէ, զոր ոմանք յԱւրոպացի աշխարհատես
անձանց՝ երկրիս ամենէն գեղեցիկ ջրվէժից առաջին
դասը կը գնեն: Թորթումայ լեռներն լերկ են, այլ
ջուրերն ժիր և պայծառ. անոնց պէս սլատուական և
աւելի յարգի երկիրն, որ իր ցածութեամբ բաւական
ալ տաք ըլլալով՝ կը հասցընէ լաւ պտուղներ, մինչև
խաղող ալ, և իր մեծ գրացւոյն Աարնոյ անու-
շակ պաշար կը պատրաստէ:

Այսպիսի բարեգիր վիճակ մը՝ հարկաւ անտես
չէր ըլլար երկրին հին բնակչաց և բնիկ տերանց.
որք ստուգիւ ըսելով չէին Հայք, այլ Տայք, առան-
ձին ժողովուրդ մը, հին ծագմամբ, որք և Քրիստոսէ
4-500 տարի առաջ ալ յիշուին իբրև ազգ առանձին.
սակայն քանի մը հարիւր տարի վերջը՝ Հայոց Արշա-
կունեաց իշխանութեան տակ ընկան. ասոնցմէ ալ
վերջը՝ Արաց իշխանութեան. մնացեալ հին շինուա-
ծոց, որք են բերդք և եկեղեցիք, արձանագրու-
թիւնքն՝ մեծագոյն մասամբ վրացերէն են, գտնուին
նաև յունարէն, քիչ մ'ալ հայերէն, ըստ մեր ծա-
նօթութեան: Երկրին բնական վայելուչ դրից և հան-
գամանաց համեմատ արժան էր որ վայելուչ շէնքեր

ալ ըլլային հոն. և յիրաւի որչափ անկատար ալ
քննուած ըլլայ այս վիճակս, յայտնուած են գեղե-
ցիկ և մեծագործ շինուածքներ:


Այս շինուածներէս երեք հատն մեծապէս հռչա-
կուած են Թորթումայ երկրին և սահմանաց մէջ, և
գրեթէ աշխարհաքարոզ առակի կարգ անցած. եր-
կուքն Թորթումայ գետոյն ձախ (արևմտեան) կող-
մը, որ են Էօջքայ վանքն՝ մօտ ի լիճն, Խախտւայ վանքն
կամ եկեղեցին՝ Էօջքայ հարաւակողմը. երրորդն՝ Խշ-
խան, քիչ մ'աւելի հեռու, և Թորթումայ գետահով-
տէն դուրս, բայց գրեթէ սահմանակից, արևելեան
կողմը, ուրիշ գետակի մը եղերք, և մօտ ի խառ-
նուրդ նորա ի ճորոխ: Երեքն ալ մէկմէկ մեծ և հին
քարաշէն քանդակազարդ եկեղեցիներ ունին, գրե-
թէ մէկ ժամանակ շինուած (իբրև ի Ժ. դարու) և իւ-
րարու ալ բաւական նման. մինչև այլազգեաց կար-
ծիքն եղած է, թէ Պարսից Խոսրով Նուշուէվան թա-
գաւորին երեք դասերքն շինած ըլլան, իւրաքան-
չիւր մէկ մը. այս արտառոց կարծեաց պատճառն
այս կրնայ ըլլալ, որ Խոսրով խլամէն առաջ էր,
կըրնար քրիստոնեայ ըլլալ, ինչպէս էր իր կիներն Նի-

րին, և քրիստոնէից մէջ ալ այս կարծիքս եղած է
իր վրայ, ըստ որում և պատմիչք մեր յիշեն, սկսեալ
ի Սեբիոսէ, որ իբրև դար մը վերջը կը գրէր իր պատ-
մութիւնը: Աւ դարձեալ խոսրով մեծագործ, շինա-
րար և խաղաղասէր թագաւոր մ'էր, յետագայք իր
շինածներէն աւելին ալ իրեն կ'ընծայեն: Իսկ այս
իրեն երեք դատերաց դաստակերտ կարծեցեալ եկե-
ղեցեաց գեղեցկութիւնն ալ իրարու բաղդատելով՝

մէկ մէկ մասամբ իրարմէ առաւելեալ կը գտնեն,
գուցէ թէ անոնց քողաւոր հեղանիկներն ալ նշմա-
րելով շէնքերուն վրայ. և մէկուն նայուածքը մէկա-
լին նստուածքը, միւսոյն նաշխուածքը եւել եւելօք
զարմանալի կ'ըսեն. « Էօշքիւն պարրչը, խախտանըն
ևարչը, իշխանըն ևագրչը »: — Ահա այս երեք քոյր
շինուածոց երկերկու նշմարներ կ'ընծայեն յետագայ
թիւերս 25—50, ճշգրիտ լուսագրութեամբ:







26. ԷՕՇԲ. ՊԱՏՈՒԻՆ. ԱՐԵՒՄՏ.

ԷՕՇՔ.

Թորթումայ լճին գլխոյն մօտ, որ է հարաւային կողմն, դէպ ի յարեւմուտս փոքրիկ վտակի մը եզերք կայ Էօշք անուամբ գեղ մը, և կէս ժամ հեռուն ալ ամայացեալ վանք մը նոյն անուամբ, բարձր լերանց ստորոտը, սարատափ բլրի մը վրայ, զուարճալի բուսաբերութեան և դրից մէջ, որ աներկբայ կը ճըշմարտեն առակեալ Նայուածքն Էօշքայ. որ երբեմն իր բարձրագիւր բլրէն չորս կողմի ցած և պզտի շինուածքներուն կը նայէր, բայց հիմա ինքն իր վրայ կրնայ նայիլ. որովհետև իրեն յարակից շինուածքներն կործանած են, վանքն աւրուեր է. և միայն

հոյակապ եկեղեցին մնացեր է մենացեալ. և ահագին մեծութեամբն աւելի խոր տպաւորութիւն մը կ'ընէ աչաց, մանաւանդ քրիստոնէից: Բոլոր գեղնագոյն փայլուն քարերով շինուած է այս եկեղեցիս, խաչաձև, 54 չափ (մեզր) երկայն, 22 չափ լայն թևէ թև, տաճարն 15 չափ, վարի կողմն 11. չորս մեծամեծ բոլորաձև սիւնք յատակէն բարձրացեալ կը վերցընեն շրջաբոլոր գմբէթը, որ Հայոց և Վրաց եկեղեցեաց ոճով վարի դին լայն կլոր է, վերը երթալով կը սրանայ և կոնաձև կը լմըննայ. բայց ոչ այնպէս տգեղ արտաքին տեսլեամբ՝ ինչպէս կ'ե-

րևի հիմա . վասն զի հնութեամբ փլեր է , և այլազ-
գիք իրենց մզկիթ դարձրնելով շէնքը՝ այսպէս ան-
շնորհք ծածկոյթ մը տուեր են այն շնորհալի գլխոյն :
Գմբէթին շուրջը ներսէն նեղ սրահակի պէս պտըտե-
լու տեղ կայ : Սեանց հաւասար բարձր կամարներ
կը բռնեն եկեղեցւոյն բոլոր ձեղունը : Ախաբողորակ
խորանն սովորական գիրքով կայ արևելակողմը ,
երկու կողմէն ալ նեղ և կրկնայարկ աւանդատունք ,
ինչպէս Սնոյ և ուրիշ Հայոց եկեղեցեաց մէջ գը-
տուին . թևերուն քովերն ալ երկ երկու աւելի պըզ-
տիկ սենեակներ կան . դարձեալ եկեղեցւոյն վարի
կողմն ալ երկու դին աւելի մեծ սենեակներ : Երեք
կողմէն ալ դռներ ունի , մեծ դուռն է հարկաւ ա-
րևմտեանն , որոյ առջև գաւիթ մ'ալ կայ քառակու-
սի նեղ , հանդերձ դրամբ , բուն եկեղեցւոյն մեծ
դրան գլխաց . բայց գաւթիս կամարներն հիմայ ըն-
կած են : Գրսէն հարաւային կողմին վրայ կիսաքան-
դակ քարէ սլատկերներ կան լայնազգեստ մարդ-
կանց , որ եկեղեցւոյն շինողքն են , վասն զի անոր
դաղափարն ալ ձեռուրնին է . ուրիշ կողմի քան-
դակներէն և զարդերէն զատ խորանին եզերքը նը-

կարէն սլատկերք ալ կան : Իսկ արձանագրութիւնքն
մեծաւ մասամբ վրացերէն են , և եկեղեցւոյն դրսի
դին կարմիր ներկով դրուած և ոչ փորուած . այլ
դեռ շատն անեղծ մնացեր են . ասոնցմէ կ'իմացուի
որ շինողքն են եղեր Ատրներսեհ կիւրապաղատ ,
Բազարատ իշխանաց իշխան և Դաւիթ Մագիստրոս ,
ամենքն ալ Ժ դարուն առաջին կիսուն . յայտնի է ու-
րեմն որ Էօջբայ գեղեցկահայեաց եկեղեցին մօտ
հազար տարուան հնութիւն ունի :

Եկեղեցիէն իբրև քարընկէց մը հեռու քարաշէն
սենեակ կամ սրահ մը կայ ութ սեանց վրայ բարձ-
րացեալ , թէ և ձեղունն ընկած է . 20 չափ երկայն ,
16 լայն . որու համար կ'ըսեն թէ վանքին խոհանոցն
եղած ըլլայ . քովն ալ ուրիշ փոքր սենեակ մը կայ ,
զայս ալ մառան կարծեն , վասն զի մանր փոսեր ալ
կան մէջը , իբրև կարասներուն տեղուանք :

Նշմարացս 25 թիւն է Էօջբայ եկեղեցւոյն հիւսի-
սային կողմն . իսկ 26դ նշմարն է սլատուհան մը ա-
րևմտակողմը , նորաձև դրուագօք դուգակ սեանց .
որոց վրան սլատուհանին ճակատն իբրև սլատուան-
դանի վրայ կանգնած բարձրաքանդակ սլատկեր մը

Խ Ա. Խ Ո Ի .

Ինչպէս առաջ յիշեցինք Խախու Կօջքի հարաւա-
յին արեւմտեան կողմն է, պղտի առուակի մը եզերք,
գեղեցիկ տեղ մը և գեղեցիկ դիրքով, որով կը ճըշ-
մարտէ այլազգեաց իրեն տուած կոչումը, գեղեցկա-
յիւր: Գեղն, զոր Վրացիք Խախու կոչեն իրենց գը-
րուածոց մէջ, ատենօք գլխաւոր շէնք մ'է եղեր և ե-
պիսկոպոս ալ ունեցեր է, որ մեր ազգային յիշատա-
կաց մէջ ալ տեղ մը կը յիշուին: Կօջքայ շատ նման
այլ անկէ պղտիկ հին եկեղեցի մ'ունի, զոր Վրաց
Կաւիթ թագաւոր մը շինած է թ. դարուն մէջ. իր հա-
ղարամեայ հնութեանն վկայ է և կարճ հայերէն ար-
ձանագիր կամ թուական մը եկեղեցւոյն մէկ սեանը

վրայ. « Ս. Գ. (րիգոր). ՅԺԷ », որ է թիւն Քրիստոսի
868: Յաժ պարըսպով պատած է եկեղեցին և քովի
կիսաւեր վանքն, որք հին ատեն կոչէին յանուն Ս.
Աստուածածնի, իր մէկ հրաշագործ պատկերին
պատճառաւ, որ շատ ատեն հոս պատուելով ի թա-
գաւորաց Վրաց, (և մանաւանդ իրենց դերազանցեալ
Թամար թագուհիէն, որ և տաղաչափութեամբ գո-
վեստ դրած է այս պատկերիս վրայօք), յետոյ վրաց
հռչակաւոր Գելաթի վանքը փոխադրուած է և հոն
պահուի: Եկեղեցին՝ Կօջքայ նման է ձևով, չորս բո-
լորակ սիւներովն, գմբեթեալն և կամարօք. բայց ա-
նոր չափ պահարաններ և դուռներ չունի. այլ հա-

րաւային կողմը գաւիթ մ'ունի սիւնաղարդ . մեծ գրան վրայ ալ քանդակներ մարդկան և զարդուց , և վրացի գունաւոր արձանադիրներ , որք շատ մաշած և աւրուած են :

Եկեղեցւոյն մօտ տասնի չափ մանր մատուռներ կամ սենեակներ կան տափակ ծածքով . քիչ հեռու քանի մ'ուրիշ մանր եկեղեցիներ , զոր հիմայ այլազգիք անասնոց գոմ ըրած են , մեծ եկեղեցին ալ մզկիթ :


Մեր 27դ նշմարն կու ցուցընէ գեղեցկադիր խախուայ եկեղեցւոյն ճակատը և մէկ կողմը . դմբէթին վրայ նայողն կը նշմարէ նաև այլազգեաց ըրած նորոգութիւնները : Իսկ 28դը կը ներկայացընէ պատուհան մը՝ հիւսիսային կողմը , որ և նման էօջբայն (Նշմ. 26) երկու բաժնուած է կամարակապ , եղերքն երկերկու , մէջ տեղն մէկ սիւն . որոց քանդակներն տարբեր ձևով և աւելի խոշոր են . իսկ պատուհանին ճակատը՝ երկուց կամարաց միջոց , փոխանակ բաղմախաչեան վեղարաւորին՝ կը տեսնենք վիթխարի արծուի մը լայնամազիլ ճիրանաբաց , այժեամ մը ճանկած : Այս ձևս նշանական և խորհրդաւոր բան

մը պէտք է ըլլայ , և ոչ ըստ քմաց կամ պատահական զարդ մը . վասն զի էօջբայ եկեղեցւոյն վրայ ալ և նոյնպէս հիւսիսակողման պատուհանի մը վրայ նոյն քանդակը կայ , նոյն թեւաւոր արծուին , բայց երկու ուրիշ թեւաւորաց տակ , որք են հրեշտակք զգեստաւորք . իսկ արծուոյն ճանկած կենդանին՝ հոն աւելի զուարակ մը կ'երևի քան այժեմ կամ ոչխար : Այս ձևով քանդակք Հայոց քանի մը եկեղեցեաց մէջ ալ կ'երևին . ինչպէս Քեղարդայ կամ Սյրի վանից քարափոր եկեղեցեաց մէկուն մէջ , համանման արծուի մը ոչխար մը ճանկած , երկու քովն ալ մէկ մէկ առիւծ վղերնէն կապած , վրան ալ եղջերուի գլուխ մը , որուն բերնէն կախուին վարի կենդանեաց կապերն : Երևի ուրեմն որ Հայոց և Արաց մէջ հասարակ էր այս ձևս , և նշան զօրութեան և քաջութեան , կամ նուաճելոյ զթշնամիս՝ այնպիսի յաջողութեամբ և ուժով , ինչպէս արծուի մը , կամ անկէ մեծ անգեղ տեսակ մը , (լաչհաւ ըսուած է Հայս) կը յափշտակէ ուլ մը կամ գառնուկ մը :

կայ եկեղեցականի վեղարով և փիլոնով, բազկա-
տարած կեցած, երկայն մօրուօք, որուն ներքե
կուրծքին վրայ տակէ տակ երկու կամ երեք քառա-
կուսի խաչեր կախուած են, գուցէ նափորտն կամ
եմփորոնն նշանակելով. իսկ վեղարին վրայ ալ ե-
րեք խաչ, երկուքն քովէ քով, մէկ մ'ալ անոնց վը-
րայ, այս խաչերուն բազմութենէն կըրնայ գուշա-

կուիլ թէ ներկայացող անձն արքեպիսկոպոս կամ
կաթողիկոս ըլլայ:


Նախնիք մեր յիշեն ի Տայս Աշուեր անուամբ աւան
մը, ուր եպիսկոպոս ալ նստէր, և տեղւոյն դրից
վրայ ուրիշ յիշատակ մը չունիմք. կըրնամք կարծել
թէ սոյն այս հիմակուան Կօչքն ըլլայ:







27. ԽԱԽՈՒ.



28. ԽԱԽՈՒԻ. ՊԱՏՈՒԻ Հ. ՀԻՒՍԻՍ.







29. Ի Շ Խ Ա Ն .

Ի Շ Խ Ա Ն Ա Յ Գ Ի Ի Ղ .

Թորթումայ արևելակողմը Թավուսկեար վիճակն է, որ ըստ Արաց լեզուի Թարգմանի հայերէն Տայոց-Դուռն. կը յիշուի և ի նախնեաց մերոց այս անունս, բայց ոչ իբրև գաւառի անուն. կըրնայինք ըսել թէ Տայոց աշխարհին կեդրոնն ըլլայ, և բուն Տայք կոչուելու արժանի. թէ և այսպէս յատկաբար կոչուած գաւառ չկայ ի Տայս, այլ թուի թէ Աջորդափոր գաւառին մասն ըլլայ Թավուսկեար: Հիմակուան վիճակիս արևմտեան կողմը և մօտ ի խառնուրդ իր գետակին ընդ Ճորոխայ՝ կայ Խշխան գիւղն,


քանի մը մահմետական տուներով. բայց հին ատեն մեծ շէնք էր, Խշխանաց գիւղ անուանեալ, չեմ գիտեր որ Խշխանաց բնակութեամբ կամ ծագմամբ. յայտ է որ շատ հնուց այս աղնուական բնակիչներն ունեցեր է՝ որ այս անունս ալ առնու. իսկ իր աղնուականութեանն վկայ կեցած է մեծագործ նկարազարդ եկեղեցին, գուցէ հոյակապ քան զայլս և երից հարազատ քերց մէջ սղճնագոյնն: Ընդհանուր ձևով նման է Խօջբայն, նոյնպէս գեղին տաշած քարերով շինուած, նման չորս բարձր սիւներով և կամարնե-

րով . իսկ խորանն աւելի գեղեցիկ ձևով շինուած է սեանց կիսաբոլոր շարուածքի վրայ կանգնած , որուն վերև ալ պատին վրայ նկարեալ պատկերներ կան , և ասոնց համար հռչակուած է տեղին , Իշխանայ նաշխոռածք . սակայն կէս մի հնութիւնն և կէս իսլամական գայթակղութիւնն՝ աւրըշտրկեր են նկարները , և ծխով սևացուցեր , որպէս զի իրենց պաշտամունքը անշիոթ կատարեն . այլ դեռ մէկ մասն ալ անեղծ մնալով՝ կըրնայ հետաքնին արուեստագիտի մը գիտելի և բաղդատելի ըլլալ : Այսպէս կէս աւրուած են վրացի նկարէն արձանագրութիւնք ալ , որոցմէ մէկն եկեղեցւոյն հիւսիսային կողմը ներսէն գրուած է , բոլոր պատին երկայնութեամբ եօթն տող , և ասկէ և ուրիշներէն գուշակուի որ այս եկեղեցիս ալ առջիններուն պէս հին է : Վրացի թուական մը կայ 1006 տարւոյ , և այն ալ բուն առջի շինութեանը չէ . Հայ թուական մ'ալ կայ Ն (951) . բայց տողին վերջն ըլլալով՝ կըրնայ կարծուիլ որ տասնորդական թիւն ընկած ըլլայ , որ և վրացերէն թուականին համեմատութեամբ պիտի ըլլար ՆՅԵ (1006) : Այս եկեղեցիս ալ Ս . Աստուածածնայ նուիրած էր :

Չորս կողմի շէնքերն , որ պիտի ըլլան վանքն , կործանած են , միայն պատերն կան . հարաւային դրան դիմացն ալ կայ մատուռ մը , զոր հիմայ դարբնի խանութ ըրեր են , ասոր դրան վրայ է վերոյիշեալ հայերէն թուականն : Մեծ եկեղեցւոյն մէջ ալ կայ ուրիշ հայերէն թուական մը ի ՈՂ (1241) :

Մեր 29դ նշմարն կը ներկայացընէ Իշխանայ նաշխուն եկեղեցին , իբրև ընկղմած կամ պաշարուած անխնամ բնութեան բուսաբերութեան մէջ . իսկ 30դ նշմարն է եկեղեցւոյն հիւսիսային կողմն և գմբէթին մէկ մասն ¹ :

(1) Այս երեք զուգակից շինուածոց , Էօջբայ , Խախուայ և Իշխանայ առաջին քննող և ստորագրողն եղաւ Սարգիսեան Հ . Ներսէս Վարդապետն Մխիթարեան , իբր 28 տարի առաջ . որ և բոլոր վրացերէն արձանագրութիւնները գաղափարեց , և հրատարակեցաւ իր Տեղագրութեան մէջ (տպագրեալ յամի 1864 , ի Ս . Ղազար) , ուր կըրնան գտնել վաճառողք՝ հանդերձ հայերէն թարգմանութեամբ : Նոյն տարին Պետրսուրկի Ճեմարանի ընկեր Պ . Պրոսէ , զասոնք փռանկերէն թարգմանելով առանձին տպագրեց հանդերձ տեղեկութեամբ , և Հ . Ներսէսի օրինակած ձևով արձանա-



30. ԻՇԽԱՆ. ՊԱՏՈՒՀ. ՀԻՒՍԻՍ.




Այս իշխանաց գեղն հայրենիք է Հայոց Գ. Ներսէս կաթողիկոսի ի կէս է դարու, որ Շինող կոչեցաւ, մեծ և հոյակապ եկեղեցիներ շինելուն պատ-

ճառաւ. գուցէ իր մանկութեան ատեն իր իշխանաց գեղին մէջ ալ հիմակուան եկեղեցւոյն տեղ կամ անոր քով հոյակապ տաճարներ տեսած էր:

գրութիւններն ալ վիմագրելով, այսու վերնագրով. Incriptions Géorgiennes et autres, recueillies par le P. Nersès

Sargisian, et expliquées par M. Brosset, Membre de l'Académie de St. Pétersbourg. 1864.



... par le ...
... de ...
... de ...

... par M. ...
L'Assemblée de St. ...

... de ...
... de ...
... de ...

... par M. ...
L'Assemblée de St. ...







31. ԿԱՐՍ. ԱՐԵՒՄՏԱԿՈՂՄՆ.

Կ Ա Ր Ս .

Որոնք որ Ռուսաց և Օսմանեանց վերջի պատե-
րազմները կը յիշեն (1854-55), չեն կըրնար մոռնալ
երկու քաղաք, որք երկար պաշարմամբ, պատե-
րազմներով և կոտորածներով՝ այն երկամեայ դժըն-
դակ դիպուածոց գլխաւոր թատերքն եղան: Սեւաս-
տոբոլ և Աարս. մէկն ծովու կողմանէ, միւսն ցա-
մաքի. եթէ Սեաստոբոլ այն պարագային մէջ առա-
ջին տեղը բռնեց, Աարս ալ մնացեալ տեղեաց մէջ
առաջինն եղաւ. շնորհօք իր դրից և ամրութեանն,
և Ուիլիէմս անգղիացի զօրավարին (և յետոյ փա-
շային) ճարտար պաշտպանութեանը: Աարսայ ամ-
րութիւնն հռչակեալ է յարևելս, և Օսմանեանց ամ-
րագոյն բերդն է Հայաստանի մէջ: Հին շինութեան
ժամանակն և հեղինակն յայտնի չէ, թուի թէ Աարք

անուն ցեղի մը գլխաւորէ շինուած է, թէ և Վիրք
Կարիս-քաղաքի անուանելով՝ Գրան-քաղաք կը թարգ-
մանեն: Ով ալ ըլլայ շինողն՝ շատ փորձ և բաղդա-
ւոր աչք ունի եղեր. վասն զի աղէկ կըռած և ընտ-
րած է տեղը, ի բնէ իսկ ամուր, Մեծագետոյն ար-
մըկան մէջ՝ երեք կողմէն պատուած, իբր 5600 բարձր
ծովու երեսէն. գետոյն եզերքն ալ յատակէն շատ
բարձր և զառ ի վայր ըլլալով՝ չեն թողուր մօտենալ
քաղքին. իսկ չորրորդ (արևելեան) կողմէն պարիսպ-
ներով և մարտկոցներով ամրացած է, նոյնպէս մօ-
տի բլուրներն ալ բերդիկներով ամրացեալ են: Եր-
կայնաձև քառակուսի է բերդաքաղաքն, իբրև հա-
զար չափ երկայն, կիսով չափ լայն. երկու պա-
րիսպ ունի 5-6 ոտք թանձրութեամբ, հրաբղխայ

քարերով շինուած , քառակուսի աշտարակներով սլատսպարած , որոց 17 հատն են հարաւակողմէն , 9 հատ արեւմուտքէն , իւրաքանչիւրն ալ տասն չափ լայնութեամբ . անկիւններուն և դրանց քով կանգնած են մեծագոյն աշտարակներ , որոց վրայ կ'երևին մեր նախնի իշխողաց արձանագրութիւնքն և խաչարձանք . բայց ժԲ դարէ հին արձանագիր չերևիր : Քաղքին արեւմտեան հիւսիսային անկիւնը բռնած է միջնաբերդն , բարձր և անկոխելի քարաժայռի վրայ , որ առանց հրանօթի ումբածդութեան անառիկ է . մանաւանդ որ չորս կողմն ալ ուրիշ անկոխելի ժայռեր և գետոյն անդունդներն կան . որոց վրայ երեք ամուր քարաշէն կամուրջք ձգուած են , և մէկն հին է . քաղքէն հեռուն ալ ուրիշ կամուրջներ կան , մէկն ալ շինեց վերջի (1854-5) պատերազմին ատեն անգղիացի զօրավար մը (Lake) : Բերդին հարաւային և արևելեան կողմը լայն խրամ մը կը պատի . մէկ կողմն ալ բոլորակ աշտարակի նման շինուած մը կայ , որ գերեզմանի տեղ կարծուի : Երեք կողմէ քաղաքն արուարձաններ ունի . Օրրա-գափոռ՝ ի հարաւոյ , Պէյրան-յիաշա՝ արևելքէն , Սոռ-գափոռ՝ ա-

րեւմուտքէն , գետոյն անդիի կողմը . այս ետքինս է Հայոց թաղ :

Վերջի պատերազմէն շատ վնասուեցան կարսայ շէնքերն , որոց գլխաւորք սեպուէին՝ միջնաբերդին մէջ մզկիթն , զինուորանոցն , վառօդարանն , ծածկուած ճլամպուլայն (Չրամբար) 500 քարակտուր սանդղոց աստիճաններով մինչև ի գետն , և բերդապահին բնակարանն : Ռուսաց առաջին անգամ առնելէն առաջ 17 թաղ կը բաժնուէր կարս , ամենն ալ մէկմէկ մզկիթ ունէին , 850 տուն կար , 126 խանութ , 2 բաղնիք , 1 եկեղեցի Հայոց , 1 կարաւանատուն . հարաւային և արևելեան արուարձանաց մէջ ալ 11 թաղ կար թուրքաց և թաթարաց , իրենց մզկիթներով , 1 եկեղեցի , 4 կարաւանատուն , 450 խանութ , 800 տուն . իսկ Հայոց թաղն ունէր 600 տուն , 2 բաղնիք , շատ գործարաններ , ներկարաններ , աղօրիք , ջուլհակնոց , և այլն : Տուներն ընդհանրապէս հողաշէն են , քառակուսի , և կրկնայարկ :

Սմենէն նշանաւոր շէնքն է գլխաւոր մզկիթն , որ էր Հայոց մայր եկեղեցին , հիմնած յամին 950 , Ս. Ս.բաս թագաւորէն , և աւարտած 942ին . որուն ձևն



32. ԿԱՐՍ. ՀԱՐԱԻԱԿՈՂՄՆ.



ալ նիւթն ալ արդէն շինութեան ժամանակակիցք շատ գոված են, ինչպէս կ'ըսէ մէկն¹. «Վիմարդեան արձանօք, որձաքար պողովատաշ վիմօք, բոլորապէս գմբեթաւորեալ, պայծառ զարդուք, երկնանման խորան» : Յիրաւի վայելուչ և անսովոր ձև մ'ունի, դրրսէն ութանկիւնի բոլորակ, ներսէն քառաթև. գմբէթն բարձր և սրածայր՝ ութ կողմերէն կը վերանայ առանց սեան, 12 երես բաժնուած, որոց վրայ ներսէն 12 առաքելոց պատկերքն նկարած են, անոր համար Առաքելոց եկեղեցի ալ կոչուած է : Այս եկեղեցւոյս համար է որ Ափխազաց թագաւորն Բերկամ Թեւդաս (Թէոդոս) նախատանօք, դեսպան խաւրեց առ Աբաս՝ որ նաւակատիքը չընէ, ինչուան որ ինքն գայ իրեն ծիսովը օրհնել տայ. սա ալ յարձրկելով Բերայ զօրաց վրայ՝ որ կուր գետոյն եզերքը բանակեր էին, վանեց վռնտեց, և թագաւորը բռնելով բերաւ՝ ցուցընել տուաւ իր շինած եկեղեցւոյն վայելչութիւնը, և աւ տես, ըսելով, վասն զի մէկ մ'ալ պիտի չտեսնես. և աչքերը խաւարցընել

¹ Ասողիկ :

լով՝ գլխուն զինը առաւ ու արձրկեց : Այս եկեղեցիէս զատ երկու երեք հատ ալ յայտնի հին եկեղեցիներ կան ՚ի մզկիթ փոխուած. քանի մ'ալ ուրիշ հին շէնքեր բոլորովին աւրըւելու մօտ. մզկիթի մը մէջ ալ նահատակի գերեզման մը կը ցուցընեն : Իսկ հիմակուան Հայոց եկեղեցին արուարձանին մէջ է բարձր տեղ մը :

Դար մը Բագրատունի թագաւորաց աթոռ եղող քաղաքն՝ պէտք էր որ Անոյ պէս շատ ձեռակերտ յիշատակարաններ ունենար. բայց իր վիճակն աւելի պատերազմական եղաւ. կըրնայ ըսուիլ թէ իբրև սպառազինեալ ծնաւ կարս, և այնպէս մնաց հազար տարի ու կը մնայ մինչև այսօր, շատ պատերազմներէ անցնելով : Նախ Ա. Աշոտոյ եղբայրն Աբաս՝ Թդարուն վերջերը՝ ամրացուց զկարս և ինքնագլուխ թագաւոր նստաւ. իր եղբօրորդին նահատակն Սըմբատ Ա, հոս ապահովեց իր արքունիքը և տիկնայքը, Ափշնի արշաւանաց ատեն. բայց երբ սա պաշարմամբ նեղեց բերդը, բերդապահն անձնատուր եղաւ, Ափշին յափշտակեց զանձերը, տիկնայքը վաճառեց Սմբատայ. ասոր որդին Սըբաս Ա, նորէն ամ

բացուց և թագաւորեց ի Կարս, նոյնպէս իր որդին
ալ Մուշեղ հոս թագաւորեց, մինչ անոր երէց եղ-
բայրն Աշոտ Ողորմած՝ Բագրատունեաց բուն աթոռ
դրաւ յԱնի. յետ (24 տարւոյ) Մուշեղայ՝ թագաւո-
րեց իր որդին Աբաս Բ 45 տարի. ասոր ալ յաջոր-
դեց որդին Գագիկ՝ 35 տարի. որ Անի քաղքին Յու-
նաց ձեռքը մատնուելէն վերջը 20 տարի ալ նստաւ
հոս. սակայն նոր և աւելի զօրաւոր թշնամեաց ձեռ-
քէն աղատ չիմնաց. Սէլջիւկ թուրքաց ասպատակքն՝
յամին 1055 յանկարծօրէն յարձըկեցան Կարսայ
վրայ, իրենց չար սովորութեամբ՝ Աստուածայայտ-
նութեան տօնից օրերը, և անսլատրաստ գտնելով՝
կողոպտեցին քաղաքը՝ որ հարըստութեամբ լցուած
էր, « ի ծովէ և ՚ի ցամաքէ ամբարեալ ». շէնքերը
այրեցին, մնացեալ բնակիչքը ջարդեցին. վասն զի
մէկ մասը միջնաբերդը փախաւ և աղատեցաւ: Տուղ-
րիլ Սուլտան աւարին համն առած՝ նորէն ասպա-
տակ խաւրեց Կարսայ վրայ՝ Արսուրան զօրավարին
առաջնորդութեամբ. այս անգամ Գագիկ անսլատ-
րաստ չէր. դէմ խաւրեց իր զօրքերը, որ մեծ ջարդ-
ըրին թշնամեաց մէջ. բայց յանդըզնօրէն առաջ նե-

տուելով՝ 30 հոգի իրենց աղնուականներէն սպա-
նուեցան, մէկն ալ թաթուլ անուն՝ « այր հզօր և
սլատերազմասէր » բռնուեցաւ. բերին Սուլտանին
առջև. զարմացաւ սա կտրըծին կերպարանայ և ան-
վախութեանը վրայ, և խոստացաւ անվնաս արձը-
կելու՝ եթէ իր զօրավարին խոցուած որդին բժշկուե-
լու ըլլար. — « Թէ իմ է զարկածն, ըսաւ թաթուլ,
չէ՛ կենաց. թէ այլում է՝ դայն ոչ զիտեմ ». (Եթէ
իմ ձեռքէս զարնուած է Արսուրայ որդին՝ անկարե-
լի է որ ապրի, իսկ եթէ ուրիշ մ' է զարկողն՝ այն
չեմ զիտեր): Ըսածն ստուգուեցաւ. երիտասարդն
մեռաւ. թաթուլ ՚ի մահ մատնեցաւ. բայց Տուղրիլ
անոր աջ բազուկը կտրելով՝ խաւրեց մխիթարանք
Արսուրանայ, « թէ ի վատ բազկէ չէ՛ մեռեալ քո որ-
դին »: Արժանի՛ գովեստ արժանաւոր քաջին: —
Տուղրիլայ յաջորդն Էլի-Սրսլան առաւ զԱնի.
կարդն եկաւ Կարսայ. դեսսական խաւրեց Գագիկայ
որ անձնատուր ըլլայ. զիտէր սա որ կարելի չէ՛ եր-
կար ատեն այն ահեղ աղեղնաւորաց դէմ կենալ, և
Թաթլոյ անվրէպ բազուկներն միշտ չեն բուսնիր. ճար-
տարութեամբ բռնաւորին սիրտը որսաց. սլալատան

ներքնատուներ նստաւ սգազգեստ՝ դեսպանին եկած
ատեն, կարծեցընելով որ Տուղրիլի մահուան վրայ
է սուղն. հաւատաց գթացաւ Ասլան, և խաղաղու-
թեամբ եկաւ ի Կարս. Գազիկ մեծ հանդիսիւ ընդ-
ունեցաւ զնա և կերակրեց բոլոր բանակովը, մէկ
անդամուն ինչուան 100,000 դահեկան (ոսկի) ծախս
ընելով, և յետ դարձուց աշխարհաւերը: Բայց չու-
ղելով որ անգամ մ'ալ փորձանքի ընկնի, Յունաց
վաճառեց իր քաղաքն ալ գաւառն ալ, և փոխարէն
առաւ Կապադովկիոյ մէջ երկիր մը: — 20 տարի
վերջը (1084) Յոյնք ալ Վրաց ծախեցին զԿարս. ա-
սոնցմէ առին թուրքք և պահեցին մինչև ԺԳ դա-
րուն սկիզբը, յորում (1208ին) Չաքարէ և Իւանէ
առին զԿարս Վրաց և Հայոց զօրօք. բայց 50 տարի
վերջը (1259) Թաթարք Անին առնըլէն ետեւ եկան ի
Կարս, և թէպէտ դաշնադրութեամբ առին, բայց
կողոպտեցին հանդերձ արիւնհեղութեամբ: — 15
տարի վերջը հոս կը նստէր իրենց մեծ զօրավարն
Բաշի-Նուին, երբ Ա. Հեթում թագաւորն Կիւլիկիոյ
եկաւ իրեն այցելութեան՝ ի Թաթարստան երթալու
ատեն: Թաթարաց և թուրքաց ձեռքը մնաց Կարս

անաւեր՝ իր ամրութեամբը, նաև Ղէնկթիմուրի ա-
տեն (1594), որ պաշարմամբ չկրցաւ առնուլ, այլ
պայմանաւ անձնատուր ըրաւ անոր բերդապահը
(Ֆիրուզպախթ): Անկէ ետեւ ԺԵ դարուն մէջ Թուր-
քաց և Վրաց կռուոյ կէտ մ'եղաւ Կարս, ինչպէս
ետեւի դարերուն մէջ ալ՝ Օսմանեանց և Պարսից. ա-
սոնք շատ անգամ պաշարեցին, նաև իրենց մեծ և
յաղթող թագաւորաց ատեն, ինչպէս Շահաբաս
(1605), Թահմազ Ղուլի (1735) բայց չկրցան առ-
նուլ. և ոչ ալ Ռուսք 1807ին. բայց 1828 պատե-
րազմին ատեն Բասթեիչ երեք օր պաշարելով, և ա-
րևելեան հարաւային կողմը տկար գտնելով ու ան-
կէ յարձըկելով՝ ստիպեց զՕսմանեանս անձնատուր
ըլլալու (25 յունիսի). և երբ քանի մ'ամիս ետքը
Ադրիանուպօլսոյ դաշնադրութեամբ նորէն Օսմա-
նեանց թողուցին զԿարս, կ'ըսեն թէ Բասթեիչ լա-
ցած ըլլայ: Բայց Ռուսք ելլելու ատեննին՝ ոչ միայն
շատ բան վերուցին քաղքէն, այլ և ամրութեանց
մէկ մասը քակեցին. անոր համար վերջի նոր պա-
տերազմին ատեն (1854-5) Անգղիացի փաշայն Աւի-
լիէմս նորէն ամրացուց, չորս կողմն ալ մարտկոց-

ներ կանգնեց, որով վեց ամիս դիմացաւ Ռուսաց շատ անգամ յարձակմանցը, որք և անգամ մը 7000 մարդ կորուսին անոր պարսպաց տակ. և վերջապէս սովով նեղելով առին (28 նոյեմբ.) և երբ նորէն թողուցին Օսմանեանց (7 օգոստոսի, 1856) ամրոցները աւրըշտըկեցին, թուրքաց արձանագիր քարերը քակեցին՝ կարսայ հակառակորդ Աիւմրի բերդին հազուցին: Գետինը փորելու ատենն ալ հողէ աման մը դտան՝ վրաց Ռուսուդան թագուհւոյ պղնձի դրամներով. այս թագուհւոյս ատեն (ՃԳ դար) պարսպաց նորոգուելուն վկայ է ինչուան հիմայ աշտարակի մը վրայ մնացած հայերէն արձանագիրն. « Շնորհիւն Աստուծոյ և ողորմութեամբ թագաւորին մերոյ Ըռուսուդանայ՝ մեք կարուց քրիստոնեայքս մեծ և փոքր՝ շինեցաք զբերդներս, ՚ի յիշատակ մեզ և սլատրոնին մերոյ »:

Կարս՝ Կարնոյ՝ և անով բոլոր Փոքր Ասիոյ՝ պատուար և դուռ կըրնայ ըսուիլ Օսմանեանց արևելեան հիւսիսային սահմաններուն. ամրութեամբ հիմայ առաջին քաղաք է իրենց վիճակած Հայաստանին. և մեր հին աշխարհին մէջ ամենէն առողջ և

ուժով մնացեալ տեղն կըրնայ ըսուիլ. միանգամայն և մէկ հատիկ ողջ մնացած Հայոց թագաւորանիստ քաղաքաց մէջ, որոց շատն բոլորովին աւերակ են, ոմանք կիսաւերակ, կամ անշուք գիւղ մը դարձած: Քաղաքական վարչութեամբ և առևտրի կողմանէ ալ մեր աշխարհին գոնէ երկրորդ կարգի քաղաքաց մէջ նախադասներէն է. Վրաստանի և Ռուսաց բաժնին մօտ ըլլալով՝ աւելի շատ զանազան ազգաց կերպարանք կ'երևան ՚ի կարս քան ՚ի կարին. կովկասային ժողովրդոց դրացի և իջևան եղած է շատ դարերէ վեր, Պարսկաստանի վաճառականաց ալ գործակից: Միով բանիւ՝ շատ տեսութեամբք, թէ բնական, թէ քաղաքական, թէ պատերազմական, թէ հայրենական, մեր աշխարհին ամենէն նշանաւոր շինից մէկն է կարս, արքայաշուք քաղաքն Վանանդայ:

Մեր նշմարաց ՅԱԳ թիւն կը ներկայացընէ կարսայ արևմտակողմեան տեսքը, հանդերձ բերդովը. իսկ ՅԶն կարսայ հարաւային կողմը:





33. ՏԵԿՈՐ.

ՏԵԿՈՐ.


Շիրակայ դաշտին հարաւակողմերը և Երասխ գե-
տէն քանի մը ժամ հեռու՝ հին մեծամեծ գեղեր կան
Հայոց, որք թէ և հիմայ անշուք և ամայի եղած են,
ժողով մը հիւղերու կամ կէս գետնաթաղ տանց,
այլ իրենց հին և հոյակապ սրբազան շէնքերով՝ շատ
լաւ կ'իմացընեն որ ներկայիս աննման դարեր տե-
սեր են. աղատութեան, հարըստութեան և բարեպաշ-
տութեան ատեն ծներ զարգացեր են. թէպէտ և
պատմութիւնն շատին անուներ կը լռէ, կամ հազիւ կը
յիշէ: Աստնցմէ մէկն է Տեկոր, Անիէն չորս ժամ հե-
ռու դէպ ի հարաւ արեւմտից, Երասխէն ալ աւելի
հեռու, պզտի գետակի մը եզերք, որ յԱխուրեան

խառնուի. այս (արեւելեան) կողմէն՝ Տեկորոյ սահ-
մանը բաց է, մէկայլ երեք կողմերէն լեռնաբլրովք
պատած է. չորս դին հիմայ գետինն կէս մշակած կէս
անբնակ, միայնացեալ լռին տեղ մը կ'երևայ. անոր
համար ալ աւելի մեծ և փառահեղ կ'երևի ի բնէ
իսկ մեծ և ամրաշէն եկեղեցին, զոր ցուցընեն մեզի
35դ և 34դ Նշմարքս. և որ մեր նախնեացմէ բաւա-
կան անարատ հասած և հնագոյն յիշատակարանաց
մէկն է. և ոչ մեր միայն, այլ և առհասարակ բրիս-
տոնէութեան տաճարաց. որով և սրբազան ճար-
տարապետութեան հնագոյն և ընտիր ձեռագործաց
մէկն. որուն շինուածքն զարմանալի, շէն մնալն դու-

ցէ աւելի զարմանալի, այնպիսի բազմակոխ, բազմակոխ բազմաւեր դաշտի մը մէջ: Անոյ ծերագոյն եկեղեցիներն ասոր քով երիտասարդք են: Քանի՛ հազար անգամ արեն իր ցորեկուան և գիշերուան կշիռքն հաւասարեցուցեր է այն լայնածե գմբէթին վրայ. հազարամեայ դարու վրայ քանի՛ հարիւրամեայ դարեր ալ անցեր են, իրենց ձիւներն անոր գլխուն և ծաղկըներն ոտքին սփռելով, և նա կանգուն կեցած խորհրդագողգած լռութեամբ դիտեր է մեր յետին նախարարաց, Սասանեանց, Արաբացոց, Բագրատունեաց, Թուրքաց և Թաթարաց գործելն և անցնիլը, մինչև Պարսից և Օսմանեանց և Ռուսաց յետին հանդէսները: Ինքն շատերուն վրայ զարմացած է բարոյապէս կամ դիմառնութեամբ, այլ իր վրայ բաւական զարմացողք չեն եղած, ինչպէս որ կ'արժէր, և ինչպէս որ փափագիմ այսուհետև: Թէպէտ սրատես ճարտարապետք ոմանք տեսնելով Տեկորոյ եկեղեցւոյն պատկերը՝ ճանչցեր են անոր ճարտարութեամբ կառուածքը և յարգը, այլ կարծեմ ոչ ըստ բաւականին՝ հնութիւնը, որ աւելի ալ կ'աւելցընէ զյարգն առա-

ջի հնախոյզ արուեստաւորաց. զարմանք կը բերէ ինձի ճարտար Փռանկ արուեստաւորն Գեսիէ, որ Տեկորոյ պատկերներն ալ մեղի կ'ընծայէ, երբ կ'ըսէ թէ տեղացի քահանայ մը եկեղեցւոյն մէկ դրան վըրայ կարդալով արձանագիր մը՝ միայն այսչափ իմացեր է որ շինուած ըլլայ յամին 1242! . եթէ հեղինակին գրոց թիւն ալ սխալ չէ տպագրուած:

Արդ մեր ազգայնոց մէջ ամենէն հմուտ և հաւատարիմ քննող և գաղափարողն (Հ. Ներսէս Սարգիսեան) այդպիսի նոր թուական գտած չէ. եթէ արձանագիր օրինակեր է, որոց վեցն թուական ունին, և սկսեալ յ' 971 տարւոյ (ՆԻ) հասնին ի 1036 (ՆՁԵ). այս է յետին թուականն իբրև 840 տարուան, իսկ առաջինն ամբողջ 900 տարուան (971=1871): Սակայն արձանագրողք, — որոց առաջինն է Խոսրովանոյ թագուհի՝ կին Աշոտոյ Ողորմածի, երրորդն Կատրանիդէ թագուհի (1008) կին Գագկայ թագաւորի, — եկեղեցւոյ շինութիւն կամ նորոգութիւն չեն յիշեր, այլ միայն իրենց նուէրքէ և հարկերէ ազատ թողուլն զՏեկոր: Եկեղեցւոյն շինութեան յիշատակարանն թէ կ'ըլլէ մը խախտած՝ անոր մեծ ա-



34. ՏԵԿՈՐ. ՃԱԿԱՏ ԵԿԵՂ.



րեմտեան դրան վրայ փորագրած է, և այն միայն է առանց թուականի. վասն զի և Հայոց թուականէն առաջ գրուած է. այսինքն Քրիստոսի 551 թիւէն առաջ: Վասն զի միայն այն ժամանակին զուգահանդիպին արձանագրութեան մէջ յիշեալ Յովհաննէս կաթողիկոս մը, Յովհաննէս Արշարունեաց եպիսկոպոս մը, և « Սահակ Կամսարական (որ) շինեաց զայս Վկայարան » . ապա Տեկորոյ տաճարն 1550 անգամէն աւելի գարուն ողջուներ է. և շնորհօք իր քաջ ճարտարապետին դեռ կանգուն է, և մեծ ու մխիթարական բաղդով դեռ նուիրեալ իր Փեսային՝ Քրիստոսի:

Ներքին ձևով թէ և քիչ շատ նման է Անոյ կաթողիկէին և այլոց, բայց գմբէթն կ'իմացընէ իր մեծ հնութիւնն. վասն զի Անոյ եկեղեցեաց և ուրիշներու պէս՝ շատ սրածե չէ, այլ աւելի տափակ ու լայն, որով հնադոյն բիւզանդական գմբէթաց ձևին կը մօտենայ, միշտ հայկական ոճն ալ պահելով: Նշանաւոր են ըստ ճարտարապետական դիտողութեան ներքին կամարաց բոլորածեութիւնն, և արտաքնոցն (որ դրանց վրայ կ'երևին) կիսաբոլորէ աւելի կլո-

րութիւնն. կողմնական սիւներն ալ իրենց սեփական ձև և վայելչութիւնն ունին: Ինչպէս կ'երևի նշմարացս վրայ՝ եկեղեցւոյն չորս կողմը ծայրէ ծայր կը պատեն հինգ քարեղէն աստիճանք, ոմանք աւրուած, ոմանք գետին թաղուած, մաս մ'ալ ամբողջ մնացած:


Մեծ դուռն արեմուտքէն է, որ հիմայ խցուած է. երկու դուռ ալ կողմերէն ունի, որք բաց են. մէջն երկայնածե քառակուսի է առանց թևի. երկայնքն է իբրև 26 չափ, լայնքն 16, պատերուն թանձրութիւնն ալ չափ մը. գմբէթն չորս քառակուսի ստուար սեանց վրայ բարձրացած է, որոց խարխիսն է 2¹/₂ չափ հաւասար: Բեմին կամ խորանին պատերն աւելի թանձր են. խորանն կիսաբոլորածե դուրս ելած է քառակուսիէն. այսպէս ալ երկու քովէն պահարանքն դէպ ի հիւսիս և հարաւ երկայնած, և ոչ յարևելք, ինչպէս են Անոյ եկեղեցեաց. այս պահարանք կամ նշխարատունք նեղկուկ են, 2 չափ ընդ լայնն և վեց ընդ երկայն. վրանին ալ մէկ մէկ ուրիշ սենեակք կան նոյն չափով: Եկեղեցւոյն ներսն ալ դուրսն ալ ամենէն մեծ զարդն՝ է պարզութիւնն. կըրնայ ըսուիլ թէ ուրիշ քանդակ ալ չկայ, բաց ի

դրանց շրջանակէն և սիւներէն . սիւներն ալ աղատ
չեն , այլ պատին կիսլ , եօթն եօթն հատ երկու կող-
մերը , իսկ ճակատը փոխան կլոր սեանց՝ վեց հատ
քառակուսի որմնասիւն կայ . միջին և կողմնական
դրանց բարաւորքն ալ զուգակ սիւնակներունին , բո-
լորն մէկէն տասն զոյգ : Գմբէթն ճիշդ ժամատան
մէջ տեղն է , այսինքն մեծ դրան և բեմին աստիճա-
նին միջոցը , որ է ըսել եկեղեցւոյն բուն քառակու-

սոյն միջոցը , ի բաց առնըլով բեմին և իր քովի պա-
հարաննաց մասը :

Մեր ՅՅդ նշմարն կը ցուցընէ Տեկորոյ հնապանծ
եկեղեցւոյն երևոյթը . ՅԿդն ալ անոր պայծառ և
վայելուչ ճակատը , որ ԼՅ և կէս դարէ վեր դիտելով
դարեւելս՝ անոր անմաշ ճառագայթից շնորհքն ա-
ռած կ'երևի :





35. ԵՐՈՒԱՆԴԱՇԱՏ.

Ե Ր Ո Ւ Ա Ն Դ Ա Շ Ա Տ .

Ախուրեան գետն որ զԱնի կը պատէ յարևելից՝
 գրեթէ հաւասարապէս հեռու թէ անկէ և թէ Տե-
 կորէն՝ ի հարաւ իջնալով կը խառնուի յԵրասխա . այս
 խառնըրդոց երկու անկիւնները մէկմէկ մեծ և բազ-
 մաչէն բնակութեան տեղիք կանգնեցան՝ 18 դար ա-
 ուաջ , մէկ ժամանակ և մէկ անձի հրամանաւ , որոյ
 անուամբ և կոչուեցան Երոշակաշատ և Երոշակա-
 կերտ : Երուանդ մեր պատմութեան մէջ խառն յիշա-
 տակ մը թողած է , ի ծնէ մինչև ի մահն . ծնունդն ,
 կ'ըսէ պատմիչն , թէ և Արշակունի մօրէ , այլ հայրն
 անձանօթ ըլլալով՝ խառնակ համարեցաւ : Բայց ինքն
 յաջող և կտրիճ անձ մ'ըլլալով , միանգամայն և ա-
 ուտաձեռն սիրելի եղաւ թաղաւորին (Սանատրկոյ) ,

և իշխանաց . որք դէմ չկեցան իրեն՝ երբ յետ Սա-
 նատրկոյ թագը յափշտակեց . բայց նախ ինքն ճանչ-
 ցաւ իր բռնաւոր և յափշտակող ըլլալը . և յափշ-
 տակել չտալու համար՝ սկսաւ իր կեանքը և բնակու-
 թիւնը ապահովելու և ամրացընելու ջանալ : Հայոց
 հին մայրաքաղաքն Արմաւիր՝ Երասխա գետին հեռա-
 նալովն՝ անջուր և անյարմար թուեցաւ իրեն . թո-
 դուց զայն , և առաջ անցնելով յարևմուտս՝ Շիրա-
 կայ դաշտին վարի ծայրը , յիշեալ գետախառնըրդոց
 անկիւնները իրեն դաստակերտները կանգնեց : Ա-
 րևելեան անկիւնը դրաւ իր զբօսանաց աւանը՝ Ե-
 րուանդակերտ , իսկ արևմտեան անկիւնը՝ բուն թա-
 գաւորական քաղաքը , Երուանդաշատ : Հոս գետան-

կեանց միջոց քարաբլուր մը կար, զոր շատ յարմար
գտաւ ամրութեան. երկու գետոց ջրեղէն պատերէն
զատ՝ քարէ պարսպօք ալ պատեց. և պարսպէն ներս
քարաբլրին ստորոտքը զանազան տեղ փորելով՝
գետէն ջուր բերաւ ծածուկ ճամբաներով. վրան
բերդ մը շինեց բարձր պարիսպներով, պղնձէ դռ-
ներով և երկաթէ սանդղօք. ուսկից անփորձ և թըշ-
նամի մարդ չէր կրնար ելնել. վասն զի սանդղոց
աստիճանաց միջոց որոգայթներ կար՝ որք կը բռնէին
անդգոյշ կոխողը. իսկ թագաւորին և ծառայից հա-
մար՝ որոշուած էր սանդուղն կամ կոխելու տեղն :
Բերդին մէջ դրաւ Երուանդ իր արքունիքը, վարն
ալ հաւատարմաց և ուրիշ մարդկան բնակութիւն
թողուց. միայն չուզեց որ շատ մարդ գայ հոն պատ-
ճառաւ հանդիսից, անոր համար մեծամեծ կուռքերն
ալ՝ որ մայրաքաղաքին մէջ կը պատուէին, հոն չմը-
տուց, այլ քանի մը ժամ հեռու՝ անոնց ալ զատ ա-
ւան մը շինեց, որ Բագարան ըսուեցաւ, և պաշտօ-
նասէրները հոն կը խաւրէր : Այս ամենայն զգուշու-
թիւնք բաւական չեղան զինքը իր փափագին հաս-
ցընելու. ոչ ամրութիւնքն և ոչ որոգայթքն ասպրե-

ցուցին զինքը : Թագաւորութեան արդար ժառանգն
Արտաշէս՝ իր Այրաքաջ Սմբատ սպարապետին ձե-
ռօք յաղթեց հալածեց զնա մինչև յամուր բերդն և
դղեակն. բայց բերդապահք անձնատուր եղան, դռ-
ները բացին, անշուշտ ճամբան ալ ցուցին անվտանգ
վեր ելնելու. իր լարած որոգայթից մէջ բռնուեցաւ
բռնաւորն և սպանուեցաւ. իրեն հետ իր քաղաքին,
Երուանդաշատայ փառքն ալ մարեցաւ. վասն զի
թագաւորական աթոռն հաստատեցաւ յԱրտաշատ :
Իսկ Երուանդայ շէնքերն՝ արքունի կալուածք եղան.
զորս յետ 250 տարւոյ՝ մեծն Տրդատ պարզեց Կամ-
սարականաց ցեղին. որք իրենց իշխանական աթոռը
հաստատեցին յԵրուանդաշատ. և թէ ոչ յետ շատ
ժամանակի՝ Արշակ Թոռնորդին Տրդատայ յափշտա-
կեց զայն անոնցմէ, բայց իրմէ զօրաւորն ալ և իր
անհաշտ թշնամին՝ Շապուհ Պարսից թագաւորն իր-
մէ խլեց, և բոլոր շէնքերը կործանել տուաւ, գերի
տանելով բնակիչքը, որք շատ բազմաթիւ էին, և
մեծ մասն Հրեայ : Այնուհետև չիյիշուիր Երուանդա-
շատ իբրև շէն տեղ մը, այլ գուցէ 1500 տարիէ վեր
աւերակ մնացեր է, հազիւ 500 տարի պայծառանա-

լով. և ժամանակն գետինը բարձրացընելով՝ գինքը
ծածկեր է հողով և քարամբք. որոց տակ շատ հա-
ւանական է թէ իր փառաց փշրանքն ցրուած պա-
հուած են. և մեծ աշխատութեամբ փորուելով՝ կա-
րելի է տեսութեան և յիշատակաց արժանի բաներ
գտնել: Իսկ պարզ աչօք դրսանց երեցածն է ահա-
ւասիկ Նշմարս 33դ. յորում գեռ կ'երևի պարիսպ-
ներուն մասն սև և կարմիր լաւայի մեծամեծ քարե-
րով, քարաբլրին մէջ փորուած ջրամբարի տե-

ղուանք, կարմիր քարէ կամուրջի մը կտոր Երաս-
խայ վրայ, քանի մը բնակարանաց և բերդին և աշ-
տարակաց մնացորդք: Բերդին քարաբլրին քով ու-
րիշ բլուր մ'ալ կայ, վրան սեաւ լաւայի քարերով
գերեզմաններ, ինչուան ԺԵ դարու արձանագրու-
թեամբ. թերևս կռասպաշտից գերեզմանք ալ ըլլան
հոն: — Հիմայ Երուանդաշատայ ամենէն մօտ գեղն
կոչուի Հաճի-Պայրամ:

Faint, illegible text in the left column, possibly bleed-through from the reverse side of the page.

Faint, illegible text in the right column, possibly bleed-through from the reverse side of the page.



Extremely faint and illegible text covering the lower half of the page, likely bleed-through from the reverse side.





Կ Ո Ղ Բ .



Հայաստանի երկրաբանական հանգամանաց ամենէն նշանաւորներէն մէկն է աղաչատ ըլլալն . ամեն դիրքով և ձևով աղեր ունի, թէ լիճ, թէ գետ, թէ աղբիւր, և թէ քարաղ : Այս ետքի տեսակէս, այսինքն բուն աղի հանք, կամ աղի լեռներ շատ կան ի Հայս . գլխաւորներն են Նախիջևանայ և Կողբայ : Երուանդայ շէնքերէն քիչ հեռու է Կողբ, Երասխայ հարաւակողմը, հին ճակատք գաւառին մէջ . որ իբրև մարդաշէն տեղի ունեցեր է մեծութիւն և պայծառութիւն, հիմայ անցած և ծածկուած . վասն զի

հին Կողբն ալ ամայութեանց և աւերակաց կարգանցեր է, թողլով շէնքերու մնացորդներ, որոց մէջ կ'երևին երեք եկեղեցիք . մէկն մեծ և կարմիր քարերով շինուած, գուցէ է դարէն մնացած, յորում Հերակլ կայսր պարգևեց Եղբի կաթուղիկոսի այս գեղս և իր Աղահանքը : Այս աւերակաց վրայ կը թափառի՝ մեր ամենէն յստակախօս և հայկաբան իմաստասիրին համբաւն, որ է եղծիչն աղանդոց՝ Եղնիկն աշակերտ Ս . Սահակայ և Մեսրովպայ : Հիմակուան Կողբն Բարդող լերան ստորտը բոլորած

է, կաւէ տուներով և աշտարակներով: Աղահանք լեռն կամ բլուրն գեղին արևելակողմն է իբր կէս մղոն հեռու, և կանաչ ու կապուտագոյն հողերով զատուած երեք կարգ քարաղի կը ցուցընէ, որք Նախիջևանայ աղահանից պէս՝ Նահապետաց ժամանակէն ի վեր կը փորուին, կը կտրուին և կը տա-

րուին, և առ նուազն տարին 50,000 ֆրանգի եկամուտ կու տան: — 36դ Նշմարս կը ցուցընէ զՎողբ հանդերձ աղահանք լերամբ, միանգամայն և իր գերեզմանօքը: Կը պակսի միայն Եղնակայ Վողբացւոյ մահարձանն, կամ մանաւանդ անմահարար յիշատակաց արձանն:





